



志卷第六十

宋史一百七

開府儀同三司柱國錄軍國重事前中書右丞相監修國史領經筵事都總裁臣脫脫等奉
勅修

禮十

吉禮十

禘祫

宗廟之禮每歲以四孟月及季冬凡五享朔望則上
食薦新三年一禘以孟冬五年一禘以孟夏唯親郊
封祀又有朝享告謝及新主祔謁皆大祀也二薦則
行一獻禮其祔祭春祀司命及戶夏祀竈季夏祀中
霤秋祀門及厲冬祀行惟臘享禘祫則偏祀焉禘祫

之禮真宗咸平二年八月太常禮院言今年冬祭畫
日以十月六日薦享太廟按禮三年一祫以孟冬又
疑義云三年喪畢遭禘則禘遭祫則祫宜改孟冬薦
享爲祫享仁宗天聖元年禮官言真宗神主祔廟已
行吉祭三年之制又從易月之文自天禧二年四月
祫享至今已及五年合行禘禮遂以孟夏薦享爲禘
享八年九月太常禮院言自大聖六年夏行禘享之
禮至此年十月請以孟冬薦享爲祫享詔恭依嘉祐
四年十月仁宗親詣太廟行祫享禮以宰臣富弼爲
祫享大禮使韓琦爲禮儀使樞密使宋庠爲僕人使

參知政事曾公亮爲橋道頓遞使樞密副使程戡爲
鹵簿使同判宗正寺趙良規請正太祖東向位禮官
不敢決觀文殿學士王舉正等議曰大祫之禮所以
合昭穆辨尊卑必以受命之祖居東向之位本朝以
太祖爲受命之君然僖祖以降四廟在上故每遇太
祫止列昭穆而虛東向魏晉以來亦用此禮今親享
之盛宜如舊便禮官張洞韓維言國朝每遇禘祫奉
別廟四后之主合食太廟唐郊祀志載禘祫祝文自
獻祖至肅宗所配皆一后惟睿宗二后蓋昭成明皇
母也續曲臺禮有別廟皇后合食之文蓋未有本室

遇祫享即祔祖姑下所以大順中三太后配列禘祭
 議者議其非禮臣謂每室既有定配則餘后不當參
 列議當革正學士孫抃等議春秋傳曰大祫者何合
 祭也未毀廟之主皆升合食于太祖是以國朝事宗
 廟百有餘年至祫之日別廟后主皆升合食非無典
 據大中祥符中已曾定議禮官著酌中之論先帝有
 恭依之詔他年有司攝事四后皆預今甫欲親祫而
 四后見黜不亦疑於以禮之煩故邪宗廟之禮至尊
 至重苟未能盡祖宗之意則莫若守舊禮臣等愚以
 謂如故便學士歐陽脩等曰古者宗廟之制皆一帝

一后後世有以子貴者始著並祔之文其不當祔者
 則有別廟之祭本朝禘祫乃以別廟之后列于配后
 之下非惟於古無文於今又四不可淑德太宗之元
 配列于元德之下章懷真宗之元配列于章懿之下
 一也升祔之后統以帝樂別廟之后則以本室樂章
 自隨二也升祔之后同牢而祭牲器祝冊亦統于帝
 別廟諸后乃從專享三也升祔之后聯席而坐別廟
 之后位乃相絕四也章獻章懿在奉慈廟每遇禘祫
 本廟致享最為得禮若四后各祭于廟則其尊自卑
 而於禮無失以為行之已久重於改作則是失禮之

舉無復是正也請從禮官詔四后祫享依舊須大禮
畢別加討論仍詔祫享前一日皇帝詣景靈宮如南
郊禮衛士毋得迎駕呼萬歲有司言諸司奉禮攝廩
犧今省牲依通禮改正祀儀散齋四日於別殿致齋
二日於大慶殿一日于太廟尚舍直殿下設小次御
坐不設黃道褥位七室各用一太牢每坐簋簠二甗
鉶三邊豆爲後無黼屨席几出三閣瑞石篆書玉璽
印青玉環金山陳于庭別廟四后合食牲樂奠拜無
異儀故聖七祀功臣無牲止於廟牲肉分割知廟卿
行事請依續曲臺禮共料一羊而獻官三員功臣隨

席如大中祥符加褥十月三日命樞密副使張昇望
告昊天上帝皇地祇帝齋大慶殿十一日服通天冠
絳紗袍執圭乘輿至大慶殿門外降輿乘大輦至天
興殿薦享畢齋于太廟明日帝常服至大次改袞冕
行禮畢質明乘大輦還宮更服鞞袍御紫宸殿宰臣
百官賀升宣德門肆赦二十一日詣諸觀寺行恭謝
禮二十六日御集英殿爲飲福宴治平元年有司準
畫日孟冬薦享改爲祫祭按春秋閔公喪未除而行
吉禘三傳譏之真宗以咸平二年六月喪除至十月
乃祫祭天聖元年在諒陰有司誤通天禘舊禘之數

在再期內按行禘祭以理推之是二年冬應禘而誤禘於元年夏故四十九年間九禘八禘例皆大速事失於始則歲月相乘不得而迄今在大祥內禮未應禘明年未禘亦未應禘至六月卽吉十月合行禘祭乞依舊時享庶合典禮二年二月翰林學士王珪等上議曰同知太常禮院呂夏卿狀古者新君踐阼之三年先君之喪二十七月爲禘祭然後新主祔廟特行禘祭謂之始禘是冬十月行禘祭明年又行禘祭自此五年再爲禘祭喪除必有禘祭者爲再大祭之本也今當禘祭緣陛下未終三年之制納有司之說

十月依舊時享然享廟禘祭其禮不同故事郊享之年遇禘未嘗權罷唯罷臘祭是則孟享與享廟嘗併行於季冬矣其禘祭年數乞一依太常禮院請今年十月行禘祭明年四月行禘祭仍如夏卿議權罷今年臘享熙寧八年有司言已尊僖祖爲太廟始祖孟夏禘祭當正東向之位又言太廟禘祭神位已尊始祖居東向之位自順祖而下昭穆各以南北爲序自今禘禘著爲定禮元豐元年詳定郊廟禮文所言禘禘之義存於周禮春秋而不著其名行禮之年經皆無文唯公羊傳曰五年而再盛祭禮緯曰三年一

禘五年一禘而又分爲二說鄭氏則曰前三後二謂禘後四十二月而禘禘後十八月而禘徐邈則曰前二後三謂二祭相去各三十月以二說考之惟鄭氏曰魯禮三年喪畢禘於太廟明年禘于群廟自後五年而再盛祭一禘一禘實爲有據本朝慶曆初用徐邈說每三十月一祭熙寧八年既禘而禘此有司之失也請今十八月而禘禘四十二月而禘庶幾舉禮不煩事神不瀆太常禮院言本朝自慶曆以來皆三十月而一祭至熙寧五年後始不通計遂至八年禘禘併在一歲昨元豐三年四月已行禘禮今年若依舊

例十月行禘享即此年頻禘復踵前失請依慶曆以來之制通計年數皆三十月而祭詔如見行典禮詳定所又言古者裸獻饋食禴祠丞嘗並爲先王之享未嘗廢一時之祭故孔氏正義以爲天子夏爲大祭之禘不廢時祭之初秋爲大祭之禘不廢時祭之嘗則王禮三年一禘與禘享更爲時祭本朝沿襲故常久未釐正請每禘禘之月雖已大祭仍行時享以嚴天子備禮所以丕崇祖宗之義其郊禮親祠準此又言禮不王不禘虞夏商周四代所禘皆以帝有天下其世系所出者明故追祭所及者遠也太祖受命祭

四親廟推僖祖而上所自出者譜失其傳有司因仍
舊說禘祫皆合群廟之主綴食於始祖祖失禮莫甚今
國家世系與四代不同既求其祖之所自出而不得
則禘禮當闕必推見祖系乃可以行神宗謂輔臣曰
禘者本以審禘祖之所自出故禮不王不禘秦漢以
後譜牒不明莫知其祖之所自出則禘禮可廢也已
而詳定所言古者天子祭宗廟有堂事焉有室事焉
按禮祝延尸入奧灌後乃出延牲延尸王出于室坐
于堂上始祖南面昭在東穆在西乃行朝踐之禮是
堂事也設饌于堂復延主入室始祖東面昭南穆北

饌堂上之饌于室中乃行饋食之禮是室事也請每
行大禘堂上設南面之位室中設東面之位禮部言
合食之禮始祖東面昭南穆北者本室中之位也今
設位戶外祖宗昭穆別為慳次殆非合食之義請自
今禘享即前搗通設帳幕以應室中之位大觀四年
議禮局請每大禘堂上設南面之位室中設東面之
位始祖南面則昭穆東西相向始祖東面則昭穆南
北相向以應古義又請陳瑞物及代國之寶與真物
可出而陳者並令有司依嘉祐元豐詔旨凡親祠太
廟準此從之南禋之後有禘而無禘高宗建炎二年

裕享于洪州紹興二年裕享于温州時儀文章創奉
遷祖宗及祧廟神主別廟神主各設饗台食于太廟
始祖東向昭穆以次南北相向五年吏部員外郎董
茶言臣聞成祀國之大事而宗廟之祭又祀之大者
也大祀神祇裕爲重祫大禘小則裕爲莫大焉今戎事
方殷祭祀之禮未暇備舉然事有違經及古上不當
天地神祇之意下未合億兆黎庶之心特出於一時
大臣好勝之臆說而行之六十年未有知其非者願
雖治兵禦戎之際正厥違誤宜不可緩仰惟太祖受
天明命混一區宇如其功德所起宜裕享以正東向

之尊遠至仁宗親行裕享嘗議太祖東向用昭正統
之緒當時在廷之臣僉謂自古必以受命之祖乃居
東向之位本朝太祖乃受命之君若論其廟之次有
僖祖以降四廟在上當時大裕上列昭穆而虛東向
蓋終不敢以非受命之祖而居之也暨熙寧之初僖
祖以母次當祫禮官韓維等據經有請適三安石用
事奮其臆說乃俾章衡建議專僖祖爲始祖肇居東
向馮京奏謂士大夫以太祖不得東向爲恨安石辯
言以折之已而又欲罷太祖郊配神宗以太祖開基
受命不許安石終不以爲然元祐之初真祖既祫正

合典禮至於崇寧宮祖嘗祕道祭宗周書一德安石
之術乃建言請立元廟自我作古其已祕言矣祖宣禋
並即依舊循沿至今太祖尚居第四室過大禘慶昭
穆之列今若正太祖東向之尊委合禮經太常寺丞
王晉又言祭所奏深得禮意而其言尚有未盡臣竊
以古者廟制異宮則太祖居中而群廟列其左右後
世朝制同室則太祖居右而諸室皆列其左右者禘
享廟殿于堂則太祖南向而昭穆位于東西饋食于
室則太祖東向而昭穆位于南北後世禘享于于堂
上而用室中之位故唯以東向為太祖之尊焉若夫

群廟迭毀而太祖不遷則其禮尚矣臣故知太祖卽
廟之始祖是為廟號非謚號也惟我太宗嗣服之初
太祖廟號已定雖更累朝世次猶近每於禘享必虛
東向之位以其非太祖必不可居也迨至熙寧又尊
僖祖為廟之始祖百世不遷禘享東向而太祖常居
穆位則名實舛矣儻以熙寧之禮為是僖祖當稱太
祖而太祖當改廟號然則太祖之名不正前日之失
大矣今宜奉太祖神主居第一室永為廟之始祖每
歲五享告朔薦新止於七廟二年一禘則太祖正東
向之位太宗仁宗神宗南向為昭真宗英宗哲宗北

向爲穆五年一禘則迎宣祖神主享于太廟而以太祖配焉如是則宗廟之事盡合禮經無復前日之失矣上曰太祖皇帝開基創業始受天命裕享宜居東向之位宰相趙鼎等奏曰三昭三穆與太祖之廟而七載在禮經無可疑者紹熙五年九月太常少卿曾三復亦言請祧宣祖就正太祖東向之位其言甚切既而吏部尚書鄭僑等亦乞因大行祔廟之際定宗廟萬世之禮慰太祖在天之靈破熙寧不經之論今太祖爲始祖則太宗爲昭真宗爲穆自是而下以至孝宗四昭四穆與太祖之廟而九上參古禮而不廢

熙寧九廟之制於義爲允又言治平四年僖祖祧遷藏在西夾室至熙寧五年王安石以私意使章衡等議乃復祔僖祖以爲始祖又將推以配天欲罷太祖郊配韓維司馬光等力爭而安石主其說愈堅孫固慮其罷太祖配天建議以僖祖權居東向之位既曰權居則當釐正明矣詔從之閏十月權禮部侍郎許及之言僖順翼宣四祖爲太祖之祖考所遷之主恐不得藏于子孫之廟今順翼二祖藏于西夾室實居太廟太祖之右遇裕享則於夾室之前設位以昭穆焉於是詔有司議集吏部尚書兼侍讀鄭僑等言僖

祖當用唐興聖之制立爲別廟順祖翼祖宣祖之主皆祔藏焉如此則僖祖自居別廟之尊三祖不祔子孫之廟自漢魏以來太祖而上毀廟之主皆不合食今遇祫則卽廟而享於禮尤稱諸儒如樓鑰陳傅良皆以爲可詔從之時朱熹在講筵獨入議狀條其不可者四大畧云準尚書吏部牒集議四祖祧主宜有所歸今詳群議雖多而皆有可疑若曰藏之夾室則是以祖宗之主不藏於子孫之夾室至於祫祭設幄於夾室之前則亦不得謂之祫欲別立一廟則喪事卽遠有毀無立欲藏之天與殿則宗廟原廟不可相

雜議者皆知其不安特以其心欲尊奉太祖三年一祫時暫東向之故其實無益於太祖之尊而徒使僖祖太祖兩朝威靈相與校強弱于冥冥之中今但以太祖當日追尊帝號之令而默推之則知今日太祖在天之靈必有所不忍而不敢當矣又况僖祖祧主遷於治平不過數年神宗復奉以爲始祖已爲得禮之正而合於人心所謂有其舉之莫敢廢者又言當以僖祖爲始祖如周之后稷太祖如周之文王太宗如周之武王與仁宗之廟皆萬世不祧昭穆而次以至高宗之廟亦萬世不祧又言元祐大儒程頤以爲

王安石言僖祖不當祧復立廟爲得禮竊詳頤之議論與安石不同。至論此事則深服之。足以見義理人心之所同。固有不約而合者。特以司馬光韓維之徒皆是大賢人所敬信。其議偶不出此。而安石乃以變亂穿鑿得罪於公議。故欲堅守二賢之說。并安石所當取者而盡廢之。今以程頤之說考之。則是非可判矣。議既上。召對。令細陳其說。熹先以所論畫爲圖本。貼說詳盡。至是出以奏陳。又之上。再三稱善。且曰。僖祖自不當祧。高宗即位時。不曾祧。壽皇即位。太上即位。亦不曾祧。今日豈不容易可於榻前撰數語徑曰。

批出熹方懲內批之弊。因乞降出劄子。再令臣僚集議。上亦然之。熹既退。即進擬詔意。以上意諭廟堂。則聞已毀四祖廟而遷之矣。時宰臣趙汝愚既以安石之論爲非。異議者懼其軋已。藉以求勝。事竟不行。熹時以得罪遺汝愚書曰。相公以宗子入輔王室。而無故輕納妄議。拆祖宗之廟。以快其私。欲望神靈降歆。垂休錫美。以永國祚於無窮。其可得乎。時太廟殿已爲十二室。故孝宗升祔而東室尚虛。熹以爲非。所以祝延壽康之意。深不然之。因自劾。不堪言語。侍從之選。乞追奪待制。不許。及光宗祔廟。遂復爲九世。十二

度正

室蓋自昌陵祔廟踰二百年而後正太祖之位慶元二年四月禮部太常寺言已於太廟之西別建僖祖廟及告遷僖順翼宣帝后神主詣僖祖廟奉安所有今年孟冬祫享先詣四祖廟室行禮次詣太廟遂幄次行禮理宗紹定四年九月丙戌京師大火延及太廟太常少卿度正言伏見近世大儒侍講朱熹詳考古禮尚論宗廟之制畫而爲圖其說甚備然其爲制務倣於古而頗更本朝之制故學士大夫皆有異論遂不能行今天降災異火發民家延及宗廟舉而行之莫此時爲宜臣於向來備聞其說今備

員禮寺適當此變若遂隱默則爲有負謹爲二說以獻其一純用朱熹之說謂本朝廟制未合於古因畫爲圖謂僖祖如周后稷當爲本朝始祖夫尊僖祖以爲始祖是乃順太祖皇帝之孝心也始祖之廟居于中左昭右穆各爲一廟門皆南向位皆東向祧廟之主藏于始祖之廟夾室昭常爲昭穆常爲穆自不相亂三年合食則併出祧廟之主合享於始祖之廟始祖東向羣昭之主皆位北而南向羣穆之主皆位南而北向昭穆旣分尊卑以定其說合于古而宜于今盡美盡善舉而行之祖宗在天之靈必歆享于此而

垂祐于無窮也其一說則因本朝之制而參以朱熹
之說蓋本朝廟制神宗嘗命禮官陸佃討論欲復古
制未及施行渡江以來稽古禮文之事多所未暇今
欲驟行更革恐未足以成其事而徒爲紛紛或且仍
遵本朝之制自西徂東並爲一列惟於每室之後量
展一間以藏祧廟之主每室之前量展二間遇三年
祫享則以帷幄幕之通爲一室盡出諸廟主及祧廟
主並爲一列合食其上前乎此廟爲一室凡遇祫享
合祭於其室名爲祫享而實未嘗合今量展此三間
後有藏祧主之所前有祖宗合食之地於本朝之制

初無大段更革而歟已得三年大祫之義今奉朝廷
若能舉行朱熹前議固無以加如其不然姑從後說
亦爲允當不失禮意然宗廟之禮儻無其故何敢妄
議今因大火之後若加損長亦惟其時乞賜詳議有
旨令侍從禮部太常集議以竟不行

志卷第六十一

宋史一百八

開府儀同三司在國錄軍國重事前中書丞相監修國史領經筵事都總臣脫脫等奉勅修

禮十一

吉禮十

時享
廟諱

薦新

加上祖宗謚號

時享太祖乾德六年十月判太常寺和峴上言按禮閣新儀唐天寶五年詔享太廟宜祭料外每室加常食一牙盤將來享廟欲每室加牙盤食禘祫時享亦準此制太宗太平興國六年十二月太常禮院言今月二十三日臘享太廟緣孟冬已行時享冬至又嘗

親祀按禮每歲五享其禘祫之月卽不行時享慮成煩數有爽恭虔今請罷臘日薦享之禮其孝惠別廟卽如式從之淳化三年十月八日太常禮院言今年冬至親祀南郊前期朝享太廟及奏告宣祖太祖室常例每遇親祀設朔望兩祭乃是十一月內三祭太廟兩室又行奏告之禮煩則不恭又十一月二十日皇帝朝享去臘享日月相隔未爲煩數欲望權停是月朔望之祭其臘享如常儀從之真宗景德三年正月晝日乙卯孟享太廟其日以鄆王外櫓改用辛酉十月十日孟冬薦享其月明德皇后園陵有司言故

事太祠與國忌日同日者其樂備而不作今請如例從之四年七月以莊穆皇后祔享權停孟享大中祥符三年十二月帝謂王旦等言來年正月十一日孟享太廟而有司擇八日宴已在享廟致齋中又七日上辛祀昊天上帝王欽若言若移宴日避祀事卽自天慶節以來皆有所妨馮拯言上辛不可移薦享宗廟是有司擇日於禮無嫌帝曰當詢禮官終以契丹使發有常期又將西巡故不及改八年兼宗正卿趙安仁言準詔以太廟朔望上食品味令臣詳定望自今委御厨取親享廟日所上牙盤例參以四時珍膳

膳夫而名
食手甚新

選上局食手十人赴廟饌造上副聖心式表精慈詔
所上食味委宮闈令監造訖安仁省視之神宗元豐
三年十月詳定郊廟奉祀禮文所言祠禴嘗蒸之名
春夏則物未成而祭薄秋冬則物成而祭備今太廟
四時雖有薦新而孟享禮料無祠禴蒸嘗之別伏請
春加韭卯夏加麥魚秋加黍豚冬加稻雁當饋熟之
節薦於神主其邊豆於常數之外別加時物之薦豐
約各因其時以應古禮從之六年十一月帝親祠南
郊前期三日奉仁宗英宗徽號冊寶于太廟是日齋
于大慶殿翌日薦享于景靈宮禮畢帝服通天冠絳

紗袍乘玉輅至太廟宰臣百官班迎于廟門侍中跪
請降輅帝却乘輿步入廟趨至齋宮翌日帝服鞞袍
至大次有司奏中嚴外辦禮儀使跪奏請行事帝服
衮冕以出至東門外殿中監進大圭帝執以入宮架
樂作升東階樂止登歌樂作至位樂止太祝宮闈令
奉諸室神主于坐禮儀使贊曰有司謹具請行事帝
再拜詣壘洗登歌樂作降階樂止宮架樂作至洗南
北向樂止帝搢圭盥帨洗瓚拭瓚訖執圭宮架樂作
升堂樂止登歌樂作殿中監進鎮圭帝搢大圭執鎮
圭詣僖祖室樂止登歌奏瑞安之曲至神坐前北向

跪奠鎮圭于纁藉執大圭跪三上香執瓚裸地奠瓚
奉帛奠訖執圭俛伏興出戶外北向再拜內侍舉鎮
圭以授殿中監至次室行事皆如前儀帝還位登歌
樂作至位樂止宮架興安之樂作文舞九成止禮部
戶部尚書以次官奉逐室俎豆宮架豐安樂作奠訖
樂止帝再詣壘洗登歌樂作降階樂止宮架樂作至
洗南北向立樂止帝搢圭盥悅洗爵拭爵訖執圭宮
架樂作帝升東階樂止登歌樂作至禋祖室樂止宮
架樂作帝搢圭跪受爵祭酒三奠爵執圭俛伏興出
戶外北向立樂止太祝讀無文帝再拜詣次室皆如

前儀帝還位登歌樂作至位樂止文舞退武舞進宮
架正安之樂作亞獻以次行事如前儀樂止帝詣飲
福位祭歌樂作至位樂止宮架僖安樂作帝再拜搢
圭跪受爵祭酒三啐酒奠爵受俎奠俎受搏黍奠黍
豆再受爵飲福酒訖奠爵執圭俛伏興再拜樂止帝
還位登歌樂作至位樂止太常博士徧祭七祀配享
功臣戶部禮部尚書徹俎豆登歌豐安樂作徹訖樂
止禮直官曰賜胙行事陪祠官皆再拜宮架興安樂
作一成止太祝宮闈令奉神主入諸祐室禮儀使跪
奏禮畢登歌樂作帝降階樂止宮架樂作出東門殿

中監受大圭歸大次樂止有司奏解嚴轉仗赴南郊
初國朝親享太廟儀物有制熙寧以來率循舊典元
豐命官詳定始多損益元年詳定郊廟禮文所言古
者納牲之時王親執鸞刀啓其毛而祝以血毛詔於
室今請改正儀注諸太祝以毛血薦於神坐訖徹之
而退唐崔沔議曰毛血盛於盤開元開寶通禮及今
儀注皆盛以豆禮以豆盛菹醢其薦毛血當盛以盤
又言三牲骨體俎外當加牛羊腸胃豕膚俎各一又
古者祭祀無迎神送神之禮其初祭及末皆不當拜
又宜令戶部陳歲貢以充庭實如古禮仍以龜爲前

金次之玉帛又次之餘居後又周禮大宗伯之職凡
享蒞玉鬯今以門下侍郎取瓚進皇帝侍中酌鬯進
瓚皆未合禮請命禮部尚書奉瓚臨鬯禮部侍郎奉
槃以次進皇帝酌鬯裸地訖侍郎受瓚并槃而退又
言皇帝至阼階乃令太祝官闈令始奉神主置于坐
行禮畢皇帝俟納神主然後降階並從之又言神坐
當陳于室之奧東面當行事時皇帝立于戶內西向
即拜于戶內有司攝事晨裸饋食亦立于戶內西向
更不出戶而拜其堂上薦腥則設神坐于扆前南向
皇帝立于中堂北向有司攝事同此詔俟廟制成取

旨又請諸廟各設莞筵紛純加纁席畫純于戶內之東西面皇帝行三獻禮畢於此受嘏又言每室所用几席當如周禮改用莞筵紛純加纁席畫純加次席黼純左右玉几凡祭祀皆纁次各加一重并莞筵一重爲五重又言古者宗廟九獻皇及后各四諸臣一自漢以來爲三獻后無入廟之事沿襲至今若時享則有事於室而無事於堂禘祫則有事於堂而無事於室室中神位不在奧堂上神位不當展有饋食而無朝踐度今之宜以備古九獻之意請室中設神位于奧東面堂上設神位于戶外之西南面皇帝立于

戶內西面裸鬯爲一獻出戶立于辰前北向行朝踐薦腥之禮爲再獻皇帝立于戶內西面行饋食薦熟之禮爲三獻詔並俟廟制成取旨又請三年親祠并洽享及有司攝事每室並用太牢及制幣宗廟堂上炳蕭以求陽而有司行事炳茅香宜易用蕭灌鬯於地以求陰宜束茅沃酒以象神之飲凡幣皆理于西階東冊則藏有司之匱又請除去殿下板位及小次而設皇帝板位于東階之上西向又請凡奏告祈禱報謝用牲牢祭饌並出帝后神主以明天地一體之義又古者祭祀兼薦上古中古及當世之食唐天寶

中始詔薦享每室加常食一牙盤議者以爲宴私之饌薦寢室而不可瀆於太廟宜罷之古者吉祭必以其妃配不特拜請奠副爵無特拜儀禮曰嗣舉奠請皇帝祭太廟既裸之後大祝以尊酌奠于鉶之南俟正祭噉訖命皇子舉奠而飲又請命刑部尚書一員以奉太牲兵部尚書一員奉魚十有五仍合腥熟之薦朝享四孟及臘主皆設神位于戶內南向其裸將于室朝踐于堂饋熟于室則於奧設莞筵紛純加繅席畫純加次席黼純左右玉几當筵前設饋食之豆八加豆八以南爲上鉶三設于豆之南南陳牛鉶

居北羊鉶在羊鉶之南豕鉶在羊鉶之南羞豆二曰醢食糝食設于薦豆之北大羨滫盛以發設于羞豆之北九俎設于豆之東三三爲列以南爲上所俎一當腊俎之北縱設之牲首俎在北牖下簠簋設于俎南西上邊十有八設于簠簋之南北上戶外之東設尊彝西上南肆胙階之東設六壘其三在西以盛玄酒其三在東以盛三酒堂下陳鼎之位

在東序之南居洗之西皆西面北上七皆加于鼎之東俎皆設于鼎之西西肆所俎在北亦西肆若廟門外則陳鼎于東方各當其饋而在其饋之西皆北面北上又請既

晨裸諸太祝入以血毛奠神坐太官令取肝以鸞刀制之洗于鬱鬯貫以骨燎于爐炭祝以肝骨入詔神于室又出以隋祭于戶外之左三祭于茅菹當饋熟之時祝取菹孺于醢祭于神坐前豆間三又取黍稷肺祭祭如初藉以白茅既祭官闈令束茅菹而瘞之于西階東若郊祀天地則當進熟之時祝取菹及黍稷肺祭于正配神坐前各三祭畢郊社令束茅菹而瘞瘞之祀天燔祭地瘞瘞酒之茅或燔或瘞當與隋祭之道同又言古者吉祭有配皆一尸其始祝洗酌奠奠于鉶南止有一爵及主人獻尸主婦亞獻賓長三獻

亦止一爵請罷諸室奠副爵其祫享別廟皇后自如常禮應祠告天地宗廟社稷並用牲幣如唐置太廟局令以宗正丞充罷攝知廟少卿而宮闈令不預祠事又言晨裸之時皇帝先搢大圭上香裸鬯復位候作樂饋食畢再搢大圭執鎮圭奠於纁藉次奠幣執爵庶禮神並在降神之後從之八年太常寺言故事山陵前宗廟輟祭享朔望以內臣行薦食之禮俟祔廟畢仍舊令景靈宮神御殿已行上食太廟朔望薦食自當請罷從之元祐七年詔復用牙盤食舊制並於禮饌外設元豐中罷之禮官呂希純建議曰先王

之祭皆備上古中古及今世之食所設禮饌即上古
中古之食牙盤常食即今世之食議者乃以為宗廟
牙盤原於秦漢陵寢上食殊不知三代以來自備古
今之食請依祖宗舊制薦一牙盤從之乃更其名曰
薦脩希純又請帝后各奠一爵后爵謂之副爵今帝
后惟奠一爵共享瀆禮莫甚請設副爵亦如其儀大
觀四年議禮局言太廟每享各設太尊二則是以追
享朝享之尊施之於禴祠蒸嘗失禮尤甚請今四時
之享不設太尊又言圭瓚之制親祀以塗金銀瓚有
司行事以銅瓚其大小長短之制皆不如禮請改以

應古制又言太廟圭瓚別廟璋瓚雍用珉石請改用
玉又言新定太廟陳設之儀盡依周制籩豆各用二
十有六簋籩各八以籩二十有六為四行以右為上
左為下籩二為第一行朝事籩八次之饋食籩八又次之
加籩八又次之豆二十有六為四行以左為上羞豆
二為第一行朝事豆八次之饋食豆八又次之加豆
八又次之簋八為二行在籩之外簋八為二行在豆
之外籩豆所實之物悉如周禮籩人醢人之制惟簋
以稻梁簋以黍稷而茅蕝以尊紙醢以絳子代之又
言宗廟之祭用太牢而三鉶實牛羊豕之姜固無可

清音近也又清肉也義同清太美

論者至於大羹止設一登以少牢饋食禮考之則少牢者羊豕之牲也佐食羞兩餽司士進滂一豆三牲之祭餽既設三則登亦如其數請太廟設三登實牛羊豕之滂以為大羹明堂亦如之高宗建炎四年奉安神主于温州權用酒脯紹興五年臨安府建太廟始用特羊十年改用少牢其廟享之禮七年起明堂于建康以徽宗之喪太常少卿吳表臣援熙寧故事謂當時英宗喪未除不廢景靈宮太廟之禮翰林學士朱震以為不然謂王制喪三年不祭惟天地社稷越紼行事孰謂三年之喪而可以見宗廟行吉禮乎

吏部尚書孫近等言按春秋君薨卒哭而祔祔而作主特祀於廟燕嘗禘於廟社預謂新主既特祀於寢則宗廟常祀自當如舊又熙寧元年神宗諒闇用景德故事躬行郊廟之禮今明堂大禮已在以日易月服除之後皇帝合享太廟所有鹵簿鼓吹及樓前官架諸軍音樂皆備而不作三十二年孝宗即位擇日朝享太廟禮部言牲牢禮料酒齊等物並如五享行之紹熙五年寧宗即位時有孝宗之喪閏十月浙東提舉李大性言自漢文帝以來皆即位而謁廟陛下龍飛已閱三月未嘗一至宗廟行禮繼金輿屢出過太

廟門而不入。揆之人情，似為闕典。乞早擇日恭謁太廟，詔迺遵用三年之制。吏部員外郎李謙請以來年正月上日躬行告廟之禮。禮寺以為俟皇帝從吉。討論施行。理宗即位，行三年之喪，初行明堂朝享，以大臣攝事。即吉後始行親享之禮。

薦新太宗雍熙二年十一月，宗正寺言：準詔送鬼十頭充享太廟，按開寶通禮薦新之儀，詣信祖室戶前盥洗酌獻，訖再拜，次獻諸室。如上禮，遂詔曰：夫順時蒐狩，禮有舊章，非樂畋遊，將薦宗廟。久隳前制，闕孰甚焉。爰遵時令，暫待近郊。既躬獲禽，用為薦饗。其令

月十一日畋獵，親射所獲田禽，並付所司以備太廟。四時薦享者為令。景祐三年，宗正丞趙良規言：通禮著薦新凡五十餘物，今太廟祭享之外，唯薦冰其餘薦新之禮皆寢不行。宜以品物時新，所司送宗正。令尚食簡擇滋味與新物相宜者，配以薦之。於是禮官宗正條定逐室時薦以京都新物，略依時訓協用典章。請每歲春孟月薦蔬以韭，以菘配以卯仲月薦冰季月薦蔬以筍，果以含桃夏孟月嘗麥配以彘仲月薦果以瓜，以來禽季月薦果以芡，以芰秋孟月嘗粟嘗糝配以雞，果以棗以梨仲月嘗酒嘗稻蔬以芟筍。

季月嘗豆嘗蕎麥冬孟月羞以兔果以栗蔬以諸蕒
仲月羞以鴈以麇季月羞以魚凡二十八種所司烹
治自彘以下令御厨於四時牙盤食烹饌卜日薦獻
一如開寶通禮又太常禮院言自來薦水惟薦太廟
逐室帝主后主皆闕謹按朔望每室牙盤食帝后同
薦又按禮有薦新如朔奠詳此獻祀帝后主別無異
等之義今後前廟逐室后主欲乞四時薦新並如朔
望牙盤例后廟奉慈廟如太廟之禮皇祐三年太常
寺王洙言每內降新物有司皆擇吉日至涉三四日
而物已損敗自今令禮部預爲關報於次日薦之更

不擇日元豐元年宗正寺奏據太常寺報選日薦新
兔諸蕒栗黃今三物又翔於市而廟猶未薦頗違禮
意蓋節序有蚤晏品物有後先自當變通安能齊一
又唐開元禮薦新不出神主今兩朝薦新及朔望上
食並出神主請下禮官參定所宜詳定所言古者薦
新于廟之寢無尺不卜日不出神主奠而不祭近時
擇日而薦非也天子諸侯物熟則薦不以孟仲季爲
限呂氏月令一歲之間八薦新物開元禮加以五十
餘品景祐中禮官議以呂紀簡而近薄唐令雜而不
經於是更定四時所薦凡二十八物除依時禮月令

外又增多十有七品雖出一時之議然歲時登薦行之已久依於古則太略違於經則無法今欲稍加刊定取其間先王所嘗專用膳羞之物見於經者存之不經者去之請自今孟春薦韭以卵羞以葍仲春薦冰季春薦芻羞以含桃孟夏嘗麥以菹仲夏嘗雛以黍羞以瓜季夏羞以芡以菱孟秋嘗粟與稷羞以棗以梨仲秋嘗麻嘗稻羞以蒲季秋嘗菽羞以兔以粟孟冬羞以鴈仲冬羞以麇季冬羞以魚今春不薦鮪誠爲闕典請季春薦鮪無則闕之舊有林檎蕎麥落蓂之類及季秋嘗酒並合剛去凡新物及時出者

日登獻既非正祭則不當卜日漢儀嘗韭之屬皆於廟而不在寢故帝玄成傳以爲廟歲二十五祠而薦新在焉自漢至于隋唐因仍其失薦新雖在廟然皆不出神主今出神主失禮尤甚請依五禮精義但設神主仍候廟成薦新于寢詔依所定如鮪闕即以魴鯉代之既而知宗正丞趙彥若言禮院以仲秋莢萌不經易以蒲白今仲秋蒲無白改從春獻大觀禮局亦言薦新雖繫以月如櫻筍三月當進或萌實未成轉至孟夏之類自當隨時之宜取新以薦政和四年比部員外郎何天衢言祭不欲數數則煩祭不欲疏

疏則怠先王建祭祀之禮必得疏數之中未聞一日之間遂行兩祭者也今太廟薦新有與朔祭同日者夫朔祭行於一月之首不可易也若夫薦新則未嘗卜日一月之內皆可薦也新物未備猶許次月薦之亦何必同朔日哉自是薦新偶與朔祭同日詔用次日焉中興仍舊制

加上祖宗謚號太祖建隆元年九月太常禮院言謹按唐大中初追尊順宗憲宗謚號皇帝於宣政殿授玉冊遣宰臣以下持節奉冊赴太廟授冊日帝既御殿百僚拜訖降階跪授冊於太尉候太尉奉冊出宣

政門然後升殿凡皇帝行禮皆太常卿贊導奉引奏可是月二十七日帝御崇元殿備禮遣使奉冊上四廟謚號皇帝高祖府君冊曰孝曾孫嗣皇帝臣某再拜稽首上言伏以昊天有命皇宋勃興括厚載以開階宅中區而撫運夷夏蠻貊罔不獻誠山川鬼神罔不受職非臣不德肇此丕圖實賴先正儲休上玄降鑒既虔膺於太寶乃眇覲於遐源敢遵歷代之規式薦配天之號謹遣使司空兼門下侍郎同中書門下平章事王溥副使兵部尚書李濤奉寶冊上尊謚曰文獻皇帝廟號僖祖皇帝高祖母崔氏曰懿文皇后

皇曾祖府君冊曰伏以天命匪忱惟歸於有德人文
 設教必始於貽謀乘時既肇於興王報本敢稽於尊
 祖非隆徽稱則大亨何以配神非鏤良珉則洪烈何
 由垂世方作荷那之頌永嚴昭穆之容謹遣使王溥
 副使李濤奉冊寶上尊謚曰惠元皇帝廟號順祖皇
 曾祖母桑氏曰惠明皇后皇祖驍衛府君冊曰伏以
 人瞻烏止運叶龍飛非發源之長折派不能通上漢
 非積基之厚嗣孫不能有中區今人紀肇脩孝思罔
 極酌百王之損益薦四亡廟之蒸嘗謹遣使王溥副使
 李濤奉冊寶上尊謚曰回恭皇帝廟號翼祖皇祖母

京兆郡太夫人到氏曰簡穆皇后聖考太尉府君冊
 曰昔者流火開祥周啟薦文王之號黃星應運曹丕
 揚魏祖之功咸因致孝之誠式展尊親之義爰遵大
 典亟上尊稱謹遣使王溥副使李濤奉冊寶上尊謚
 曰昭武皇帝宣相禮畢郡臣進表奉慰太宗太
 平興國二年正月甲戌上太祖英武聖文神德皇帝
 真宗大中祥符元年十一月二十七日帝於朝元殿
 備禮奉祖宗尊謚冊寶再拜授攝太尉王旦奉之以
 出安太祖冊寶於正殿太宗冊寶於金輪詣太廟奉
 上太祖曰啓運立極英武聖文神德玄功大孝皇帝

太宗曰至仁應道神功聖德文武大明廣孝皇帝禮
畢想行朝享之禮天禧元年正月九日加上六室尊
謚二字僖祖曰大猷睿和皇帝順祖曰惠元睿明皇
帝宣祖曰南兼存德皇帝宣祖曰昭武睿聖皇帝太
祖曰啓運立極莫武睿文神德聖功至明大孝皇帝
太宗曰至仁應道神功聖德睿烈大明廣孝皇帝禮
畢群臣拜表稱賀十一日帝行朝享之禮仁宗天聖
二年十一月二十五日加上真宗謚曰文明武定章
聖元孝皇帝慶曆七年十一月二十五日加上真宗
謚曰膺符稽古成功讓德文明武定章聖元孝皇帝

神宗元豐六年五月改加上尊謚作奉上徽號十一
月二日奉上仁宗徽號曰體天法道極功全德神文
聖武濟世明孝皇帝又上英宗徽號曰體乾膺曆隆
功聖德憲文肅武睿神宣孝皇帝哲宗紹聖二年正
月帝謂輔臣曰祖宗謚號各加至十六字神宗皇帝
今止初謚尚未增加宜考求典故以聞宰臣章惇等
對曰祖宗加謚歲月不定真廟初加八字是天聖二
年今神宗附廟已十年故事加徽號必在南郊前謹
如聖旨詳閱以聞四月二十七日詔加上神宗皇帝
徽號於大禮前三日行禮九月十六日奉上冊寶曰

神宗紹天運立運德建功英文烈武欽仁聖孝皇帝
徽宗崇寧三年十一月二十三日更定神宗徽號曰
體元顯道帝德王功英文烈武欽仁聖孝皇帝文奉
哲宗徽號曰憲元繼道顯德定功欽文睿武齊聖昭
孝皇帝天觀元年九月如上僖祖徽號為十六字曰
立道肇基積德起功懿文憲武睿和至孝皇帝政和
二年十一月五日如上神宗哲宗徽號前二日皇帝
御大慶殿奉神宗冊寶授大師魯國公蔡京載以玉
輅奉哲宗冊寶授少師太宰何執中載以金路並詣
太廟惟殿奉安以俟四日皇帝詣景靈宮行禮赴太

廟宿齋五日服袞冕恭上神宗冊寶于本室曰體元
顯道法古立憲帝德王功英文烈武欽仁聖孝皇帝
又上哲宗冊寶于本室曰憲元繼道世德揚功欽文
睿武齊聖昭孝皇帝次行朝享禮畢赴南郊青城宮
紹興十二年十一月詔議加上徽宗徽號曰體仁合
道駿烈遜功聖文仁德憲慈顯孝皇帝十三年正月
九日皇帝御文德殿命宰臣秦檜奏請太廟十日內
殿宿齋文武百僚集於發冊寶殿門幕次次禮儀使
閣門官太常博士禮直官分立御幄前次分引百僚
入就殿下東西相向立定禮直官引奉冊寶使侍中

中書令舉寶輿冊官詣殿下西階之西東向立俟齋
室簾降皇帝服通天冠絳紗袍禮部侍郎奏中嚴外
辦次禮直官入常博士引禮儀使當陛前俛伏跪奏
禮儀使臣某言請皇帝行奉上徽宗皇帝發冊寶之
禮奏訖俛伏興簾立殿前導官前導皇帝出帳執大圭
詣冊寶帳東褥位西向立禮儀使奏請再拜皇帝再
拜三上香再拜在位官皆再拜前導還褥位西向立
侍中中書令舉冊寶 寶官升殿入冊寶帳舉冊寶官
俱揖笏跪舉冊寶與侍中中書令奉冊寶進行皇帝
後從降自西階至殿下褥位南向立禮儀使奏皇帝

再拜畢冊官奉冊舉寶官奉寶皇帝揖立跪奉受
冊寶後退冊官執大圭冊拜在位官皆冊拜禮部侍郎
奏道無冊寶進行出殿正門禮儀使奏禮畢皇帝釋衣
至升殿衣衣唱入齋室禮部郎中奏解嚴次冊寶出地
宮門次冊寶後以下騎從至天廟星門外下馬步
從至天廟南神門外次日文武百僚集於天廟奏次
分別詣殿下再拜冊寶後詣各室行奠禮禮次贊贊者
引冊寶官舉冊寶寶官舉寶禮直官引冊寶冊寶官
前導冊寶入自南正門至殿西階下冊寶冊寶官
次詣殿下室冊寶後俛伏跪奏禮畢冊寶官引冊寶
冊寶官引冊寶冊寶官引冊寶冊寶官引冊寶冊寶官

宋史卷一百八十八 禮志一百一十一

字盈字亦不改易今來淵聖皇帝御名欲定讀如前
外其經傳本字卽不當改易庶幾萬世之下有所考
證推求義類別無未盡三十二年正月禮部太常寺
言欽宗祔廟翼祖當遷於正月九日告遷翼祖皇帝
簡穆皇后神主奉藏於夾室所有以後翼祖皇帝諱
依禮不諱詔恭依紹熙元年四月詔今後臣庶命名
並不許犯祧廟正諱如名字見有犯祧廟正諱者並
合改易嘉定十三年十月司農寺丞岳珂言孝宗舊
諱從伯從玉從宗攷國朝之制祖宗舊諱二字者皆
著令不許並用又言欽宗舊諱二字其一從面從日
其一從火從亘皆合回避乞併下禮寺討論頒降
行旣而禮寺討論所有欽宗孝宗舊諱若二字連用
並合回避宜從本官所請列入施行從之

志卷第六十一

志卷第六十二

宋史一百九

開禧置司上積善堂書畫程棣國史領修進事都總裁臣勝等奉

勅修

禮十二 結禮十二

右 功臣配侑

景靈宮 群臣家廟

神御殿

后廟之制建隆三年追冊會稽郡夫人賀氏曰孝惠
皇后止就陵所置祠殿奉安神主薦常饌不設牙盤
祭器乾德元年孝明皇后王氏崩始議置廟及二后
先後之次太常博士和峴請共殿別室以孝明正位
內朝請居上室孝惠緣改葬不造虞主與孝明同附

宜居次室禮院又言后廟記事一準太廟亦當立載
及太祖祔廟有司言合奉一后配食按唐睿宗追謚
肅明昭成二后至睿宗崩獨昭成以帝母之重升配
肅明止享於儀坤廟近周世宗正惠宣懿二后並先
崩正惠無位號宣懿居正位遂以配食今請以孝明
皇后配忌日行香廢務其孝惠皇后享於別廟從之
太平興國元年追冊越國夫人符氏為懿德皇后尹
氏為淑德皇后並祔后廟道三年孝章皇后宋氏
祔享有司言孝章正位中壺宣居上室懿德追崇后
號宜居其次詔孝章殿室居懿德下六月禮官議按

依

太平興國中追冊定謚皆以懿德居上淳化初宗正
少卿趙安易言別廟祭享懿德在淑德之上未測升
降之由其特教言宣懿德在上按江都集禮晉景
帝即位夏侯夫人應合追尊散騎常侍任茂侍玄等
議云夏侯夫人初歸景帝未有王基之道不及景帝
統百揆而太后妃之化未著遠邇追尊無經義可據
今之所議正與此同且淑德配合之初洪涓躍之符未
兆懿德輔佐之始藩郡之位已隆然未嘗正位中宮
母臨天下豈可生無尊極之位沒升配享之崇於人
情不安於典籍無據唐順宗祔廟後十一年始以莊

憲皇后升配憲宗祔廟後二十五年始以懿安皇后
升配今請虛位允協舊儀再詔尚書省集議及禮官
同詳定上議曰淑德皇后生無位號沒始追崇况在
初潛早已薨謝懿德皇后享封大國作配先朝雖不
及臨御之期且夙彰賢懿之美若以升祔當歸懿德
又詳周世宗正惠宣懿配食故事當時議以正惠追
尊位號請以宣懿為配是時以太后在位疑宣懿祔
廟之後立忌非便議者引晉哀帝時何太后在上尊
所生周氏為太妃封其子為琅邪王及太妃薨帝奔
喪琅邪第七月而葬此則本喪行服尚不厭降即其

日廢務於理無嫌今禮官引唐順憲二宗廟享虛位
之文夫既追冊二后即虛室亦為非便請奉懿德神
主升配又按議者以周世宗神主祔廟必若宣懿同
祔即正惠神主請加大字今升祔懿德請即加淑德
太字仍舊別廟所以懿德配享至於太者尊極之稱
加于母后施之宗廟禮所未安迺不加太字仍別廟
配享十二月追尊賢妃李氏為元德皇太后有司言
按周禮春官太司樂之職奏夷則歌仲呂以享先妣
謂姜嫄也是帝嚳之妃后稷之母特立廟曰閔宮晉
簡文宣后以不配食築室於外歲時享祭唐先天元

年始制昭成肅明二后于儀坤廟又玄宗元獻楊后
立廟於太廟之西楹於前文咸有明據望今宗正寺
於后廟內脩奉廟室爲殿三間設神門齋房神厨以
備薦享咸平元年判太常禮院李宗訥等言元德皇
太后別建廟室淑德皇后亦在別廟同是帝母而無
太字按唐穆宗三后除宣懿升祔正獻恭懿二后並
立別廟各有太字又開元初太常議昭成皇太后請
不除太字去入廟稱后義繫於夫在朝稱太后義繫
於子如謚冊入陵神主入廟則當去太字按神主入
廟之說蓋爲祔享太廟以狀降故不加太字則本朝

文懿諸后是也如別建廟室不可但稱皇后則唐正
獻恭僖二太后是也淑德皇后亦請加太字既加之
後望遷就元德新廟居第一室以元德次之仍遷莊
懷又次之詔下中書集議兵部尚書張齊賢等奏宗
廟神靈務乎安靜况懿德作合之始逮事舅姑躬執
婦道祔享之禮宜從後先伏請仍舊又漢因秦制帝
母稱皇太后檢詳去歲議狀請加淑德太字而詔不
加之者緣當時元德皇太后未行追冊今冊命已畢
望依禮官所言三年四月乙卯祔葬元德皇太后于
永熙陵有司言元德神主祔廟準禮當行祔謁載籍

前典有未安者伏以追薦尊稱奉加太宇崇建別廟以備蒸嘗况當禘祫之時不預合食之列廟享之制與諸后不同俟神主還京即祔廟室薦獻安神更不行祔謁之禮每歲五享禘祫如太廟儀景德四年奉莊穆皇后郭氏神主謁太廟祔享于昭憲皇后享畢祔別廟殿室在莊懷之上帝祀汾陰謁廟畢親詣元德皇太后廟躬謝自門降輦步入酌獻如太廟設登歌兩省御史宗室防禦使以上班廟內餘班廟外遣官分告孝惠諸后廟詔太廟元德皇后廟享用犢諸后廟親享用犢攝事用羊豕五年龍圖閣直學士陳

彭年言禘祫日孝惠淑德二后神主自別廟赴太廟祔簡穆皇后神主之下太祖神主之上此盖用曲臺禮別廟皇后禘祫祔享太廟之說竊慮明靈合享神禮未安望詔禮官再加詳定有司言按曲臺禮載禘祫之儀則如皇后先祔別廟遇禘祫祔享於太廟如是昭后即坐於祖姑之下南間如是穆后即坐於祖姑之下北間又按博士殷盈孫議云別廟皇后禘祫於太廟祔於祖姑之下者此乃皇后先沒已造神主如昭成肅明之沒也睿宗在位元獻之沒也玄宗在位昭德之沒也德宗在位四后於太廟未有本室故

創別廟當為太廟合食之主故禘祫乃奉以入享此
明其後太廟有本室即當遷祔帝方在位故皇后暨
立別廟禮本合食故禘祫乃升太廟以未有位故列
祖姑之下據開寶通禮與曲臺禮同今有司不達禮
意遇禘祫歲尚以孝惠孝章淑德三后神主祔享祖
姑之下乃在太祖太宗之上按禮稱婦祔祖姑謂既
卒哭之明日此正禮也稱祖姑有三人則祔於親者
注玄謂舅之母死而又有繼室二人親者謂舅所生
然則祖姑有三人同在祖室明婦有數人亦當同在
夫之本室不可又祔於祖姑也故開元禮但載肅廟

皇后別廟時享之儀而無禘祫之禮即知別廟時享
及禘祫皆於本廟也孝惠孝章淑德禘祫既祔太廟
則自今禘祫祔享本室次於正主庶協典禮二年升
祔元德皇后太宗廟室詔以祔廟歲時為合享次序
而位明德皇后之次明道二年判河南府錢惟演請
以章獻章懿二后並祔真宗之室太常禮院議夏商
以來父昭子穆皆有配坐每室一帝一后禮之正儀
唐開元中昭成肅明二后始並祔於睿宗今惟演引
唐武宗母韋太后升祔穆宗本朝孝明懿德祔太祖
故事按穆宗惟韋后祔太祖未嘗以懿德配伏尋先

帝以孝章配享太宗及明德園陵禮畢遂得升祔元
德太后自追尊後凡十七年始克升配今章穆皇后
著位長秋祔食真宗斯為正禮章獻太后母儀天下
與明德例同若從古禮止應祀后廟若便升祔似非
先帝慎重之意又况前代無同日並祔之比惟上裁
之乃詔有司更議皆謂章穆位崇中壺與懿德有異
已祔廟室自協一帝一后之文章獻輔政十年章懿
誕育帝躬功德莫與為比退就后廟未厭衆心按周
實夫周樂賦奏夷則歌小呂以享先妣者姜嫄也帝
嬪之姑后稷之母特立廟曰閔宮宜別立新廟奉安

二太后神主同殿異室歲時薦享用太廟儀別立廟
名自為樂曲以崇世享忌前一日不御正殿百官奉
慰著之令甲乃作新廟兩廟間名曰奉慈慶曆四年
從呂公綽言先帝特謚二后莊懷莊穆及上真宗文
明武定章聖元孝之謚郭后升祔當正徽號宜於郊
禮前遣官先上寶冊改莊為章止告太廟更不改題
遂如故事將郊所司導五后寶冊赴三廟各於神門
外幄次以待奏告畢皆納於室俄又詔中書門下令
禮官攷故事升祔章懿神主禮院言章獻章懿宜序
章穆之次章惠先朝遺制嘗踐太妃至明道中始加

懿號與章懷頗同請序章懷之次太者生事之禮不當施於宗廟章獻以顧託之重臨御之勞欲稱別廟義無所嫌屬之配室禮或未順學士王堯臣等言章獻明肅盛烈丕功非一惠可舉謚告於廟冊藏於陵無容追減章惠擁祐帝躬並均顧復故景祐中膺保慶之冊義專繫于禮須別祠章穆升附歲月已深奉慈三室先後已定若再議升降則情有重輕請如舊制中書門下覆議成憲在前文考之意配食一體一慈之宜奉承無私陛下之孝請如禮官及學士議案祥符詔繫章聖特旨位叙先後乞聖制定數昭示無

窮詔依所議十月文德殿奉安寶冊帝服通天冠絳紗袍執圭太常奏樂百官宿廟堂次日有司薦享諸廟寅時復詣正衙宰臣行事官贊導冊寶至大慶殿庭發冊出宣德門攝太尉賈昌朝陳執中受以赴奉慈廟上寶冊告遷二主皆塗太字祔於太廟至和元年七月有司奉詔立溫成皇后廟享祭器數視皇后廟後以諫官言改為祠殿歲時令宮臣薦以常饌治平元年同判太常寺呂公著言按喪服小記慈母不世祭章惠太后仁宗嘗以母稱故加寶慶之號蓋生有慈保之勤故沒有廟享之報今於陛下恩有所止

禮難承祀其奉慈廟乞依禮廢罷熙寧二年命攝太常卿張揆奉章惠太后神主瘞陵園元豐六年詳定所言按禮夫婦一體故昏則同牢合巹終則同穴祭則同几同祝饌未嘗有異廟者也惟周人以姜嫄爲媒神而帝嚳無廟又不可下入子孫之廟乃以別廟而祭故魯頌謂之閟宮周禮謂之先妣可也自漢以來不祔不配者皆援姜嫄爲比或以其微或以其繼而已蓋其間有天下者起於側微而其后不及正位中宮或以嘗正位矣有所不幸則當立繼以奉宗廟故有祖始三人則祔於親者之說立繼之禮其來尚

矣始微終顯皆嫡也前娶後繼皆續也後世乃以始微後繼宜之別廟不得伸同凡之義則非禮意恭惟太祖孝惠皇后太宗淑德皇后真宗章懷皇后實皆元妃而孝章則太宗繼后乃皆祭以別廟在禮未安請升祔太廟增四室以時配享七月遂自別廟升祔焉政和四年有司言政和元年冬至祔享奉惠恭神主入太廟祔于祖姑之下今歲當祔而明達皇后神主奉安陵祠緣在城外三代之制未有即陵以爲廟者今明達皇后追正與冊歲時薦享並同諸后宜就惠恭別廟增建殿室迎奉神主以祔又言明達神主

祔謁日於英宗室增設宣仁聖烈皇后明達皇后二位及備祭七祀配享功立於別廟相享惠恭明達二位紹興七年惠恭改謚爲顯恭以上徽宗聖文仁德顯孝之謚故也十二年五月禮部侍郎施埶言懿節皇后神主候盈卒哭擇日祔廟合依顯恭皇后禮奉太廟內脩建殿室以爲別廟安奉又言將來祔廟其虞主合於本室後瘞埋緣別係行在祔廟欲於本室冊寢殿改奉候回京日依別廟故事從之七月有司行九虞之祭奉安三十二年禮部太常言故妃郭氏追冊爲皇后合依懿節皇后祭于別廟所有廟殿見

各置戶牖及擗截本廟齋宮權安懿節神主工畢還殿王普又請各置祐室並從之乾道三年閏七月安恭皇后神主祔于別廟爲三宰

景靈宮於太中祥符五年聖祖臨降爲宮以奉之天聖元年詔脩宮之萬壽殿以奉真宗署曰奉真明道二年又建廣孝殿奉安章懿皇后治平元年又詔就宮之西園建殿以奉仁宗署曰孝嚴奉安御容親行的獻命大臣分詣諸神代御行禮翼日太后酌獻皇后大長公主以下內外命婦陪位于廷詔每歲下

朝謁如奉真殿儀有期以上喪或災異則命輔臣攝事名齋殿曰迎鑿宮西門曰廣祐四年建英德殿奉英宗神御凡七十年間神御在宮者四寓寺觀者十有一元豐五年始就宮作十一殿悉迎在京寺觀神御入內盡合帝后奉以時王之禮十一月百官班于集英殿廷帝詣藻珠凝華等殿行告遷廟禮禮儀使奉神御升綵輿出殿明日復行薦享如禮禮儀使奉神輿行帝出帷道至宣德門外親王使相宗室正任以上前引望參官及諸軍都虞候宗室副率以上陪位內侍省押班整儀衛以從奉安神御于十一殿明

日帝詣宮朝獻先謁天興殿以次行禮並如四孟儀詔自今朝獻孟春用十一日孟夏擇日孟秋用中元日孟冬用下元日天子常服行事薦聖祖殿以素饌神御殿以膳羞器服儀物悉從今制天興殿門以奉天神不立戟諸神御門置親事官五百人立戟二十四累朝文武執政官武臣節慶使以上並圖形於兩廡凡執政官除拜赴宮恭謝其後南郊先詣宮行薦享禮並如太廟儀元祐元年太常寺言季秋有事于明堂其朝享景靈宮親享太廟當用三年不祭之禮遣大臣攝事禮部言景靈宮天興殿用天地之禮卽

非廟享於典禮無違詔明堂前二日朝享景靈宮天
 興殿明年奉安神宗神御于景靈宮如十一殿奉安
 之禮舊制車駕上元節以十一日詣興國寺啓聖院
 朝謁太祖太宗神宗神御下元節詣景靈宮朝拜天
 興殿朝謁真宗仁宗英宗神御至是詔分每歲四孟
 月拜謁之所自孟秋始其不當親獻則遣官分詣初
 詣天興殿保寧閣天元殿太始殿次詣皇武殿儷極
 殿大定殿輝德殿次詣熙文殿衍慶殿美成殿次詣
 治隆殿宣光殿宣光後改曰顯承仍自來年孟春為
 始皇太后崩三省請奉安神御于治隆殿以遵元祐

初詔復以御史劉極之言特建原廟廟成名神御殿
 曰徽音山殿曰寧真紹聖二年奉安神宗神御于顯
 承殿元豐中每歲四孟月天子徧詣諸殿朝獻元祐
 初議者請以四孟分獻一歲而徧至是復用舊儀詔
 自今四孟朝獻分二日先日詣天興殿保寧閣天元
 太始皇武儷極大定德輝諸殿次日詣熙文衍慶美
 成繼仁治隆徽音顯承七殿三年十月帝詣天興諸
 殿朝獻翼日大雨詔差已致齋官分獻熙文七殿自
 是雨雪用為例云徽宗即位宰臣請特建景靈西宮
 奉安神宗于顯承殿為館御之首昭示萬世尊異之

意建哲宗神御殿於西以東偏為齋殿乃給度僧牒
 紫衣牒千道為營造費戶牖工巧之物並置於荆湖
 北路已而右正言陳瓘言五不可且論蔡京矯誣不
 從建中靖國元年詔建欽聖憲肅皇后欽慈皇后神
 御殿于大明殿北名曰柔明尋改欽儀又名哲宗神
 御殿曰觀成尋改重光詔自今景靈宮並分三日朝獻崇
 寧三年奉安欽成皇后神御坤元殿欽聖憲肅皇后
 之次欽慈皇后又次之政和三年奉安哲宗神御于
 重光殿昭懷皇后神御殿成詔名正殿曰柔儀山殿
 曰靈娛於是兩宮合為前殿九後殿八山殿十六閣

一鍾樓一碑樓四經閣一齋殿三神厨三道院一及
 齋宮廊廡共為二千三百二十區初東京以來奉先
 之制太廟以奉神主歲五享宗室諸王行事朔祭而
 月薦新則入常卿行事景靈宮以奉塑像歲四孟皇
 帝親享帝后大忌則宰相率百官行香后妃繼之遇
 郊祀明堂大禮則先期二日親詣景靈宮行朝享禮
 紹興十三年二月臣僚言竊見元豐五年神宗始廣
 景靈宮以奉祖宗衣冠之游即漢之原廟也自艱難
 以來庶事草創始建宗廟而原廟神游猶寄永嘉乃
 者權時之宜四孟薦獻旋即便朝設位以享未副廣

孝之意乞命有司擇爽塏之地做景靈宮舊規隨宜
建置俟告成有日迎還睟容奉安新廟庶幾四孟躬
行獻禮用副罔極之恩從之初築三殿聖祖居前宣
祖至祖宗諸帝居中殿元天大聖后與祖宗諸后居
後掌宮內侍七人道士十人吏卒二百七十六人上
元結燈樓寒食設鞦韆七夕設摩羅暎簾幕歲時一
易歲用酌獻二百四十羊凡帝后忌辰用道釋作法
事十八年增建道院初本劉光世賜第後以韓世忠
第增築之天興殿五楹中殿七楹後殿十有七楹齋
殿進食殿皆備焉

神御殿古原廟也以奉安先朝之御容宣祖昭憲皇
后於資福寺慶基殿太祖神御之殿七太平興國寺
開先殿景靈宮應天禪院西院南京鴻慶宮永安縣
會聖宮揚州建隆寺章武殿滁州大慶寺端命殿太
宗神御之殿七啓聖禪院壽寧堂景福殿鳳翔上清
太平宮并州崇聖寺統平殿及西院鴻慶宮會聖宮
真宗神御之殿十有四景靈宮奉真殿玉清昭應宮
安聖殿洪福院壽寧堂福聖殿崇先觀永安殿萬壽
觀延聖殿瀛州信武殿西京崇福宮保祥殿華州雲
臺觀集真殿及西院鴻慶宮會聖宮鳳翔太平宮仁

宗英宗神宗哲宗四朝神御於景靈宮應天院享獻
明肅皇后於慈孝寺彰德殿章懿皇后於景靈宮廣
孝殿明德章穆二后於晉安院重徽殿章惠太后於
萬壽觀廣慶殿景德四年奉安太祖御容應天禪院
以宰臣向敏中為奉安聖容禮儀使權安于文德殿
百官班列帝行酌獻禮尚簿導引升綵輿進發帝辭
于正陽門外百官辭于瓊林苑門外遣官奏告昌陵
畢群臣稱賀皇祐中以滁州通判正靖請滁并遣三
州建殿奉神御乃宣諭曰太祖擒皇甫暉于滁
受命之端也大慶寺殿名曰端命以奉太祖太宗取

劉繼元于并州是太平之統也卽崇聖寺殿名曰統
平以奉太宗真宗歸契丹于澶州是偃武之信也卽
舊寺殿名曰信武以奉真宗旣而統平殿災諫官范
鎮言并州素無火災自建神御殿未幾而輒焚天意
若曰祖宗御容非郡國所宜奉安者近聞下并州復
加崇建是徒事土木重困民力非所以答天意也自
并州平七十七年故城父老不入新城宜寬其賦輸
緩其徭役以除其患使河東之民不忘太宗之德則
陛下孝思豈特建一神御殿比哉先是睦親廣親二
宅並建神御殿翰林學士歐陽脩言神御非人臣私

家之禮下兩制臺諫禮官議以爲漢用春秋之義罷郡國廟今睦親宅廣親宅所建神御殿不合典禮宜悉罷詔以廣親宅置已久唯罷脩睦親宅熙寧二年奉安英宗御容於景靈宮帝親行酌獻仍詔歲以十月望朝享有期以上喪或災異則命輔臣攝事知大宗正丞事李德芻言禮法諸侯不得祖天子公廟不設於私家今宗室邸第並有帝后神御非所以明尊卑崇正統也望一切廢罷下禮官詳定請如所奏詔諸宗室宮院祖宗神御迎藏天章閣自是臣庶之家凡有御容悉取藏禁中元豐五年作景靈宮十一殿

而在京宮觀寺院神御皆迎入禁中所存惟萬壽觀延聖廣愛寧華三殿而已宣和元年禮部奏太常寺參酌立到諸州府有祖宗御容所在朔日諸節序降到御封香表及下降香表行禮儀注朔日諸節序奉香表行禮儀注齋戒朝拜前一日朝拜官及讀表文官早赴齋所俟禮備禮生引讀表文官齎香表官集朝拜官聽執事者以香表呈視禮生請讀表文官稍前習讀表或密詞卽讀封題訖禮生贊復位次以御封香禮饌等呈視訖各復齋所朝拜官用長吏闕以次官充讀表文亦以次官充執事者以有服色者充

有司設香案時果牙盤食神御前又設奠醪茗之器於香案前之左置御封香表案上設朝拜官位於殿下西向讀表文官位於殿之南北向陪位官位於其後設焚表文位於殿庭東南向朝拜日質明前香火官先詣殿下北向拜訖升殿東向侍立有司陳設訖禮生先引陪位官入就位北向次引讀表文官入就位次引朝拜官就位西向立定禮生贊有司謹具請行事禮生贊再拜拜訖引讀表文官先升殿於香案之右東向立次引朝拜官詣香案前贊搢笏上香奠酒茗拜興少立禮生贊搢笏跪讀表文或密詞卽讀

封題執笏興降復位朝拜官再拜降復位禮生贊再拜訖引朝拜官讀表文官詣焚表文位南向立焚訖退一遇旦望諸節序不降香表薦獻行禮儀注一如上儀惟禮生引獻官上香訖跪執事者以所薦之物授薦獻官受獻訖復授執事者置於神御前興拜退一如上儀詔頒行之東京神御殿在宮中舊號欽先孝思殿建炎二年閏四月詔迎温州神御赴闕先是神御於温州開元寺暫行奉安章聖皇帝與后像皆以金鑄置外方弗便因愀然謂宰輔曰朕播遷至此不能以時薦享祖宗神御越在海隅念之坐不安席

故有是命三年二月上覽禁中神御薦享禮物謂宰
臣曰朕自省閱神御每位各用羊胃一頭二十五羊
祖宗仁厚豈欲多害物命謹以別味代之在天之靈
亦必歆享呂願浩曰陛下寅奉宗廟罔不盡禮而又
仁愛及物天下幸甚紹興十五年秋復營建神御殿
于崇政殿之東朔望節序帝后生辰皇帝皆親酌獻
行香用家人禮其殿名徽宗曰承元欽宗曰端慶高
宗曰皇德孝宗曰系隆光宗曰美明寧宗曰垂光理
宗曰章熙度宗曰昭光

功臣配享真宗咸平二年始詔以太師贈尚書令韓

王趙普配享太祖廟庭繼以翰林承旨宋白等議又
以故樞密使贈中書令濟陽郡王曹彬配享太祖以
司空贈太尉中書令薛居正忠武軍節度使贈中書
令潘美尚書右僕射贈侍中石熙載配享太宗廟庭
仍奏告本室楹枅皆配之祀日有司先事設幄次布
褥位於廟庭東門內道南當所配室西向設位板方
七寸厚一寸半邊豆各二簋簋俎各一知廟卿奠爵
再拜乾興元年詔從翰林禮官參議以右僕射贈太
尉中書令李沆贈太師尚書令王旦忠武軍節度使
贈中書令李繼隆配享真宗嘉祐八年詔以尚書右

僕射贈尚書令王曾太尉贈尚書令呂夷簡彰武軍節度使贈侍中曹瑋配享仁宗熙寧八年詔以司徒兼侍中贈尚書令韓琦配享英宗元豐元年又以贈太師中書令曾公亮配焉熙寧末嘗詔太常禮院講求親祠太廟不及功臣禮例至是禘祫外親享太廟並以功臣與又從太常禮院請配享功臣以見贈官書板位元祐初從吏部尚書孫永等議以故司徒贈太尉富弼配享神宗紹聖初又以守司空贈太傅王安石配三年罷富弼配謂弼得罪於先帝也崇寧元年詔以觀文殿大學士贈太師蔡確配享哲宗五禮

新儀配享功臣之位設於殿庭之次趙普曹彬位於橫街之南道西東向第一次薛居正石熙載潘美位於第二次李沆王旦李繼隆位於第三次俱北上王曾呂夷簡曹瑋位於橫街之南道東西向第一次韓琦曾公亮位於第二次王安石位於第三次蔡確位於第四次俱北上惟冬享祫享徧設祭位迨建炎初詔奪蔡確所贈太師汝南郡王追貶武泰軍節度副使更以左僕射贈太師司馬光配享哲宗既又罷王安石復以富弼配享神宗紹興八年以尚書左僕射贈太師韓忠彥配享徽宗十八年二月監登聞鼓院

徐璉言國家原廟佐命配享當時輔弼勳勞之臣繪像廟庭以示不忘累朝不過一十餘人今之臣僚與其家之子孫必有存其繪像者望詔有司尋訪復摹於景靈宮庭之壁非獨假寵諸臣之子孫所以增重祖宗之德業以為臣子勸遂下諸路轉運司委所管州軍尋訪各家韓王趙普周王曹彬太師薛居正石熙載鄭王潘美大師李沆王旦李繼隆王曾呂夷簡侍中曹瑋司徒韓琦太師曾公亮富弼司馬光韓忠彥各令摹寫貌像投納繪於景靈宮之壁乾道五年九月太常少卿林禾等言欽宗皇帝廟庭尚虛配享

當特遭值艱難淪胥莫救罕可稱述而以身徇國名節暴著不無其人雖生前官品不應配享之科事變非常難拘定制乞特詔集議吏部尚書汪應辰奏當時死事之臣皆有次第褒贈若今配享欽廟典故所無如創行之又當訪究本末差次輕重有所取舍尤不可輕易竊謂配享功臣若依唐制各廟既無其人則當缺之廼罷集議欽宗一廟遂無配享淳熙中高宗祔廟翰林學士洪邁言配食功臣先期議定臣兩蒙宣諭欲用文武臣兩人文臣故宰相贈太師秦國公謚忠穆呂頤浩特進觀文殿大學士謚忠簡趙鼎

武臣太師蘄王謚忠武韓世忠太師魯王謚忠烈張浚此四人皆一時名將相合於天下公論議者皆以爲宜遂從之秘書少監楊萬里獨謂丞相張浚不得配食爲非爭之不得因去位焉紹熙五年十二月以左丞相贈太師魯國公陳康伯配享孝宗廟庭嘉泰元年正月以右丞相贈太師葛邲配享光宗廟庭嘉定十四年八月追封右丞相史浩爲越王改謚忠定配享孝宗廟庭端平二年八月以太師趙汝愚配享寧宗廟庭初仁宗天聖中郊祀詔錄故相李昉宋琪呂端張齊賢畢士安王旦執政李至王沔溫仲舒及陳洪進等子孫以官元豐中詔景靈宮繪像舊臣推恩本支下兩房以上取不食祿者均有無取齒長者若子孫亦繪像本房不食祿更不取別房紹聖初林希請稽考慶曆以後未經編次臣僚其子孫應錄用者以次編定尋詔趙普杜稷殊勳其諸孤有無食祿者各官其一子以長幼爲序毋過三人崇寧初詔哲宗繪像文武臣僚並與子若孫一人初品官若子孫衆多無過家一人又錄藝祖功臣呂餘慶族孫偉及司徒富弼孫直柔直道以官使奉其祀靖康初臣僚言司馬光之後再絕復立族子積積亦卒今雖有子

而光遺表恩澤已五十年不可復奏請許移奏見存
曾孫使之世祿從之

群臣家廟本於周制適士以上祭於廟庶士以下祭
於寢唐原周制崇尚私廟五季之禮禮獻文大壞士大
夫無襲爵故不建廟而四時寓祭室屋慶曆元年南
郊赦書應中外文武官並許依舊式立家廟已而宋
庠又以爲言乃下兩制禮官詳定其制度官正一品
平章事以上立四廟樞密使知樞密院事參知政事
樞密副使同知樞密院事簽書院事見任前任同宣
徽使尚書節度使東宮少保以上皆立三廟餘官祭

於寢凡得立廟者許適子襲爵以主祭其襲爵世降
一等死卽不得作主祔廟別祭於寢自當立廟者卽
祔其主其子孫承代不計廟祭寢祭並以世數疏數
遷祧始得立廟者不祧以比始封有不祧者通祭四
廟五廟廟因衆子立而適長子在則祭以適長子主
之嫡長子死卽不傳其子而傳立廟者之子凡立廟
聽於京師或所居州縣其在京師者不得於裏城及
南郊御路之側仍別議襲爵之制旣以有廟者之子
孫或官微不可以承祭而朝廷又難盡推襲爵之恩
事竟不行大觀二年議禮局言所有臣庶祭禮請參

酌古今討論條上斷自聖衷於是議禮局議執政以上祭四廟餘通祭三廟古無祭四世者又侍從官以至士庶通祭三世無等參多寡之別豈禮意乎古者天子七世今太廟已增爲九室則執政視古諸侯以事五世不爲過矣先王制禮以齊有萬不同之情賤者不得僭貴者不得踰故事二世者雖有孝思追遠之心無得而越事五世者亦當跂以及焉今恐奪人之恩而使通祭二世徇流俗之情非先王制禮等差之義可文臣執政官武臣節度使以上祭五世文武升朝官祭三世餘祭二世應有私第者立廟於門內

之左如狹隘聽於私第之側力所不及仍許隨宜又詔古者寢不踰廟禮之廢失久矣士庶堂寢踰度僭禮有七楹九楹者若一旦使就五世三世之數則當徹毀居宇以應禮制豈得爲易行可自今立廟其間數視所祭世數寢間數不得踰廟事二世者寢聽用二間議禮局言禮記王制諸侯五廟二昭二穆與太祖之廟而五所謂太者蓋始封之祖不必五世又非臣下所可通稱今高祖以上一祖未有名稱欲乞稱五世祖其家廟祭品正一品每室邊豆各十有二簋簋各四壹尊壘廟鼎俎籩各二尊壘加勺鬯各一爵

各一諸室共用胙俎壘洗一從一品邊豆簠簋各二餘皆如正一品之數詔禮制局製造仍取旨以給賜之紹興十一年二月癸丑詔太師左僕射衛國公秦檜合建家廟命臨安守臣營之太常請建於其私第中門之左一堂五室五世祖居中東二昭西二穆堂飾以黹聖神板長一尺博四寸五分厚五寸八分大書某官某大夫之神坐貯以帛囊藏以漆函歲四享用孟月柔日行之具三獻有司言時享用常器常饌帝倣政和故事命製祭器賜之其後太傅昭慶節度平樂郡王韋淵亦

尉保慶節度吳益少傅寧遠節度楊存中並請建家廟賜以祭器隆興二年四月庚辰少卿四川宣撫使吳璘請用存中例從之乾道八年九月詔有司賜少保武安節度四川宣撫使虞允文家廟祭器如故事淳熙五年七月戶部尚書韓彥古請以賜第進父世忠家廟如存中十二月少傅保寧節度衛國公史浩請建家廟量賜祭器嘉泰元年太傅永興平原郡王韓侂胄奏曾祖琦效忠先朝奕世侑食家廟猶闕請下禮官攷其制建之二年循忠烈王張俊開禧三年鄜武僖王劉安世子孫相繼有請皆從之嘉定十四

年八月詔右丞相史彌遠賜第遵淳熙故事賜家廟
命臨安守臣營之禮官討論祭器並如侂冑之制彌
遠請併生母齊國夫人周氏及祔妻魯國夫人潘氏
於生母別廟皆下有司賜器景定三年詔丞相賈似
道賜家廟命臨安守漕營度禮官討論賜祭器並如
儀

志卷第六十三

宋史一百十

開府儀同三司柱國錄軍國重事前中書右丞相監修國史領經筵事都總裁曠曉纂

勅修

禮十三

嘉禮一

上尊號儀

高宗內寶儀

上皇太后皇太妃冊禪儀

舊史以飲食婚冠賓射饗宴脰膳慶賀之禮為嘉禮
又以歲時朝會養老宣赦拜表臨軒命官附之今依
政和禮分朝會為賓禮餘如其舊云

尊號之典唐始載於禮官宋每大祀羣臣詣東上閣
門拜表請上尊號或三上或五上多謙抑弗許如允

所請卽奏命大臣撰冊文及書冊寶其受冊多用祀
禮畢日御正殿行禮禮畢有司以冊寶詣閣門奉進
入內建隆四年羣臣三上表上尊號詔俟郊畢受冊
前三日遣官奏告天地宗廟社稷遂爲定制其儀有
司宿設崇元殿仗衛文武百官並集朝堂之次攝太
尉奉冊於案吏部侍郎一員押司以奉寶於案禮部
侍郎一員押以五品六品清資官充舉冊舉寶官皆
承之以匣覆之以帊俱詣殿門外之東太尉之前大
樂令帥工人入就位諸侍衛官及宰執兩制供奉官
等立於殿階下香案前左右如常入閣儀侍中奏中

殿外辨所司承旨索扇扇上皇帝袞冕御輿出自西
房樂作卽御坐扇開樂止符寶郎奉寶如常儀禮直
官通事舍人分引太尉以下文武羣官應北面位者
各就橫行位太常卿於冊案前導至丹墀西階上少
東北面置訖太尉司徒吏部禮部侍郎各入本班立
定典儀贊百官再拜舞蹈三稱萬歲又再拜起居訖
又再拜分班序立禮直官引太常卿隨行吏部侍郎
押冊案以次序行太尉從之禮部侍郎次押寶案行
司徒從之詣西階至解劍褥位其讀冊中書令讀寶
侍中候冊案將至先升於前楹間第一柱北對立太

尉解劍脫舄訖吏部侍郎押册案先升太尉從升當
 御坐前太尉搢笏北面奉册案稍前跪置訖俛伏興
 少退東向立中書令進當册案前讀册訖俛伏興又
 搢笏奉册於褥東向册函北向進跪置御坐前與舉
 册官降還侍立位太尉亦降納舄帶劍禮部侍郎押
 寶案升司徒隨升北面跪置侍中讀寶訖置册之南
 俱復位其納舄帶劍俛伏一如上儀典儀贊在位官
 皆再拜禮直官通事舍人引太尉置西階下解劔舄
 升當御生前跪賀其詞中書門下撰賀訖復位皆再拜如讀
 册寶儀侍中升至御坐前承旨退臨階西向稱有制

典儀贊再拜訖宣曰朕以鴻儀昭舉保命會昌迫於
 羣情祇膺顯號退循寡昧惕懼增深所賀知宣訖復
 位典儀贊再拜舞蹈三稱萬歲又再拜訖侍中升階
 奏禮畢降復位扇上樂作帝降坐御輿入自東房扇
 開樂止侍中版奏解嚴中書侍郎帥奉案官升殿跪
 奉册置於案次門下侍郎奉寶如奉册禮通事舍人
 贊引詣東上閣門狀進所司承旨放仗百官再拜訖
 退如常儀自後受册皆如之禮畢賜百官食于朝堂
 熙寧元年宰臣曾公亮等上表請加尊號詔不允先
 是翰林學士司馬光言尊號起唐武后中宗之世遂

爲故事。先帝治平二年，辭尊號不受。天下莫不稱頌聖德。其後佞臣建言，國家與契丹常有往來書，彼有尊號，而中國獨無，足爲深恥。於是羣臣復以非時上尊號。論者甚爲朝廷惜之。今羣臣以故事上尊號，臣愚以爲陛下聰明睿智，雖宜享有鴻名，然踐祚未久，又在亮陰之中，考之事體，似未宜受。陛下誠能斷以聖意，推而不居，仍令更不得上表請，則頌嘆之聲將洋溢四海矣。詔賜光曰：覽卿來奏，深諒忠誠，朕方以頻日淫雨，甲申地震，天威彰著，日虞傾禍，被此鴻名，有慙面目，況在亮陰，亦難當是盛典。今已批降指揮。

可善爲答辭，使中外知朕至誠，慙懼非欺。衆邀名，其後宰臣數上表請，終不允。徽宗內禪，欽宗上尊號，即教主道君太上皇帝居龍德宮。靖康元年正月朔朝賀畢，車駕詣龍德宮賀。百官班門外，宰執進見如儀。高宗內禪，紹興三十二年六月十日，御札皇太子可即皇帝位，朕稱太上皇帝，退處德壽宮。皇后稱太上皇后，應軍國事，並聽嗣君處分。十一日，行內禪之禮。有司設仗紫宸殿，宰臣文武百僚立班，皇帝出宮，鳴鞭禁衛，諸班直親從儀仗，拜內侍省執骨朶使臣等，並迎駕自贊，常起居皇帝升御坐，知閣門官以下拜。

內侍都知御帶以下一班起居次管軍一班起居次
宰執以下常起居訖左僕射陳康伯知樞密院事葉
義問參知政事汪澈同知樞密院事黃祖舜升殿奏
曰臣等不才輔政累年罪戾山積乃蒙容貸不賜誅
責今陛下超然獨斷高蹈堯舜之舉臣等心竇欽仰
但自此不獲日望清光大馬之情不勝依戀因再拜
辭相與泣下幾至號慟帝亦爲之流涕曰朕在位三
十六年今老且病久欲閑退此事斷自朕心非由臣
下開陳卿等當悉力以輔嗣君康伯等復奏曰皇太
子仁聖天下所共知似聞謙遜太過未肯便御正殿

帝曰朕前此固嘗與之言早來禁中又面諭之即步
行徑趨側殿門欲還東宮已再三敦勉邀留今在殿
後矣宰執降階皇帝降坐鳴鞭還內宰臣文武百僚
並退立班聽宣詔訖再拜舞蹈三稱萬歲再拜訖班
權退復追班入請殿下立班少頃新皇帝服履袍涕
泣出宮禁衛諸班直親從儀仗等迎駕起居鳴鞭內
侍扶掖皇帝至御榻涕泣再三不坐內侍傳太上皇
帝聖旨請皇帝升御坐皇帝升御坐東側坐知閣門
官以下一班起居稱賀次管軍官一班起居稱賀次
文武百僚橫行北向立舍人當殿文武百僚宰臣陳

康伯以下起居稱賀皇帝降御坐側身西向不坐後
宰臣以下再拜舞蹈三稱萬歲起居稱賀畢康伯等
升殿奏臣等言願陛下即御坐以正南面上副太上
皇帝傳授之意帝愀然曰君父之命出於獨斷此大
位懼不敢當尚容辭避康伯等再奏茲者伏遇皇帝
陛下應天順人龍飛寶位第以驚下之材恐不足
以仰輔新政然依乘風雲千載之遇實與四海蒼生
不勝幸慶再拜賀畢奏事而退宰執下殿皇帝還內
鳴鞭宰執文武百僚赴祥曦殿候太上皇帝登輦危
從至德壽宮而退翌日詣德壽宮朝見前期儀鸞司

設大次於德壽宮門內小次於殿東廊西向其日俟
皇帝出即御坐從駕臣僚禁衛等起居如常儀皇帝
降御坐乘輦至德壽宮文武百僚詣宮門外迎駕起
居訖前導官太常卿閣門官太常博士禮直官先入
詣大次前分左右立定俟皇帝降輦入次御坐臺閣
門太常寺報文武百僚入詣殿庭北向立定前導官
導皇帝入小次簾降俟太上皇帝即御坐小次簾捲
前導官導皇帝升殿東階詣殿上折檻前奏請拜皇
帝再拜訖前導官導皇帝稍前躬奏聖躬萬福訖復
位再拜訖前導官導皇帝詣太上皇帝御坐之東西向立殿

下在位官皆再拜搢笏三舞蹈三叩頭出笏就拜又再拜班首不離位奏聖躬萬福又再拜班退前導官以次退從駕官歸幕次以俟從駕太上皇帝駕與皇帝從入見太上皇后如宮中之儀皇帝還內如來儀每遇正旦冬至及朔望並依上儀十二日帝詣德壽宮以兩百僚免入見上就宮中行禮自後詣官若行宮中禮卽不集百官陪位十三日詔令宰臣率百官於初二日十六日詣德壽宮起居又詔朕欲每日一朝德壽宮脩晨昏之禮而奉慈訓恐廢萬機勞煩羣下不蒙賜許禮官宜重定其期如前代朝朔望甚爲

踈闕朕不敢取於是禮部太常寺言漢書高皇帝五日一朝太上皇乞依此故事每五日一次詣德壽宮朝見如宮中禮帝始御後殿宰臣陳康伯等奏臣等朝德壽宮太上皇宣諭車駕每至宮必於門外降輦已再三勉諭旣行家人之禮自宜至殿上降輦帝曰太上有旨不須五日一朝只朝朔望朕心未安宜令有司詳議如官門降輦臣子禮所當然於是禮部太常言除朝朔望外乞於每月初八二十三詣德壽宮起居如宮中儀自後皆遵此制如值兩盛暑祁寒臨期承太上特旨乃免十一月冬至上詣德壽宮稱

賀上壽禮畢入見太后如宮中禮自後冬至並同隆興元年正月朔帝率百官詣德壽宮如冬至儀自後正旦並同乾道元年二月朔帝詣德壽宮恭請太上太后至延祥觀燒香太上與帝乘馬太后於後乘輿次幸聚景園次幸玉津園自後帝詣德壽宮恭請太上太后至南內或幸延祥觀靈隱寺天竺寺恭進太上聖政冊命皇太子起居稱謝遇游幸則宰執以下從駕至游幸所除管軍環衛官等俟駕還護從還內宰執以下並免護從先退淳熙十六年孝宗內禪皇太子卽皇帝位紹熙五年光宗內禪皇子嘉王卽皇帝位並如紹興三十二年故事

太皇太后皇太后皇太妃冊禮建隆元年詔尊母南陽郡太夫人爲皇太后仍令所司追冊四親廟後不果行至道三年四月尊太宗皇后李氏爲皇太后宰臣等詣崇政殿門表賀皇帝又詣內東門表賀皇太后乾興元年真宗遺制尊皇后劉氏爲皇太后淑妃楊氏爲皇太妃亦不果行冊禮天聖二年宰臣王欽若等五表請上皇太后尊號十一月郊祀畢帝御大安殿受冊百官稱賀畢再序班侍中奏中嚴外辨禮儀使奏發冊寶帝服通天冠絳紗袍乘珪以出禮儀使

閣門使導帝隨冊寶降自西階內臣奉至殿庭置橫街南東向褥位冊在北寶在南帝立殿庭北向褥位奉冊寶官奉冊寶案太常卿吏部禮部侍郎引置當中褥位禮儀使奏請皇帝再拜在位官皆再拜太尉司徒就冊寶位帝搢珪跪奉冊授太尉又奉寶授司徒皆搢笏東向跪受興奉冊寶案置於近東西向褥位禮儀使奏請皇帝歸御幄易常服乘輿赴文德殿後幄百官班退赴朝堂太尉司徒奉冊寶至文德殿外幄太尉以下各就次以俟侍中奏中嚴外辦太后服儀天冠袞衣以出奏隆安之樂行障步障方團扇

侍衛垂簾即御坐出向樂止太常卿導冊案至殿西階下各班班在位者皆再拜太尉押冊司徒奉冊中書令讀冊訖侍中押寶案司徒奉寶侍中讀畢太尉司徒詣香案前分班東西序立尚宮贊引皇帝詣皇太后坐前帝服鞞袍簾內行稱賀禮跪曰嗣皇帝臣某言皇太后陛下顯崇徽號昭煥寰瀛伏惟與天同壽率土不勝欣抃伏興又再拜尚宮詣御坐承旨退西向稱皇太后答曰皇帝孝思至誠貫于天地受茲徽號感慰良深帝再拜尚宮引歸幄太尉率百官稱賀奏隆安之樂太后坐幄樂止侍中奏解嚴

所司放仗百官稱拜退太后還內內外命婦稱賀太
后皇帝於內殿在外命婦及兩京留司官並奉表稱
賀自是上皇太后尊號禮皆如之熙寧二年神宗尊
皇太后曹氏為太皇太后詔文德殿跪奉玉冊授攝
太尉曾公亮金寶授攝司徒歸絳又晚奉皇太后高
氏玉冊被攝太尉文彥博金寶授攝司徒趙鼎禮畢
百官稱賀哲宗即位詔尊太后高氏為太皇太后皇
后向以爲皇太后德妃朱氏爲皇太妃禮部議皇太
妃生日節序物色其冠服之屬如皇后例稱慈旨慶
賀用箋太皇太后皇太后於皇太妃稱賜皇帝稱奉

百官不稱臣皇帝問皇太妃起居用箋皇太妃答集
帝用書宰相請特建太皇太后宮曰崇慶殿曰崇慶
曰壽康皇太后宮曰隆祐殿曰隆祐曰慈微元祐二
年詔太皇太后宮冊依章獻明肅皇后故事皇太后
受冊依熙寧二年故事皇太妃與皇太后同日受冊
令太常禮官詳定儀注右諫議大夫梁燾請對文德
殿太皇太后曰大臣欲行此禮予意謂必難行燾對
曰誠如聖意願區執勿許且皇后權同聽政蓋出一
時不得已之重乞地之重書舍人曾肇亦言太皇
太后聽政以來止於延和殿受遼使朝見亦止於御

崇政殿未嘗設於朝。今高宗述仁祖故事以極崇奉之禮。太皇太后僖以是時特下明詔發揚皇帝孝敬之誠而回執謙德止以進不政殿受冊則皇帝之孝愈顯太皇太后之德愈尊而義俱得顯不美與太皇太后欣然納之。迺詔將來受冊止於崇政殿。尋以天旱權罷未幾太師文彦博等以時雨溥澍秋稼有望請舉行冊禮。凡三請乃從。九月六日發太皇太后冊寶于大慶殿發皇太后太妃冊寶于文德殿行禮如儀。紹聖元年詔奉太皇太后旨皇太妃特與立宮殿名坐六龍輿張織出入。由宣德正門有司請應宮中。

依稱臣妾外命婦入內。準此百官拜牋稱賀。稱殿下徽宗即位加哲宗太妃號曰聖瑞。既又御文德殿冊命元符皇后劉氏爲太后。並依皇后禮制。建炎元年五月冊元祐皇后爲隆祐太后。令所司擇日奉上冊寶。時方巡幸不克行禮。遙尊韋賢妃爲宣和皇后。紹興七年三月詔畧曰宣和皇后夙擁慶羨是生耿冲迺骨肉之至親。偕父兄而時邁。十年地阻懷陟岵凱風之思。萬里使還奉。上皇寧德之諱。宜尊爲皇太后。令所司擇日奉上冊寶。太常寺言請依祖宗故事俟三年之喪終制然後行禮。時翰林學士朱震言唐德

宗建中上太后沈氏尊號時沈太后莫知所在猶供張含元殿具衮冕出左序立東方再拜奉冊今太后聖體無恙信使相望豈可不舉揚前憲臣又聞三年之制惟天地社稷越紼行事德宗以大曆四年即位明年改元建中時行易月之制故以冕服行事今陛下退朝之服盡如禮制謂當供張別殿遣三公奉冊藏于有司恭俟來歸願下禮官講明詔從之禮部太常言寶文欲乞以皇太后寶四字為文合差撰冊文官一員書冊文官一員書篆寶文官一員並差執政十年營建皇太后宮以慈寧為名十二月帝自常御

殿請慈寧殿遙賀皇太后奉上册寶十二年八月皇太后還慈寧宮十月十八日奉進冊寶其日張設慈寧殿設坐殿中皇太后服禕衣即御坐本殿官設冊寶於殿下慈寧宮事務官并本殿官並朝服詣殿下再拜搢笏舉冊寶奉進先進冊次進寶進畢降坐易禕衣服常服皇帝詣慈寧殿賀如宮中儀次宰臣率百僚拜表稱賀三十二年六月詔上太上皇帝太上皇后尊號集議以聞左僕射陳康伯等言五帝之壽惟堯最高百王之聖惟堯獨冠今茲高世之舉視堯有光恭請上太上皇帝尊號曰光堯壽聖太上皇帝

太上皇后尊號曰壽聖太上皇后詔恭依仍令禮部
太常討論禮儀以聞左僕射陳康伯撰太上皇帝冊
文兼禮儀使參政汪澈書冊文并篆寶知樞密院葉
義問撰太上皇后冊文同知樞密院事黃祖舜書冊
文八月十四日奉上冊寶是日陪位文武百僚太傅
以下行事官並朝服入詣大慶殿下立班皇帝自內
服履袍入御幄服通天冠絳紗袍出至大慶殿詣冊
寶褥位前再拜在位官皆再拜訖皇帝行發冊寶授
太傅之禮如儀禮畢皇帝還幄服履袍還內文武百
僚退儀仗鼓吹備而護衛冊寶太傅以下行事官導

從冊寶至德壽宮皇帝自祥曦殿服履袍乘輦至德
壽宮大次降輦陪位文武官入殿庭立班定太傅以
下行事官從冊寶入殿皇帝服通天冠絳紗袍升殿
詣西向褥位立太上皇帝自宮服履袍即坐皇帝北
向四拜起居訖次太傅以下皆四拜起居次行奉冊
之禮中書令參知政事史浩讀冊攝侍中葉義問讀
寶讀訖退復位皇帝再拜稱賀曰皇帝臣某稽首言
伏惟光堯壽聖太上皇帝陛下冊寶告成鴻名肇正
與天同壽率土均權皇帝再拜次侍中承旨宣答曰
皇帝孝通天地禮備古今勉受鴻名良深感慰皇帝

再拜訖西向立次太傅以下再拜稱賀致詞曰攝太
傅尚書左僕射臣康伯等稽首言伏惟光堯壽聖太
上皇帝陛下肅臨寶位誕受丕祚獨推天父之尊普
慰帝臣之願奏訖再拜舞蹈次侍中承旨宣答曰光
堯壽聖太上皇帝聖日倦勤滋久佚老是圖勉受嘉
名但增感慰又再拜舞蹈次太上皇帝降坐入宮皇
帝後從壽聖太上皇后冊寶入宮皇帝詣太上皇后
坐前北向立太上皇后升坐皇帝四拜之各行奉上
冊寶之禮讀冊官陳子常讀冊寶官梁棗民讀寶讀
訖復位皇帝再拜稱賀具致詞曰皇帝臣某稽首言伏
惟壽聖太上皇后殿下德茂坤元禮崇大號寶壽身
受歡抃無疆皇帝再拜次宣答官承旨宣答曰壽聖
太上皇后教育皇帝裊容載藏昭嘒號來膺誠孝通天
但深感惕皇帝再拜訖太上皇后降坐入宮次太傅
以下文武百僚就德壽殿下拜畢稱賀以俟皇帝服
覆袍乘輦還內十六日宰臣率文武百僚詣文德殿
拜表稱賀

貞節乘輦殿內十六日幸百官平正亦百官請文
心下文九百新棘新書婦下我無辭實以矣
邸彩海則皇帝再拜請太上皇宗判坐入宮以
太上皇或姊有皇帝疑容嫌滅嗣報來暫端奉
受燭林無觀皇帝再拜次真合官亦首宣答曰
對書望太上皇或婦下新改申示對崇大親實書

志卷第六十四

宋史一百十一

開府儀同三司在國錄國事節中書右丞相監修國史領經筵事都總裁臣脫脫等奉
勅

禮十四

嘉禮二

冊立皇后儀

冊皇太子妃儀

冊命親王大臣儀

冊命皇太子儀

公主受封儀

冊立皇后建隆元年立瑯邪郡夫人王氏為皇后命
所司擇日備禮冊命自後凡制書云冊命者多不行
冊禮后妃皆寫冊命告身以金花龍鳳羅紙金塗襍
袋有司進入學士院草制宣於正殿近臣牧守宗室

賈所乘輦對內十六日幸百華宮...
心下文苑百齋...
所製海則皇帝再拜請太上皇...
太上皇或姥...
受燭林...
謝嘉望太上皇...
嘉禮一

志卷第六十四

宋史一百十一

開儀司在國錄國事...
脫脫等奉

黎

禮十四

嘉禮一

冊立皇后儀

冊皇太子妃儀

冊命親王大臣儀

冊命皇太子儀

公主受封儀

冊立皇后建隆元年立瑯邪郡夫人王氏為皇后命
所司擇日備禮冊命自後凡制書云冊命者多不行
冊禮后妃皆寫冊命告身以金花龍鳳羅紙金塗襍
袋有司進入學士院草制宣於正殿近臣牧守宗室

皆修貢禮群臣拜表稱賀又詣內東門奉牋賀皇后
真宗冊德妃劉氏爲皇后不欲令藩臣貢賀不降制
於外廷止命學士草詞付中書仁宗冊皇后曹氏其
冊制如皇太子王用珉玉五十簡匣依冊之長短寶
用金方一寸五分高一寸其文曰皇后之寶盤螭紐
綬并緣冊寶法物約舊制爲之匣蓋並朱漆金塗銀
裝其禮與通禮異不立仗不設縣前一日守宮設次
於朝堂設冊寶使副次於東門外命婦次於受冊寶
殿門外設皇后受冊寶位於殿庭階下北向奉禮設
冊寶使位於內東門外副使內侍位於其南差退東

向北上冊寶位於使前南向又設內給事位於北
廂南向其日百官常服早入次禮直官通事舍人先
引中書令侍中門下侍郎中書侍郎及奉冊寶官執
事人絳衣介幘詣垂拱殿門就次以俟冊降禮直官
通事舍人分引宰臣樞密冊寶使副百官詣文德殿
立班東西相向內侍二員自內承旨降皇后冊寶出
垂拱殿奉冊寶官俱擗笏率執事人禮直官導中書
侍郎押冊中書令後從門下侍郎押寶侍中後從由
東上閣門出至文德殿庭權置禮直官通事舍人引
使副就位次引侍中於使前西向稱有制典儀曰再

拜贊者承傳使副在位官皆再拜宣曰贈尚書令冀
王曹彬孫女冊爲皇后命公等持節展禮使副再拜
侍中還位門下侍郎帥主節者詣使東北主節以節
授門下侍郎門下侍郎執節授冊使冊使跪受與付
主節幡隨節立於使左次引中書令侍中詣冊寶東
北西向立中書侍郎引冊案立於中書令右中書令取
冊授丹寶使丹寶使跪受與置於案中書令中書侍郎
退復班門下侍郎引寶案於侍中之右取寶授冊寶使
如上儀退復位典儀贊拜訖禮直官通事舍人引使副
押冊寶持節者前導奉冊寶官奉昇授衛如式以次出

朝堂門詣內東門附內臣入進內臣引內外命婦入
就位內侍詣閣請皇后服褱衣冊寶至使副俱東向
內給事前北向跪稱冊寶使李迪副使王隨奉制授
皇后冊寶俛伏興退復位內給事入詣受冊寶殿門
皇后前跪奏訖內侍進詣使前西面跪受冊寶以授
內謁者監使退復位內謁者監主當內臣持冊寶入
內東門內侍從之以次入詣殿庭內侍贊引皇后降
立庭中北向位內侍跪取冊次內侍跪取寶興立皇
后右少前西向內侍二員進立皇后左少前東向內
侍稱有制內侍贊皇后再拜內侍奉冊進授皇后皇

后受以授內侍次內侍奉寶亦然復贊再拜訖導皇
后升坐內臣引內外命婦稱賀如常儀禮畢內侍導
皇后降坐內臣還閣內外命婦班退皇后易常服謝
皇帝皇太后用常禮百官詣東上閣門表賀元祐五
年八月太皇太后詔以皇帝納后令翰林學士御史
中丞兩省與太常禮官檢詳古今六禮沿革參考通
禮典故具爲成式羣臣又議勘昏御史中丞鄭雍等
請不用陰陽之說呂大防亦言不可太后納之六年
八月三省樞密院言六禮命使納采問名納吉納成
告期差執政官攝太尉充使侍從官或判宗正官攝

宗正卿充副使以舊尚書省權爲皇后行第納采問
名同日次日納吉納成告期納成用穀圭爲贊不用
鴈請期依開寶禮改爲告期親迎命使奉迎納采前
擇日告天地宗廟皇帝臨軒發冊同日先遣冊禮使
副次遣奉迎使令文武百官詣行第班迎又言據開
元禮納采問名合用一使納吉納成各別日遣使今
未委三禮共遣一使或各遣使又合依發冊例立仗
詔各遣使文德殿發制依發冊立仗七年正月詔尚
書左丞蘇頌撰冊文并書學士院上六禮辭語其納
采制文略曰太皇太后曰咨某官封姓名渾元資始

肇經人倫爰及夫婦以奉天地宗廟社稷謀于公卿
咸以爲宜率由舊典今遣使持節太尉某宗正卿某
以禮納采其答文曰太皇太后嘉命訪婚陋族備數
采擇臣之女未閑教訓衣履若而人欽承舊章肅奉
典制某官封糞土臣姓某稽首再拜承制詔問名制
曰兩儀合德萬物之統以聽內治必咨令族重宣舊
典今遣使持節某官以禮問名答曰使者重宣中制
問臣名族臣女夫婦所生先臣故某官之遺微孫先
臣故某官之遺曾孫先臣故某官之遺孫先臣故某
官之外孫女年若干欽承舊章肅奉典制納吉制曰

人謀龜筮同符元吉恭順典禮今使某官以禮納吉
答曰使者重宣中制臣陋族卑鄙憂懼不堪欽承舊
章肅奉典制納成制曰咨某官某之女孝友恭儉實
維母儀宜奉宗廟永承天祚以黜纁黻圭六馬以章
典禮今使某官以禮納成答曰使者重宣中制降婚
卑陋崇以上公寵以豐禮備物典策欽承舊章肅奉
典制告期制曰謀于公卿大筮元龜罔有不臧吉日
惟某月某甲子可迎率遵典禮今遣某官以禮告期
答曰使者重宣中制以某月某甲子吉日告期臣欽
承舊章肅奉典制奉迎制曰禮之太體欽順重正其

期維吉典圖是若今遣某官以禮奉迎答曰使者重
宣中制今日吉辰備禮以迎螻蟻之族猥承大禮憂
懼戰悸欽率舊章肅奉典制餘如式三月禮部太常
寺上納后儀注發六禮制書太皇太后御崇慶殿內
外命婦立班行禮畢內給事中出殿門置六禮制書
案上出內東門禮直官通事舍人引由宣祐門至文
德殿後門入權置案於西閣門命使納采問名文德
殿宰臣親王執政官宗室百僚大小使臣易朝服樂
備而不作班定內給事奉制書案置橫街北稍東西
向北上禮直官通事舍人引門下中書侍郎次引使

副就橫街南承制位北向東上內給事詣使者東北
面稱太皇太后有制典儀曰再拜在位官皆再拜宣
制曰皇帝納后命公等持節行禮典儀曰再拜使副
皆再拜授制書訖典儀曰再拜在位官皆再拜禮直
官通事舍人太常博士引使副從制案出載於油絡
網犢車出宣德門鼓吹備而不作至皇后行第大門
外令史二人對奉制案立主人立大門內儼者立主
人之左北面進受命出曰敢請事使者曰某奉制納
采儼者入告主人曰某之女若而人既蒙制訪臣某
不敢辭儼者出告入引主人出大門外再拜使者先

入使者曰太皇太后制主人再拜宣制書畢主人再拜受訖主人進表訖再拜使者出問名同上儀使者曰將加上筮奉制問名主人曰臣某之女若而人既蒙制命臣某不敢辭命使納吉納成告期並同命使納采問名儀納吉使者曰加請卜筮占曰從制使某納吉主人曰臣某之女若而人龜筮云吉臣願有焉臣某謹奉典制告期使者曰某奉制告期主人曰臣某謹奉典制以上納吉納成告期請見授制接表並如納采儀臨軒命使冊后及奉迎於文德殿百官朝服皇帝常服乘輦至殿後閣侍中奏中嚴外辦乃服

天冠絳紗袍乘輦出自西房降輦即御坐兩省官及待制權侍郎觀察使以上分東西入殿門各就位東西相向立奉寶置御坐前奉宣后冊由東上閣門出至文德殿庭橫行典儀曰拜在位官皆再拜使副受冊宣制曰冊某氏爲皇后命公等持節展禮典儀曰拜使副再拜受冊寶訖典儀贊百官再拜宣制曰太皇太后制命公等持節奉迎皇后典儀贊使副再拜受節又贊百官再拜侍中奏禮畢解嚴百官再拜出皇帝常服還內冊寶至皇后行第如納采儀使者曰某奉制授皇后備物典冊皇后受冊寶內外命婦序

立如儀主人以書奉使者奉迎百官常服班宣德門外行第儂者請使者曰某奉制以禮奉迎儂者入告主人曰臣某謹奉典制儂者出告入引主人出大門外再拜使者先入曰有制主人再拜使者宣制畢主人再拜受制答表又再拜揖導皇后尚宅前引升堂出立房外典儀贊使副再拜使者曰今日吉日某等承制以禮奉迎內侍受以入使副退主人以書授使者奉於司言受以奏聞皇后降立堂下再拜訖升堂主人升自東階西向日戒之戒之夙夜無違命主人退母進西階上東向施衿結帨曰勉之戒之夙夜無

違命皇后升輿至中門升車出大門使副及羣臣前引將至宣德門百官宗室班迎再拜訖分班皇后入門鳴鍾鼓班迎官退迺降車入次升輿入端禮門文德殿東上閣門出文德殿後門入至內東門內降輿司輿前導詣福寧殿門大次以俟晡後皇后車入宣德門侍中版奏請中嚴內侍轉奏皇帝服通天冠絳紗袍御福寧殿尚宮引皇后出次詣殿庭之東西向立尚儀跪奏外辨請皇帝降坐禮迎尚宮前引詣庭中之西東面揖皇后以入導升西階入室各就榻前立尚食跪奏具皇帝揖皇后皆坐尚食進饌食三飯尚

食進酒受爵飲尚食以饌從再飲如初三飲用盃如再飲尚儀跪奏禮畢俱興尚宮請皇帝御常服尚寢請皇后釋禮服入幄次日以禮朝見太皇太后皇太后參皇太妃如宮中之儀詔從之四月太皇太后手書曰皇帝年長中宮未建歷選諸臣之家以故侍衛親軍馬軍都虞候贈太尉孟元孫女爲皇后制詔六禮尚書左僕射兼門下侍郎呂大防攝太尉充奉迎使同知樞密院事韓忠彥攝司徒副之尚書左丞蘇頌攝太尉充發冊使簽書樞密院事王巖叟攝司徒副之尚書左丞蘇轍攝太尉充告期使皇叔祖同知

大宗正事宗景攝大宗正卿副之皇伯祖判大宗正事高密郡王宗晟攝太尉充納成使翰林學士范百祿攝宗正卿副之吏部尚書王存攝太尉充納吉使權戶部尚書劉奉世攝宗正卿副之翰林學士梁燾攝太尉充納采問名使御史中丞鄭雍攝宗正卿副之五月甲午行納采問名禮丁酉行納吉納成告期禮戊戌帝御文德殿發冊及命使奉迎皇后己亥百官表賀于東上閣門次詣內東門賀太皇太后又上歲賀皇后上歲賀皇太妃皇后擇日詣景靈宮行廟見禮大觀四年冊貴妃鄭氏爲皇后議禮局重定儀

注臨軒冊使皇帝御文德殿服通天冠絳紗袍百官朝服陳黃麾細仗依古用宮架冊使出殿門依近儀不乘輅權以穆清殿爲受冊殿其日皇后服禕衣其奉冊寶授皇后皆用內侍受冊訖皇后上表謝皇帝內外命婦立班稱賀群臣入殿賀皇帝於內東門上殿賀皇后其上禮儀注乞依進馬條令施行其會群臣及皇后會外命婦儀注並依開元開寶禮受冊之殿陳宮架用女工升降行止並以樂節而別定樂各樂章皇后上表乞免受冊排黃麾仗及乘重翟車陳小架鹵簿等而於延福宮受冊其朝謁景靈宮亦止

依近例云紹興十三年閏四月十七日冊貴妃吳氏爲皇后前期於文德殿內設東西房東西閣凡香案官架冊寶幄次舉麾位押案位權置冊寶褥位受制承制宣制位奉節位贊者位奉冊寶具位舉冊舉寶官位及文武百僚應行事官執事官位皆儀鸞司太常典儀分設之以俟臨軒發冊其日贊明皇帝服通天冠絳紗袍出西閣協律郎舉麾奏乾安之樂皇帝降輦即御坐樂止冊使副以下應在位官皆再拜侍中宣制曰冊貴妃吳氏爲皇后命公等持節展禮冊使副再拜參知政事以節授冊使冊使跪受以授掌節

者中書令以冊受冊使侍中以寶授副使並權置于案冊使副以下應在位官皆再拜冊使押冊副使押寶持節者前導正安之樂作出文德殿門樂止至穆清殿門外帷次權置以俟皇后首飾禕衣出閣協律郎舉麾坤安之樂作皇后至殿上中間南向立定樂止冊使副就內給事前東向跪稱冊使副姓某奉制授皇后備禮典冊內給事入詣皇后前北向奏訖冊使舉冊授內侍內侍轉授內謁者監副使舉寶授內侍內侍轉授內謁者監掌節者以節授掌節內侍內侍持節前導冊寶并案進行入詣殿庭冊寶初入

宣安之樂作至位樂止自皇后降自東階至庭中北向位初行承安之樂作至位樂止皇后再拜舉冊官搢笏跪舉冊讀冊官搢笏跪宣冊內謁者監奉冊進授皇后皇后受以受司言又奉寶進授皇后皇后受以授司寶司言同寶置冊寶于案舉冊寶官并舉案官俱搢笏舉冊寶并案興詣東階之東西向位置定皇后初受冊寶成安之樂作受訖案止皇后再拜禮畢冊皇太子至道元年八月壬辰詔立皇太子命有司草具冊禮以翰林學士宋白爲冊皇太子禮儀使有司言前代無太子執圭之文請如王公之制執桓圭

餘如舊制九月丁卯太宗御朝元殿陳列如元會儀
帝袞冕設黃麾仗及官縣之樂於庭百官就位太子
常服乘馬就朝元門外幄次易遠遊冠朱明衣所司
贊引三師三少導從至殿庭位再拜起居畢分班立
太常博士引攝中書令就西階解劔履升殿請御坐
前俛伏興奏宣制降就劔履位由東階至太子位東
南向稱有制太子再拜中書侍郎引冊案就太子東
中書令北面跪讀冊畢太子再拜受冊以授右庶子
門下侍郎進寶授中書令中書令授太子太子以授
右庶子各置於案由黃道出太子隨案南行樂奏正

安之曲至殿門樂止太尉升殿稱賀侍中宣制答如
儀皇太子易服乘馬還宮百官賜食於朝堂中書門
下樞密院師保而下請太子參賀皆序立於宮門之
外庶子版奏外備內臣褰簾太子常服出次坐中書
門下文武百官樞密師保賓客而下再拜並答拜四
品以下官參賀升坐受之越三日具國簿謁太廟常
服乘馬出東華門升輅儀仗內行事官乘車者並服
禮衣餘皆袴褶乘馬導從有司言唐禮宮臣參賀皆
舞蹈開元始罷之故事百官及東宮接見祇呼皇太
子上殿啓稱皇太子殿下百官稱臣常行用

左春坊印宮中行今又按唐制凡東宮處分論事之書太子並畫令左右庶子以下署名姓宣奉行書按畫日其與親友師傅不用此制今請如開元之制宮臣止稱臣不行舞蹈之禮今皇太子兼判開封府其所上表狀即署太子之位其當申中書樞密院祇判官等署餘斷案及處分公事並畫諾詔推改諾爲準餘並從之其朝皇后儀止用宮中常禮時真宗以壽王爲皇太子兼判開封請見倭儀稱名而免稱臣神宗及受冊禮而即位乃以冊寶送太意閣遂爲故事紹興三十二年五月詔曰朕以不德躬履難堪三十

有六年憂勞萬機宵旰靡怠屬時多故未能雍容釋負退養壽康今邊鄙粗寧可遂如志皇子毓德允成神器有託朕心庶幾可立爲皇太子仍改名所司擇日備禮冊命未及行禮六月十一日內禪乾道元年八月十日制立皇太子王愔爲皇太子十月詔以知樞密院洪适爲禮儀使撰冊文簽書樞密院事葉顥書冊工部侍郎王弗篆寶十六日皇帝御大慶殿行冊禮皇太子服遠遊冠朱明衣執炬圭前期習儀禮官及有司並先一日入宿衛展宮架樂設太子次冊寶幄次百官次又設皇太子受冊位典寶褥位應行

禮等皆有位列黃麾半仗於殿門內外贊明百官就次皇太子常服詣憲次持寶邸陳入寶於御位之左右有司奉冊寶至幄次百官初服入班殿庭有司自幄次奉冊寶至褥位參知政事中書令導從退各就位侍中升殿俟宣制皇太子勿服執圭俟於殿門外樂正撞黃鐘之鍾乾安之樂以皇帝即御坐殿上侍臣起居樂止行禮官贊引皇太子入就殿庭東宮官從初入殿門明安之樂作樂止皇太子起居次百官起居各拜舞如儀皇太子詣受冊位侍中前承旨降階宣制曰冊鄧王愔為皇太子皇太子拜舞如儀侍

中升殿復位中書令詣讀冊位捧冊官奉冊至中書令跪讀畢興皇太子再拜有司奉冊至皇太子位中書令跪以冊授皇太子皇太子跪受以授右庶子置於案次侍中以寶授皇太子皇太子跪受以授左庶子如上儀皇太子再拜中書舍人押冊中允押寶以出次皇太子出於來儀初行樂作出殿門樂止次百官稱賀樂正撞蕤賓之鍾乾安之樂作皇帝降坐樂止放仗在位官再拜以出禮畢百官易常服赴內東門司拜牋賀皇后次赴德壽宮拜表牋賀諸路監司守臣等並奉表稱賀明日車駕詣德壽宮謝又明日

上御紫宸殿引皇太子稱謝還東宮百官赴東宮參賀皇太子擇日先朝謁景靈宮次日朝謁太廟別廟又擇日詣德壽宮稱謝先是禮官言皇太子朝謁景靈宮無所服典故乞止用常服次朝謁太廟別廟當袞冕乘金輅設仗從之皇太子言乘輅設仗雖有至道天禧故事非臣子所安詔免

冊皇太子妃政和五年三月詔選皇太子妃六年六月詔選少傅恩平郡王朱伯材女爲皇太子妃令所司備禮冊命庚辰帝服通天冠絳紗袍御文德殿發冊先是議禮局上五禮新議皇太子納妃乘金輅親

迎皇太子三奏辭乘輅及臨軒冊命詔免乘輅而發冊如禮焉

公主受封降制有冊命之文多不行禮惟以綸告進內至嘉祐二年封福康公主爲充國公主始備禮冊命前一日百官班文德殿內降冊印宣制冊案授衛一如冊皇后儀有司先設冊使等幕於內東門外命婦次公主本位門之外公主受冊印位於本位庭階下北向冊使位於內東門副使及內給事於其南差退並東向設冊印案位於冊使前南向內給事位於冊使北南向自文德殿奉冊印將至內東門內給事

請本位請公主服首飾褕翟冊印至內東門外褥位
置訖內臣引內命婦入就位禮直官引冊使副等俱
就東向位內給事就南向位通事舍人博士引冊使
就內給事前東向躬稱冊使某副使某奉制授公主
冊印退復位內給事入諸所設受冊印位公主前言
訖退內給事進詣冊使前西向冊使跪以冊印授內
給事內給事跪授內謁者內謁者及主當內臣等持
入內東門內給事從入詣本位贊公主降詣庭中北
向立跪取冊興立公主右少前西向又內給事立公
主左少前東向稱有制贊者曰拜公主再拜右給事
奉冊跪授之公主受以授左給事右給事又奉印授
公主如上儀贊者曰拜公主再拜畢引公主升位次
內臣引內命婦賀畢遂引公主謝皇帝皇后一如內
中之儀羣臣進名賀其冊印如貴妃有匣文曰充國
公主之印遂爲定制神宗進封邠國大長公主魯國
公主皆請免冊禮止進告入內云

冊命親王大臣之制具開寶通禮雖制書有備禮冊
命之文多上表辭免而未嘗行每命親王宰臣使相
樞密使西京留守節度使並翰林草制夜中進入翼
日自內置於箱黃門二人舁之立御坐東內朝退乃

奉箱出殿門外宣付閣門降置於案俟文德殿立班
閣門使引制案置于庭宣付中書門下宰相跪受復
位以授通事舍人赴宣制位唱名訖奉請宰相宰相
受之付所司若立后妃封親王公主卽先稱有制百
官再拜宣制訖復再拜舞蹈稱賀若宰相加恩制書
卽宣付通事舍人引宰相於宣制石東北向再拜立
聽訖拜舞復位若百官受制卽自班中引出聽麻文
班於宣制石東武班於西並如宰相儀聽訖出赴朝
堂其罷相者卽引出赴朝堂金吾仗舍諸王宰相朝
前一日內降官告從內出東上閣門外宣詞以賜

授節者仍交旌節

授者免伏執旌節於頸上者三

參知政事宣徽

使樞密使大兩省兩制秘書監上將軍觀察使以上

授官告敕牒者皆拜敕舞蹈若止授敕或宣頭者止

再拜餘官悉不拜敕不舞蹈惟御史大夫中丞拜授

東上閣門使又引至殿門外中籠門再拜親王節度

使相官告並載以綵輿迎歸第親王輿中設銀師子

香合輦官十二人並幘頭緋繡寬衣旌節各二馬四

爆稍官十六人執旌節攏馬對引由乾元門西偏門

出至門外馬技騎士五十人槍牌步兵六十人教坊

樂工六十五人及百戲蹴鞠鬪雞角觝次第迎引左

右軍巡使具軍容前導至本宮使相輿中用銀香鑪
輦官十二人金鷲帽錦絡縫紫絕寬衣旌節各一馬
二爆稍官八人馬技騎士二十人槍牌步兵二十四
人軍巡使不前導餘如親玉制有故則罷凡諫舍刺
史以上在外任加恩者悉令其親屬乘傳齋詔就以
告牒賜之政和禮局上册命親王大臣儀迄不果行

志卷第六十五

宋史一百十二

開府儀同三司程國錄軍國事節度使兼相監修國史領經筵事都總裁晏昢等奉
勅修

禮十五

嘉禮三

聖節
諸慶節

聖節建隆元年羣臣請以二月十六日為長春節正
月十七日於大相國寺建道場以祝壽至日上壽退
百僚詣寺行香尋詔今後長春節及諸慶節常參官
致仕官僧道百姓等毋得進奉太宗以十月七日為
乾明節復改為壽寧節真宗以十二月二日為承天

節其儀帝先御長春殿諸王上壽次樞密使副宣徽
三司使次使相次管軍節度使兩使留後觀察使次
節度使至觀察使次皇親任觀察使以下各上壽仍
以金酒器銀馬袖表爲獻既畢咸赴崇德殿序班宰
相率百官上壽賜酒三行皆用教坊樂賜衣一襲文
武羣臣方鎮州軍皆有貢禮前一月百官內職牧伯
各就佛寺修齋祝壽罷日以香賜之仍各設位賜上
尊酒及諸果百官兼賜教坊樂景德二年始令樞密
三司使副學士復赴百官齋會少卿監刺史以上及
近職一子賜恩僧道則賜紫衣師號禁屠輟刑仁宗

以四月十四日爲乾元節正月八日皇太后爲長寧
節詔定長寧節上壽儀太后垂簾崇政殿百官及契
丹使班庭下宰臣以下進奉上壽閣門使於殿上簾
外立侍百官再拜宰臣升殿跪進酒簾外內臣跪承
以入宰臣奏曰長寧節臣等不勝歡抃謹上千萬歲
壽復降再拜三稱萬歲內臣承旨宣曰得公等壽酒
與公等同喜咸再拜宰臣升殿內侍出簾外跪授虛
醖宰臣跪受降再拜舞蹈三稱萬歲內侍承旨宣羣
臣升殿再拜升陳進奉物當殿庭通事舍人稱宰臣
以下進奉客省使殿上喝進奉出內謁者監進第二

醖賜酒三行侍中奏禮畢皆再拜舞蹈太后還內百官詣內東門拜表稱賀其外命婦舊入內者卽入內上壽不入內者進表內侍引內命婦上壽次引外命婦如百官儀次日大宴英宗以正月三日爲壽聖節禮官奏故事聖節上壽親王樞密於長春殿宰臣百官於崇德殿天聖諒闇皆於崇政殿於是紫宸上壽羣臣升殿間飲獻一觴而退又一日賜宴於錫慶院神宗以熙寧元年四月十日爲同天節以宅憂罷上壽惟拜表稱賀明年親王樞密使管軍駙馬諸司使副詣垂拱殿宰臣百官大國使詣紫宸殿上壽命坐

賜酒三行不舉樂明年以大旱罷同天節上壽群臣赴東上閣門表賀中書門下言同天節上壽班自今樞密使副宣徽三司使殿前馬步軍副都指揮使以上共作一班進酒一醖親王宗室使相至觀察駙馬管軍觀察使以上皆赴紫宸殿依本班序立上壽更不赴垂拱殿蓋以管軍觀察使以上及親王駙馬並於垂拱殿以官序高下各班進酒畢而日晏外朝有班者仍詣紫宸殿議者以爲近瀆改焉而詔袒免以上宗婦聽班賀于禁中哲宗卽位詔以太皇太后七月十六日爲坤成節宰臣請以十二月八日爲興龍

節哲宗本七日生以避僖祖忌故後一日徽宗以十月十日爲天寧節定上壽儀皇帝御垂拱殿群臣通班起居畢分班從義郎以下醫官待詔等先退知引進司官一員讀奏目知東上閣門官一員奏進壽酒由東階升舍人通教坊使以下贊再拜奏聖躬萬福又再拜復位次看醖人稍前舍人贊再拜上殿祇候分東西兩陛立候進酒升殿次舍人引親王入殿庭北向立贊再拜班首奏萬福舍人引進奉西人列於親王後酒器檐床置馬前揖天武躬奏萬福進奉馬先出內侍進御茶床殿中監酌酒訖知東上閣門官

殿上躬奏親王某以下進壽酒舍人揖親王以下躬

贊再拜乃引親王二員升殿知東上閣門官引請御

坐前

舍人東階下西向立後準此

尚醖典御奉槃醖授班首搯笏

受槃醖西向立奉御啓醖親王一員搯笏注酒班首

奉詣御坐東進訖少退虛跪與以槃授典御退閣門

引降階舍人引當殿北向立東上贊拜與搯笏跪奉

表舍人接表一員在東餘詣親王西置表笏上授引

進知引進司官殿上讀奏目退親王以下俛伏與躬

舍人贊再拜引班首升東階餘殿下分立閣門引詣

御坐東北向搯笏尚醖典御如前奉槃立樂作皇帝

飲訖受醖復位再拜如上儀知引進司官詣折檻東
西向宣曰進奉收贊拜舞蹈又再拜西出親王以下
赴紫宸殿立班引進官宣進奉出天武奉進奉以出
閣門復立殿上教坊使贊送御酒又再拜教坊致語
訖贊再拜退次樞密官上壽次管軍觀察以上上壽
進奉並如儀內侍舉御茶床舍人贊教坊使以下謝
祇應再拜訖閣門側奏無公事皇帝赴紫宸殿後閣
受群臣上壽贊明三公以下百僚並於殿門外就次
東上閣門御史臺太常寺分引入詣殿庭東西立閣
門附內侍進班齊牌皇帝出閣禁衛諸班親從迎駕

自贊帝起居皇帝升坐鳴鞭禮直官通事舍人引三
公至執政官御史臺東上閣門分引百官並橫行北
向立典儀贊再拜舞蹈班首奏萬福又再拜訖分東
西立禮直官引殿中監少監升東階詣酒尊所稍西
南向西上立舍人揖教坊使以下通班大起居次看
醖人謝升殿贊再拜內侍進御茶床殿侍酌酒訖禮
直官通事舍人分引三公至執政官御史臺東上閣
門分引百僚並橫行北向立典儀贊再拜贊者承傳
在位官皆再拜禮直官通事舍人引上公升東階東
上閣門官接引升殿授醖啓醖如上儀上公詣御坐

宋史志卷之五十五
五
俛伏跪奏文武百僚上公具官臣某等稽首言天寧
令節臣等不勝大慶謹上千萬歲壽俛伏興退降階
舍人接引復位典儀贊再拜訖禮直官引知樞密院
官詣御坐前承旨退詣折檻稍東西向宣曰得公事
壽酒與公等內外同慶典儀贊拜如儀百官分東西
立禮直官通事舍人引上公升東階東上閣門官接
引詣御坐東搢笏殿中監授盤上公奉進御坐東北
向樂作皇帝飲訖閣門引接醴降復位典儀贊拜如
上儀宗室遙郡以下先退禮直官引樞密院官詣御
坐前承旨退詣折檻稍東宣曰宣群官升殿典儀贊

拜訖禮直官通事舍人分引三公以下升東階親王
使相以下升西階御史臺東上閣門分引祕書監以
下升兩朶殿并東西廊席後立尚醞典御以醴授殿
中監奉御啓醴殿中監西向立殿中少監以酒注于

醴

弟二弟
三準此

奉詣御坐前躬進訖少退舉盤西向立樂

作皇帝飲訖殿中監接醴退授奉御出笏復位通事
舍人分引殿上官橫行北向舍人贊再拜典儀曰再
拜贊者承傳皆再拜舍人贊就坐各立席後復受就
坐群官皆坐酒初行先宰臣次百官皆作樂尚食典
御奉御進食太官設群官食皇帝再舉酒群官興立

席後樂作飲訖舍人贊就坐再行群官酒皇帝三舉酒並如第二之儀酒三行舍人曰可起群官與立席後若宣示醖卽隨東上閣門官以下揖稱宣示醖躬贊就坐若宣勸卽立席後躬飲訖贊再拜內侍舉御茶床禮直官引左輔詣御坐前北向俛伏跪奏左輔具官臣某言禮畢俛伏興退復位禮直官通事舍人分引三公以下文武百僚降階橫行北向立樞密院官在親王後典儀贊再拜皆舞蹈再拜退靖康元年四月十三日太宰徐處仁等表請爲乾龍節至日皇帝卽百官詣龍德宮上壽卽本宮賜侍從官以上

宴建炎元年五月宰臣等上言請以五月二十一日爲天中節詔曰朕承祖宗遺澤獲託士民之上求所以扶危持顛之道未知攸濟念二聖鑾輿在遠萬民失業將士暴露夙夜痛悼寢食幾廢况以眇躬之故聞樂飲酒以自爲樂乎非惟深拂朕志實增感于朕心所有將來天中節百官上壽常禮可令寢罷至是止就佛寺啓散祝壽道場詣閣門或後殿拜表稱賀紹興十三年二月臣僚奏臣聞孝理天下者帝主之盛德歸美報上者臣子之至誠是皆因性自然發於觀感必各盡其至然後爲稱恭惟陛下撫艱難之運

憂勤在御兢兢業業圖濟中興孝德通于神明皇天
為之悔禍長樂還闕適嘗誕節之前陛下以天下養
獲伸宮闈上壽之儀臣民得於觀聽天下無不欣慶
所以崇大養而成孝理之功者既以盡善盡美矣陛
下誕聖佳辰乃臣子所願奉觴上壽以盡歸美之意
其可不舉而行之乎臣愚欲望將來天申節許令有
司舉行舊典至日百官得以奉萬年之觴仰祝聖壽
天下幸甚太常禮部討論每遇聖節樞密院以下先
詣垂拱殿上壽畢宰臣率百僚於紫宸殿上壽前一
月分日啓建道場至前一日樞密院官滿散依例作

齋筵至日三省官上壽立班訖次赴滿散作齋筵後
二日大宴於集英殿時命御文臺太常寺修立儀注
孝宗隆興元年太上皇帝天中節皇帝及宰臣文武
百僚詣德壽宮上壽是日以懿宗大祥前一日皇帝
起居如宮中儀百僚拜表稱賀乾道八年立皇太子
皇帝率皇太子及文武百僚詣德壽宮上壽前期儀
禮司陳設德壽宮殿門之內外設御坐於殿上當中
南向設入次於德壽宮門內南向小次於殿東廊西
向設皇帝褥位二一於御坐東南西向一於御坐之
南北向尚醞設御酒尊酒器於御坐之東有司又設

御茶床於御坐之西俱稍北其日文武百僚內不係
從駕者並先赴德壽宮門外以俟迎駕起居資明皇
帝服華袍出即御坐從駕正僚禁衛起居如常儀皇
帝降坐乘輦將至德壽宮文武百僚迎駕再拜起居
訖前導官太常卿閣門官太常博士禮直官先入詣
大次前分左右立定皇帝降輦入次御史臺閣門大
常寺分引皇太子并文武百僚入詣殿庭東西相向
立定前導官導皇帝入小次簾降皇太子并文武百
僚並橫行北向立太上皇帝出宮升御坐鳴鞭小次
簾捲前導官導皇帝入殿東階詣殿折檻前北向褥

位再拜躬奏聖躬萬福再拜皇帝詣太上皇帝御坐
之東褥位西向立前導官於殿上隨地之宜立次舍
人揖皇太子並文武百僚躬典儀曰再拜贊者承傳
在位官皆再拜搢笏舞蹈又再拜皇太子不離位奏
聖躬萬福各再拜直身分東西相向立禮直官引奉
盤醖官受盤醖官承旨宣答官奏禮畢殿中監少
監升殿內侍進御茶床尚醞典御以盤醖酒注授殿
中監少監次禮直官引奉盤醖官詣尊所北向殿中
監啓醖殿中少監注酒奉盤醖官奉酒詣皇帝前北
向禮直官引受盤醖官詣太上皇帝御坐前西向立

皇太子并文武百僚橫行北向立奉盤醖官躬進皇
帝皇帝奉酒前導官導皇帝詣太上皇帝御坐前躬
進訖少後以盤授盤醖官前導官導皇帝詣太上御
坐前褥位北向俛伏跪殿下皇太子并百僚皆躬身皇帝奏臣某
謹率文武百僚稽首言天申令節臣某與百僚等不
勝大慶謹上千萬歲壽奏訖伏興再拜在位官皆再
拜承旨宣答官宣曰得皇帝壽酒與皇帝并百僚內
外同慶皇帝再拜在位官皆再拜訖分東西相向立
皇帝詣御坐東西向立奉盤醖官以盤北向恭進皇
帝奉盤樂作俟太上皇帝飲酒皇帝躬接醖訖皇帝

少後以盤醖授受盤醖官以授殿中監各復位立皇
太子并文武百僚橫行北向皇帝詣褥位北向再拜
在位官皆再拜皇帝詣太上御坐東褥位西向立皇
太子文武百僚再拜稽筭舞蹈又再拜訖內侍舉茶
床奏禮畢官北向俛伏跪奏具官臣某言禮畢在位
官再拜太上皇帝駕興皇帝從入文武百僚以次退
淳熙二年十一月詔太上皇帝聖壽無疆新歲七十
以十一日冬至加上尊號冊寶十二月十七日立春
行慶壽禮是日早文武百僚並簪花赴文德殿立班
聽宣慶壽赦宣赦訖從駕至德壽宮行慶壽禮致詞

曰皇帝臣某言天祐君親錫茲難老惟春之吉年德加新臣某與羣臣等不勝大慶謹上千萬歲壽餘與前上壽儀注同禮畢從駕官應奉宮禁衛等並簪花從駕還內文武百僚文德殿拜表稱賀十年十二月以太上皇后新年七十詔以立春日行慶賀之禮十三年春正月朔以太上皇帝聖壽八十帝率羣臣詣德壽宮行禮其儀注恩赦並如淳熙二年典故孝宗以十月二十二日爲會慶節光宗以九月四日爲重明節寧宗以十月十九日爲天祐節尋改爲瑞慶節理宗以正月五日爲天基節度宗以四月九日爲乾

會節瀛國公以九月二十八日爲天瑞節其上壽稱賀之禮大畧皆如天申節儀

諸慶節古無是也真宗以後始有之大中祥符元年詔以正月三日天書降日爲天慶節休假五日兩京諸路州府軍監前七日建道場設醮斷屠宰節日士庶特令宴樂京師然燈又以六月六日爲天貺節京師斷屠宰百官行香上清宮又以七月一日聖祖降日爲先天節十二月二十四日降延恩殿日爲降聖節休假宴樂並如天慶節中書親王節度樞密三司以下至駙馬都尉詣長春殿進金縷延壽帶金絲續

命縷上保生壽酒改御崇德殿賜百官飲如聖節儀
前一日以金縷延壽帶金塗銀結續命縷緋綵羅延
壽帶綵絲續命縷分賜百官節日戴以入禮畢宴百
官於錫慶院天禧初詔以大中祥符元年四月一日
天書再降內中功德閣爲天禎節一如天貺節尋以
仁宗嫌名改爲天祺節政和三年十一月五日以修
祀事天真示見詔爲天應節又以五月十二日祭方
丘日爲寧貺節旣又以二月十五日大上混元上德
皇帝降聖日爲真元節八月九日青華帝君生辰爲
元成節正月四日有太祖神御之州府宮殿行香爲

開基節十月二十五日爲天符節皆如天慶節著爲
令高宗建炎元年十一月五日詔政和以來添置諸
節除開基節外餘並依祖宗法

志卷第六十五

宋史志卷六十五

志卷第六十六

宋史一百十三

開府儀同三司柱國錄軍國重事前中書右丞相監修國史領經筵事都總裁臣脫等奉
勅修

禮十六

嘉禮四

宴饗
賜餼

游觀

宴饗之設所以訓恭儉示惠慈也宋制嘗以春秋之季仲及聖節郊祀籍田禮畢巡幸還京凡國有大慶皆大宴遇大災大札則罷天聖後大宴率於集英殿次宴紫宸殿小宴垂拱殿若特旨則不拘常制凡大宴有司預於殿庭設山樓排場為羣僊隊仗六番進

貢九龍五鳳之狀司天雞唱樓於其側殿上陳錦繡
 帷帘垂香毬設銀香獸前檻內藉以文茵設御茶床
 酒器於殿東北楹間羣臣酸竿於殿下幕屋設宰相
 使相樞密使知樞密院參知政事樞密副使同知樞
 密院宣徽使三師三公僕射尚書丞郎學士直學士
 御史大夫中丞三司使給諫舍人節度使兩使留後
 觀察團練使待制宗室遙郡團練使刺史上將軍統
 軍軍廂指揮使坐於殿上文武四品以上知雜御史
 郎中郎將禁軍都虞候坐於朵殿自餘升朝官諸軍
 副都頭以上諸蕃進奉使諸道進奉將軍以上分於

兩廡宰臣使相坐以繡墩曲宴行幸用枕子參知政事以下

用二蒲墩加罽毼曲宴樞密使副並同軍都指揮使以上用一

蒲墩自朵殿而下皆緋緣氈條席殿上器用金餘以

銀其日樞密使以下先起居訖當侍立者升殿宰相

率百官入宣徽閣門通唱致辭謝宰相升殿進酒各

就坐酒九行每上舉酒羣臣立侍次宰相次百官舉

酒或傳旨命醕卽搢笏起飲再拜曲宴多或不拜或上壽朝

會止令滿酌不勸中飲更衣賜花有差宴訖蹈舞拜

謝而退建隆元年大宴於廣德殿酒九行而罷乾德

元年十一月南郊禮成大宴廣德殿謂之飲福是後

三年開寶三年五年六年七年八年並設秋宴于大明殿以長春節在二月故也太平興國之後止設春宴在大明者十一在含光者六宴日親王樞密使副宣徽三司使駙馬都尉皆侍立軍校自龍武四廂都指揮使以上立於庭其宴契丹使亦於崇德殿但近臣及刺史郎中而上預焉淳化四年正月以南郊禮成大宴含光殿直史館陳靖上言古之饗宴者所以省禍福而觀威儀也故宴以禮成賓以賢序風雅之作茲為盛焉伏見近年內殿賜宴羣臣當坐於朵殿兩廊者拜舞方畢趨馳就席品列之序糾紛無別及

飲於去聲
原也勉也

至尊舉爵時臣起立先後不整俯仰失節欲望自今令有司預依品位告諭其有踰越班次拜起失節喧嘩過甚者並令糾舉又惟飲賜之典以寵武夫大烹之餘故為盛饌計一飯所費可數人之屬獻而將校輩或至終宴之時尚有欲炙之色蓋執事者失於察視不及潔豐而使然也伏望並申嚴制至道元年三月御史中丞李昌齡亦言廣宴之設以均飲賜得茲高會重平盡禮而有位之士鮮克致恭當糾其不恪又供事禁庭當定自數籍姓名以謹其出入酒般之司或虧精潔望分命中使巡察並從之咸平二年二

月大宴含光殿自是始備設春秋大宴五年御史臺
言大宴起居舍人司諫正言三院使御史並坐于殿
廊望自今移升朵殿自餘依舊十二月詔凡內宴宗
正卿令升殿坐班次依合班儀翰林學士梁顥請以
春秋大宴小宴賞花行幸次為四圍頌下閣門遵守
從之景德二年九月詔曰朝會陳儀衣冠就列將以
訓上下彰文物宜慎等威用符紀律况屢頒於條令
宜自顧於典刑稍歷歲時漸成懈慢特申明制以儆
具僚自今宴會宜令御史臺預定位次各令端肅不
得誼譁違者殿上委大天中丞示殿變知雜御史侍

御史廊下委左右巡使察視彈奏內職殿直以上赴
起居入殿庭行私禮者委閣門彈奏其軍員令殿前
侍衛司差都校一人提轄但虧失禮容即送所屬
勘斷訖奏仍令閣門宣徽使互相察舉敢蔽匿者糾
之大中祥符元年十二月詔宣徽院御史臺閣門殿
前馬步軍司凡內宴百僚軍員并祇候使臣等並以
前後儀制曉諭務令遵稟違者家具名聞其軍員有
因酒言詞失次及醉仆者即先扶出或遣殿前司重
添巡檢軍士護送歸營又詔臣僚有託故請假不赴
宴者御史臺糾奏天禧四年直集賢院祖士衡言大

宴將更衣時臣下默然後又更衣後再坐則群臣班于殿庭候上升坐起居謝賜花再拜升殿仁宗天聖三年監察御史朱諫言伏見大宴宗室先退允為得禮尚有文武臣僚父子兄弟者皆預再坐欲望身今內宴百官有父子兄弟叔姪同坐再坐時卑者先退慶曆七年御史言此預大宴并御筵其所賜花並須戴歸私第不得更令僕從持戴違者糾舉熙寧二年正月閤門言準詔祇定某殿宴入殿人數中書二十二入樞密院三十一入宣徽院八人親土八人昭德軍御亦使兼侍中曹侂二人皇親使相三人皇親

正刺史已上至節度使并駙馬都尉各一人翰林司一百七十八人御厨六百人儀鸞司一百五十人祇候庫二十人內衣物庫七人新衣庫七人內弓箭庫三人鈴轄教坊所三人鐘鼓樓一十六人御藥院八人內物料庫九人法酉庫一十六人內酒坊八人內內侍省前後行親事官共五人皇城司職員手分二人御史臺知班一十一人灑掃親從官人員已下一百人兩廊覲步親從官四十二人提舉司勾押官手分三人提舉火燭巡檢人員一十人快行親從官一十一人支散兩省花後院造作所工匠等四人客

省承授行首八人四方館職掌二人閤門承受行首
已下一十八人是歲十一月以皇子生宴集英殿七
年九月詔自今大宴親王皇親使相樞密使副使宣
徽使駙馬都尉並於殿門外幕次就賜酒食舊制會
食集英西廊之廡下喧卑爲甚權發遣宣徽院吳克
奏其事故有是命元豐七年二月大宴集英殿命皇
子延安郡王侍立宰相王珪等率百官廷賀詔曰皇
家慶事與卿等同之珪等再拜稱謝久之王乃退時
王未出閤帝持令侍宴以見羣臣九年閤門言大宴
不用兩軍妓女只用教坊小兒之舞王拱辰請以女

童代之八年詔罷獨看故事大宴前一日御殿閱百
戲謂之獨看。修國史范祖禹言是日進神宗紀草。陛
下覽先帝史冊甫畢。卽觀百戲。理似未安。故請罷之。
元祐二年九月經筵講論語徹章賜宰臣執政經筵
官宴于東宮帝親書唐人詩分賜之三年六月罷春
宴八月罷秋宴以魏王出殯翰林學士蘇軾不進教
坊致語故也是後以時雨未足集英殿試舉人尚書
省火禁中祈禳邠國公主未敢皆罷宴凡大宴有故
而罷則賜預宴官酒饌于閤門朝堂升殿官雖假故
不從游宴亦遣中使就第賜馬親王中書樞密宣徽

三司使副學士步軍都虞候以上三師三公東宮三師三公以下曾任中書門下致仕者亦同凡外國使預宴者祥符中宴崇德殿夏使於西廊南赴坐交使以次歇空進奉押衙次交州契丹舍利從人則於東廊南赴坐四年又升甘州交州於朶殿夏州押衙於東廊南頭歇空坐七年龜茲進奉人使歇空坐於契丹舍利之下其後又令龜茲使副於西廊南赴坐進奉押衙重行於後瓜州沙州使副亦於西廊之南赴坐其餘大略以是爲準大觀三年議禮局上集英殿春秋大宴儀其日預宴文武百官詣殿庭東西相向

立皇帝出御需雲殿閣門內侍管軍等起居皇帝降坐御集英殿鳴鞭殿中監已下通班起居殿中監少監升殿通喚閣門官升殿攝左右軍巡使鞞笏起居訖繫鞵執杖侍立餘非應奉官分出次鐘鼓樓節級就位四拜起居次舍人通喚訖分引羣官橫行北向東上閣門官贊大起居班首出班俛伏跪致辭訖俛伏興復位羣官再拜舞蹈又再拜贊各就坐再拜舍人分引升殿席前相向立朶殿兩廡官立於席後有遼使則舍人引大遼舍利西入大起居贊各就坐贊再拜贊就坐引升西廊次舍人傳事引從人分入四

拜起居謝坐並同舍利儀教坊使以下通班大起居
看酸人謝升殿再拜內侍進御茶床殿侍酌酒訖次
贊天武門外祇候東上閣門官詣御坐奏班首姓名
以下進酒舍人分引殿上臣僚橫行北向贊再拜舍
人引班首稍前東上閣門官接引詣御坐東北向搢
笏殿中監奉盤酸授班首少監啓酸以酒注之班首
奉詣御前進訖少退虛跪興以樂授殿中監出笏東
上閣門官引退舍人接引復位贊再拜舍人引班首
稍前殿上臣僚席前相向立東上閣門官接引詣御
坐東北向搢笏殿中監授樂奉詣御前西向立樂作

皇帝飲訖舍人分引殿上臣僚橫行北向東上閣門
引班首接酸退虛跪興授酸殿中監出笏引退舍人
接引復位贊再拜贊各賜酒羣臣再拜贊各就坐羣
官皆立席後復贊就坐酒初行羣官搢笏受酒先宰
相次百官皆作樂皇帝再舉酒

並殿中監
少監進

羣臣俱立

席後樂作飲訖贊各就坐復行羣臣酒飲訖皇帝三
舉酒皆如第一之儀尚食典奉御進食太官設羣臣
食樂作賜祇應臣僚酒食贊謝拜訖復位皇帝四舉
酒

並典御
進酒

樂工致語羣官皆立席後致語訖贊百官

再拜就坐樂作皇帝五舉酒樂工奏樂庭下舞隊致

詞樂作舞隊出東上閣門奏再坐時刻俟放隊訖內侍舉御茶床皇帝降坐鳴鞭羣臣退賜花再坐前二刻御史臺東上閣門催班羣官戴花北向立內侍進班齊牌皇帝詣集英殿百官謝花再拜又再拜就坐內侍進御茶床皇帝舉酒殿上奏樂庭下作樂皇帝再舉酒殿上奏樂庭下舞隊前致語樂作出皇帝三舉酒四舉酒皆如上儀若宣示醖卽隨所向閣門官以下揖稱宣示醖躬贊就坐若宣勸卽立席後躬飲訖贊再拜內侍舉御茶床舍人引班首以下降階再拜舞蹈又再拜訖分班出閣門官側奏無公事皇帝

降坐鳴鞭集英殿飲福太宴儀初大札畢皇帝逐頓飲福酒封進入內宴日降出酒旣三行泛賜預坐臣僚飲福酒各一醖群臣飲訖宣勸各興享席後贊再拜謝訖復坐飲並如春秋大宴之儀紹興十三年三月三日詔宴殿陳設不用緋黃一色不用文繡令有司遵守更不創造五月閣門修立集英殿大宴儀注乾道八年十二月詔今後前宰相到闕如遇赴宴賜茶其合坐墩杌非持旨並依官品又行門禁衛諸色祇應人依紹興例並賜緇袍自是惟正旦生辰郊祀及金使見辭各有宴然人宴視東京時則亦簡矣曲宴凡幸苑囿池籞觀稼畝獵所

至設宴惟從官預謂之曲宴或宴大遼使副于紫宸殿則近臣及刺史正郎都虞候以上預暮春後苑賞花釣魚則三館秘閣皆預太祖建隆元年七月親征澤潞宴從臣于河陽行宮又宴韓令坤已下於禮賓講武殿賜襲衣器幣鞍馬以賞澤潞之功也四年四月宴從臣於玉津園乾德三年七月六日詔皇弟封尹宰相樞密使翰林學士中書舍人泛舟後苑新池張樂宴飲極歡而罷是歲重陽宴近臣於下春殿太宗太平興國九年三月十五日詔宰相近臣宜負花於後苑帝曰春氣暄和萬物暢茂四方無事朕以天下之樂為樂宜令侍從詞臣

各賦詩帝習射于水心殿雍熙二年四月二日詔輔臣三司使翰林樞密直學士尚書省四品兩省五品以上三館學士宴于後苑賞花釣魚張樂賜飲命群臣賦詩習射賞花曲宴自此始三年十二月一日大雨雪帝喜御玉華殿詔宰臣及近臣謂曰春夏以來未嘗飲酒今得此嘉雪思與卿等同醉又出御製雪詩令侍臣屬和後凡曲宴不盡載真宗咸平元年二月二十二日宴羣臣于崇德殿不作樂二年八月七日再宴用樂二月晦賞花宴于後苑帝作中春賞花釣魚詩儒臣皆賦遂射于水殿盡歡而罷自是遂為

定制四年十一月二十日御龍圖閣曲宴詔近臣觀
太宗草行飛白篆籀八分書及畫景德二年十二月
五日宴尚書省五品諸軍都指揮使以上契丹使于
崇德殿不舉樂以明德太后喪制故也時契丹初來
賀承天節擇膳夫五人齎本國異味就尚食局造食
詔賜膳夫衣服銀帶器帛六年七月二十九日詔輔
臣觀粟于後苑御山子觀御製文閣御書及嘉禾圖
賜飲是日皇子從游四年七月十一日詔近臣及宗
準馮拯觀內苑穀遂宴于玉宸殿十月二十九日詔
皇太子宗室近臣諸帥赴玉宸殿翠芳亭觀稻熟宴

仍以稻分賜之仁宗天聖二年既禳除百官五表請
聽樂而秋燕用樂之半詔輔臣曰昨日宴宮中朕數
四上勉皇太后聽樂王欽若以聞太后太后曰自先
帝棄天下吾終身不欲聽樂皇帝再三為請其可重
違乎明年上元節乃朝謁景靈上清宮啓聖院相國
寺還御正陽門宴從官觀燈次日太后召命婦臨觀
及春秋大宴歲為常夏觀南御莊刈麥秋瑞聖園刈
穀並宴從官或射不為常皇祐五年後苑寶政殿刈
麥謂輔臣曰朕新作此殿不欲植花歲以種麥庶知
穡事不易也自是幸觀穀麥惟就後苑春夏賞花鈞

魚則歲爲之嘉靖七年十二月特召兩府近臣三司副使臺諫官皇子宗室駙馬都尉管軍臣僚至龍圖天章閣觀三聖御書及寶文閣爲飛白分賜下逮館閣官製觀書詩賜韓琦以下和進遂宴羣玉殿傳詔學士王珪撰詩序刊石于閣數日再會天章閣觀三朝瑞物復宴羣玉殿酒行上曰天下久無事今日之樂與卿等共之宜盡醉勿復辭因召韓琦至御場前別賜一大卮出禁中名花金盤貯香藥令各待歸莫不霑醉至暮而罷熙寧元年四月御史中丞滕甫言臣聞君命召不俟駕此臣子所以恭其上也今錫宴

而有託詞不至者甚非恭上之節也請自今宴設羣臣非大故與實有疾病無得託詞仍令御史臺察舉二年八月實錄書成皆宴垂拱殿十月修定閣門儀制所言垂拱殿曲宴當直翰林學士與觀文資政龍圖寶文樞密直龍圖天章寶文閣直學士並赴坐而翰林學士兼他職者不預考之官制似未齊一請自今曲宴翰林學士與雜學士並赴從之元豐五年七月以兩朝國史書成宴于垂拱殿十一月宴景靈宮祠官于紫宸殿元祐二年九月經筵講論語徹章賜宰臣執政經筵官宴于東宮帝親書唐人詩賜之紹

聖三年十一月以進神宗皇帝實錄異曲宴宰臣執政
文臣試侍郎武臣觀察使以上并修國史官赴坐元
符元年五月詔受寶畢宴于紫宸殿宰臣以下文臣
職事官六曹員外郎監察御史以上武臣郎將諸軍
副指揮使以上預坐政和二年三月上巳御筵紹令
移用他日以國有故宰臣請罷宴故也大觀三年議
禮局上垂拱殿曲宴儀皇帝視事畢東上閣門進呈
坐圖舍人奏閣門無公事皇帝降坐鳴鞭入殿後閣
諸司排設備東上閣門附內侍奏班齊皇帝出閣升
坐鳴鞭三公直學士以上親王使相至觀察使以上

分東西入詣殿庭橫行北向立定班首奏聖躬萬福
舍人贊各就坐再拜訖分引詣東西階升殿帝前相
向立次教坊使以下常起居次肴醜人謝升殿次內
侍進御茶床殿侍酌酒訖閣門詣御坐躬奏班首姓
名以下進酒舍人分引殿上臣僚橫行北向贊再拜
班首奉酒躬進樂作皇帝飲訖舍人贊各賜酒群官
俱再拜贊各就坐群官皆立席後復贊就坐酒初待
先宰相次百官皆作樂出後集尚食興奉御進食太官
令設群官食酒五行若宣示醜即隨所向閣門揖稱
宣示醜躬贊就坐若宣勸即立席後躬飲贊再拜內

侍舉御茶床舍人引班首以下降階橫行北向再拜
分班出皇帝降坐上巳重陽賜宴儀其日預宴官以
下並赴宴所就次諸司排設備預宴官以下詣庭中
望闕位立次中使詣班首之左稍前立中使宣曰有
敕在位官皆再拜訖中使宣曰賜卿等御筵在位官
皆再拜搢笏舞蹈又再拜中使退預宴官分東西升
階就坐酒行樂作飲訖食畢樂止酒五行預宴官並
興就次賜花有差少頃戴花畢與宴官詣望闕位立
謝花再拜訖復升就坐酒行樂作飲訖食畢樂止酒
四行而退

游觀天子歲時游豫則上元幸集禧觀相國寺街宣
德門觀燈首夏幸金明池觀水嬉瓊林苑宴射大祀
禮成則幸太一宮集禧觀相國寺恭謝或詣諸寺觀
焚香或至近郊閱武觀稼其事蓋不一焉太祖建隆
元年四月幸玉津園是後凡十三臨幸九月幸宜春
苑是後觀習水戰者二十有八幸太相國寺封禪寺
者各五龍興寺及皇弟開封尹園各三幸太清觀建
隆觀者再宗夏寺廣化寺等覺寺者各一觀水磴者
八閱砲車觀水櫃觀稼幸地龍院幸開封府幸都亭
驛幸禮賢院幸茶庫染院幸河倉幸金鳳園皆一再

至馬太宗太平興國二年二月幸新鑿池賜後卒錢
布有差六月幸飛龍院是後凡四幸三年四月觀刈
麥九年正月六日幸景龍門外水碓帝臨水而坐召
從臣觀之因謂曰此水出於山源清澄其潔近河之
地水味皆甘豈河潤所及乎宋琪等曰亦猶人性善
惡染習致然帝曰卿言是也四月幸金明池習水戰
帝御水殿召近臣觀之謂宰相曰水戰南方之事也
今其地已定不復施用時習之示不忘戰耳因幸講
武臺閱諸軍都試軍中之技者選加賜賚遂登瓊
林苑樓陳百戲擲金錢令衆人爭之極歡而罷五月

二日出南薰門觀稼召從官列坐田中令民刈麥咸
賜以錢帛回幸玉津園觀漁張樂習射既宴而歸明
年五月幸城南觀麥賜田夫布帛有差雍熙四年四
月幸金明池觀水嬉賜從官飲帝曰雨霽天涼中外
無事宜勿惜醉因登苑中樓盡歡而罷淳化三年三
月幸金明池命爲競渡之戲擲銀甌於波間令人泅
波取之因御船奏教坊樂岸上都人縱觀者萬計帝
顧視高年皓首者就賜白金器皿九月幸潛龍園駐
輦池東岸臨水謂近臣曰朕不至此已十年昔尹京
日無事常痛飲池上今池邊之木已成林矣因顧教

坊使郭守忠等數人曰汝等前日以樂童從我今亦
皓首光陰迅速如此嗟嘆久之帝親引滿舉白群臣
盡醉真宗咸平元年八月幸諸王宮二年九月幸開
寶寺福聖院是後二寺臨幸者凡十有四三年五月
幸金明池觀水戲揚旗鳴鼓分左右翼植木繫綵以
爲標識方舟疾進先至者賜之移幸瓊林苑登露臺
鈞容直奏樂臺下百戲競集從臣皆醉自是凡四臨
幸九月幸大相國寺是後再幸者九幸上清宮者十
有二幸玉津園者十幸太一宮玉清昭應宮各六餘
不盡載大中祥符八年正月十九日中書門下上言

伏覩今月十四日皇帝詣諸宮寺焚香總三十餘處
過百拜以上臣等待從倍增憂灼昨崇政殿已面奏
陳臣聞尊事萬靈固先精意登用百禮乃貴時中在
經久之從宜必裁正而惟允伏望特命攸司載詳定
式自今車駕幸諸宮觀寺院正殿再拜及諸殿令群
臣以下分拜庶垂億載允叶通規乃詔禮儀院詳定
差減馬仁宗景祐三年詔閣門詳定車駕幸宮觀寺
院支賜茶絹等第哲宗紹聖四年三月八日詔自今
遇車駕出新城令殿前馬步軍司取旨權差馬步軍
赴新城外四面巡檢下祇應每壁馬軍二百人步軍

三百人並於城外巡警

三元觀燈本起於方外之說。自唐以後常於正月望夜開坊市門然燈。宋因之。上元前後各一日城中張燈。大內正門結綵爲山樓影。燈起露臺教坊陳百戲。天子先幸寺觀行香。遂銜樓或御東華門及東西角樓飲。從臣四夷蕃客各依本國歌舞列於樓下。東華左右掖門東西角樓城門大道大宮觀寺院悉起山棚張樂陳燈。皇城雉堞亦徧設之。其夕開舊城門。達旦縱士民觀。後增至十七十八夜。太祖建隆二年上元節御門德門樓觀燈。召宰相樞密宣徽三司使端

明翰林樞密直學士兩省五品以上宮見任前任節度觀察使飲宴。江南吳越朝貢使預焉。四夷蕃客列坐樓下。賜酒食勞之夜分而罷。三年正月十三夜然燈。罷內前排場。戲樂以昭憲皇太后喪制故也。太平興國二年七月中元節御東角樓觀燈。賜從官宴飲。五年十月下元節依中元例張燈。三夜。雍熙五年上元節不觀燈。躬耕籍田故也。後凡遇用兵及災變諸臣之喪皆罷。真宗景德元年正月十四日賜大食三佛齋。蒲端諸國進奉使緡錢令觀燈。宴飲大中祥符元年十一月二十五日詔天慶節聽京城然燈一晝。

夜六年四月十六日先天降聖節亦如之天聖二年
六月罷降聖節然燈政和三年正月詔放燈五日五
年十二月二十九日詔景龍門預為元夕之具實欲
觀民風察時態備飾太平增先樂國非徒以遊豫為
事特賜公師宴執以下宴及御製詩四韻賜太師蔡
京六年正月七日御筆今歲閏餘候晚猶未春和暑
短氣寒於宴集無舒緩之樂景靈宮朝獻移十四日
東宮十五日西宮廿三日詣上清儲祥宮燒香十六日詣
醴泉觀等處燒香上元節移於閏正月十四日為始
宣和六年十二月二日四日賜太師蔡京以下應兩

府赴齋謨殿宴景龍門觀燈續有旨宣太傅王黼赴
宴七年正月十八日宴輔臣觀燈

賜酺自秦始皇三入以上會飲則罰金故因事賜
酺吏民會飲過則禁之唐嘗一再舉行太宗雍熙元
年十二月詔曰王者賜酺推恩與眾共樂所以表升平
之盛事契稷兆之歡心累朝以來此事久廢蓋邇及
故莫舉舊章今四海混同萬民康泰嚴裡始畢慶澤
均行宜令士庶之情共慶休明之運可賜酺三日二
十一日御丹鳳樓觀酺召侍臣賜飲自樓前至朱雀
門張樂作山車旱船往來御道又集開封府諸縣及

諸軍樂人列於御街音樂雜發觀者溢道縱士庶遊
觀遊市肆百貨於道之左右召畿甸耆老列坐樓下
賜之酒食明日賜群臣宴於尚書省仍作詩以賜明
日又宴群臣獻歌詩賦頌者數十人真宗景德三年
九月詔許群臣士庶選勝宴樂御史臺皇城司毋得
糾察四年二月甲申上御五鳳樓觀酺宗室近臣侍
坐樓前露台奏教坊樂召父老五百人列坐賜飲於
樓下後二日上復御樓賜宗室文武百官宴於都亭
驛賜諸班諸軍將校羊酒大羊祥符元年正月詔應
致仕官並令赴都亭驛酺宴御樓日合預坐者亦聽

又詔朝臣已辭未見並聽赴會凡賜酺命內諸司使
三人主其事於乾元樓前露臺上設教坊樂又駢繫
方車四十乘上起綵樓者二分載釣容直開封復為
棚車二十四每十二乘為之皆駕以牛被之錦繡縈
以綵綉分載諸軍京畿伎樂又於中衢編木為欄處
之徙坊市所肆對列御道百貨駢布競以綵幄鏤版
為飾上御乾元門召京邑父老分番列坐樓下傳旨
問安否賜以衣服茶帛若五日則第一日近臣侍坐
特召丞郎給諫上舉觴教坊樂作二大車自昇平橋
而此又有旱船四桼之以進輜車由東西街交鶩並

往復日再馬東距望春門西連閭闔門百戲競作歌
吹騰沸宗室親王近列牧伯洎舊臣宗室官為設絲
棚於左右廊庶士庶縱觀車騎填溢歡呼震動第二
日宴群臣百官於都亭驛宗室於親王宮第三日宴
宗室內職於都亭驛近臣於宰相第第四日宴百官
於都亭驛宗室於外苑第五日復宴宗室內職於都
亭驛近臣於外苑上多作詩賜令屬和及別為勸酒
詩禁軍將校口會於殿前馬步軍之解是歲東封泰
山所過州府上御子城門樓設山車絲船載樂從臣
侍坐本州父老進奉使蕃客悉預兖州駐蹕仍賜拜

臣會於延壽寺所存改賜門名兖州曰回鑿覃慶鄆
州曰升中延福濮州曰告成延慶澶州以行宮迫隘
當得結紱為殿名曰地禧幸汾陰亳州皆如東封路
河中府所名曰詔畢宣恩陝州曰需澤惠民鄭州曰
回鑿慶賜西京將議次五鳳樓名上曰此太祖所建
因瑞應不可更也華陰就行宮宴父老賜驛亭名曰
宣澤至鄭州以太宗忌日甫過罷會賜與如列亳州
曰奉元均慶南京曰重熙頌慶天禧五年以畿縣追
集老人疲勞之故止召兩赤縣父老預會其不
預名亦聽給以賜物天下賜酺名令州府會官屬父

老逸州或遣中使就賜又詔開封府賜酺日罪人酌酒而不傷人者咸釋之再犯論如法後賜酺皆準此宋之繁庶於斯為盛後遂為定制云

志卷第六十七

宋史一百十四

開府儀同三司柱國錄軍國重事尚書右丞相兼樞密使領經筵事都總裁脫脫等奉勅修

禮十七 嘉禮五

巡幸 養老 賜進士宴 幸祕書省 大射儀 鄉飲酒禮

巡幸之制唐開元禮有告至肆覲考制度之儀開寶通禮因之太祖幸西京所過賜夏秋田租之半真宗朝諸陵及舉大禮塗中皆服折上巾窄袍出京過京城服鞞袍具鸞駕羣臣公服繫鞵供奉班及內朝官

前導凡從官並日赴行宮合班起居晚朝視事羣臣
不赴中頓侍食百官就宿頓迎駕訖先發或道塗隘
遠則免迎駕將進發近臣諸軍賜裝錢出京留司馬
步諸軍夾道左至新城門外奉辭留守辭於門內百
官父老辭於苑前召留守等賜飲苑中州縣長吏留
司官待于境所過賜巡警兵守津梁行郵治道卒時
服錢履父老綾袍茶帛塗中賜衛士緡錢所幸寺觀
賜道釋茶帛或加紫衣師號吏民有以饗餼酒果方
物獻者計直答之命官籍所過繫囚逋負者日引對
多原釋仍採訪民間疾苦振恤鰥寡孤獨車服度量

權衡有不如法則舉儀制禁之有奇材異德及政事
尤異者老子順孫義天節婦為鄉里所稱者其不守
廉隅昧於正理者並錄劄以聞官吏知民間疾苦者
亦許錄奏所過州府結綵為樓陳音樂百戲道釋以
威儀奉迎行悉有賜東京留守遣官表請還京優詔
答之為還京大陳兵衛以入凡行幸太祖太宗不常
其數自咸平中車駕出金吾將軍帥士二百人執
趨周遶謂之禁圍春夏雜衣袂冬紮衣郊祀省方並
增二百服並換出京即則加執劍親王中書樞密宣
徽行周內餘官圍外大禮備儀衛則有司先布土為

黃道自宮至祀所左右設香臺畫籠青繩闌干地鋪
則不尾巡省翰苑連號傳詩付樞密院每文捕字令
衛士相應為識東方雋城城門西京皇城司並契勘
內外城宮廟門並勘箭出入皆然潘鎮外城子城
門亦勘箭朝陵定處從官人數入宿城者僕射以上
三人丞郎以上二人餘各一人東封定伏內導駕官
從人數親王中書樞密宣徽三司使四人學士尚書
丞郎節度使二人大兩省大卿監三司副使樞密承
旨客省閤門使副金吾八將軍押隊鳴珂內殿崇班
以上二人餘各一人命諸司巡察之自後舉大禮皆

循此制建炎元年七月詔曰祖宗都汴垂二百年比
年以來圖慮弗臧禍生所忽肆朕纂承顧瞻宮室何
以為懷是用權時之宜法古巡狩駐蹕近甸號召軍
馬朕將親督六師以援京城及河北河東諸路與之
次戰歸宅故都迎還二聖以稱朕夙夜憂勤之意十
月一日車駕登舟巡幸淮甸宰執侍從百司三衙禁
旅五軍將佐扈衛以行駐蹕揚州二年幸杭州自杭
州幸江寧府尋幸浙西自浙西幸浙東乃下詔曰國
家遭金人侵逼無歲無兵朕纂承以來深軫念意謂
父兄在難而吾民未撫不欲使之陷於鋒鏑故包羞

忍耻爲退避之謀。冀其逞志而歸。稍得休息。自南京移淮甸。自淮甸移建康。而會稽播遷之遠。極于海隅。卑詞厚禮。使介相望。以至願去尊稱。甘心貶屈。請用正朔。比於藩臣。遣使哀祈。無不曲盡。假使金石無情。亦當少動。累年卑屈。卒未見從。生民嗷嗷。何時寧息。今諸路之兵。聚於江淞之間。朕不憚親行。據其要害。如金人尚容朕爲汝兵民之主。則朕於事大之禮。敢有不恭。或必用兵。窺我行在。傾我宗社。塗炭生靈。竭取東西金帛子女。則朕亦何愛一身。不臨行陣。以踐前言。以保羣生。朕已取十一月二十五日移蹕前去。

浙西爲迎敵計。惟我將士人民。念國家涵養之恩。聖拘縻之辱。悼殺戮焚殘之禍。與其束手待斃。曷若并計合謀。同心戮力。奮勵而前。以存家國。乃詔御前。應奉官司。自合扈從。外內太常寺。據實用人數。扈從餘。接續起發。四年正月。次台州。二月。次温州。三月。幸浙西。紹興元年。詔移蹕臨安府。六年。詔周視軍師車。駕進發。遣官奏告天地社稷宗廟。自臨安幸平江。尋幸建康。八年二月。還臨安。三十一年九月。詔金人背盟失信。今率精兵百萬。躬行天討。用十二月十日車。駕進發。應行宮臨安府文武百僚。城北奉辭。其日應。

文武百僚先詣城北幕次俟車駕御舟將至御史臺
閣門太常寺分引文武百僚立班定兩拜訖俟御舟
過班退三十二年正月詔視師江上北騎遁去兩淮
無警已委重臣統護諸將經畫進討今暫還臨安畢
恭文祔廟之禮宜令有司增修建康百官吏舍諸軍
營砦以備往來巡幸可擇日進發車駕還宮

養老於太學皇帝服通天冠絳紗袍乘金輅至太學
酌獻文宣王三祭酒再拜歸御幄北車駕初出量時刻
遣使迎三老五更於其第三老五更俱服朝服乘安車
導從至太學就次國老庶老有司預戒之各服朝服集

於其次大樂正帥工人二舞入立於庭東上閣門御
文臺太常寺容省四方館自下分引百官宗室客使
學生等以次入就位如視學班太常博士贊三老五
更俱出次引國老庶老立於後重行異位禮直官通
事舍人引左輔奏請中嚴少頃又奏外辦皇帝出大
次侍衛如常儀大樂正令撞黃鐘之鐘右五鐘皆應
協律郎跪俛伏舉麾興宮架乾安之樂作皇帝即御
坐樂止典儀曰再拜在位官皆再拜三老五更杖而
入各左右二人夾扶太常博士前引史臣執筆以從
三老五更入門宮架和安之樂作至宮架北北向立

以東為上奉禮卽引群老隨入位於其後樂上博士
揖三老在前五更在後仍杖夾扶宮架和安之樂
作至西階下樂止博士揖三老五更自西階升堂國
老庶老立堂下三老五更當御坐揖群老亦揖皇帝
為興次奉禮卽揖國老升堂博士引三老五更奉禮
卽引國老以下各於席後立典儀贊各就坐贊者承
傳宮架尊安之樂作三老五更就坐三公授几九卿
正履訖殿中監尚食奉御進珍羞及黍稷等先詣御
坐前進呈遂設於三老前樂止尚食奉御詣三老坐
前執醬而饋訖尚醞奉御請酒尊所取爵酌酒奉御

執爵奉於三老次太官良醞令以次進珍羞酒食於
五更群老之前皆食大樂正引工人升登歌奏惠安
之樂三終史臣既錄三老所論善言善行宮架作申
安之樂憲言成福之舞畢文舞退作受成告功之舞
畢三老以下降筵博士引三老五更於堂下當御坐
前奉禮卽引群老復位俱揖皇帝為興三老五更降
階至堂下宮架和安之樂作出門樂止禮直官通事
舍人引左輔前奏禮畢退復位典儀贊拜訖皇帝降
坐太常卿導還大次百僚以次退車駕還宮三老五
更升安車導從還翼日詣闕表謝

視學哲宗始視學遂幸國子監詣至聖文宣王殿行
釋奠禮一獻再拜御敦化堂召從官賜坐禮部太常
寺本監官承事郎以上侍立承務郎以下三學生坐
于東西廡侍講吳安詩執經祭酒豐稷講尚書無逸
終篇復命宰臣以下至三學生坐賜茶豐稷賜三品
服本監官學官等賜帛有差遂幸昭烈武成王廟酌
獻肅揖徽宗幸太學遂幸辟雍奠獻如上儀詔司業
吳綱等轉官改秩循資賜章服文武學生授官免省
試文解賜帛有差所司預設次於敦化堂後又於堂
上稍北當中兩間設次南向設御坐又設從官及講

筵講書執經官并太學官坐御坐之南東西重行異
位太學生坐於兩廡相向並北上宰臣以下從官之
次設於中門外皇帝酌獻文宣王畢幸太學階輦入
次簾垂更衣禮直官通事舍人引講官與侍立官入
就堂下皆繫鞵講書執經官學生各立堂下東西相
向俟報班齊皇帝升坐班首奏萬福在位者皆應喏
訖閣門使承旨臨階宣升堂通事舍人喝拜應在位
者再拜訖分左右升堂各就位少立起居郎舍人分
左右侍立禮直官通事舍人引講書及執經官就北
向位班首奏萬福閣門使宣升堂舍人喝再拜訖分

東西升堂立於御坐左右講書官在西東向執經官在東西向學生就北向位舍人喝拜在位者皆再拜立於東西兩廡內侍進書案以經授執經官稍前進於案上舍人喝拜就坐宰臣以下並堂上坐如閣門所進坐位圖講書畢通事舍人口可起群臣皆起降階立執經官降講書官於御坐前致辭訖亦降舍人喝拜如有宣答即再喝拜閣門宣坐賜茶舍人喝拜訖宰臣以下升堂各立於位後學生各就北向位舍人喝拜在位者俱拜訖各分東西廡以北為上下舍人喝就坐上下皆就坐賜茶畢禮直官通事舍人引堂

上官降階就位舍人喝拜在位者俱拜訖禮直官引之以次出學生就位舍人喝拜學生俱再拜退紹興十三年七月國學大成殿告成奉安廟像明年二月國子司業高閎請幸學上從之詔略曰偃革息民恢儒建學聲明丕闡輪奐一新請旣方堅理宜從欲將款謁於先聖仍備舉於舊章三月上服鞞袍乘輦入監止輦于大成殿門外入幄羣臣列班於庭帝出幄升東階跪上香執爵三祭酒再拜羣臣皆再拜上降入幄分奠從祀如常儀尚舍先設次于崇化堂之後及堂上之中南向設御坐閣門設羣臣班於堂下如

月朔視朝之儀宰輔從臣次於中門之外上乘輦幸太學降輦於堂入次更衣講官入就堂下講位北向執經官學生皆立於堂下東西相向帝出次升御坐羣臣起居如儀乃命三公宰輔以下升堂皆就位左右史侍立講書及執經官北面起居再拜皆命之升立於御坐左右學生北面再拜分立兩廡北上內侍進書案牙籤以經授執經官賜三公宰輔以下坐講畢羣臣皆起降階東西相向立執經官降講官進前致詞乃降北面再拜左右史降乃賜茶三公以下北面再拜升各立於位後學生北面再拜分兩廡立上

下就坐賜茶畢三公以下降階學生自兩廡降皆北面再拜羣臣以次出上降坐還次乘輦還宮特命禮部侍郎秦嬉執經司業高閎講易之泰遂幸養正持志二齋賜閱三品服學官遷秩諸生授官免舉賜帛有差上既奠拜注視貌象翼翼欽慕覽唐明皇及太祖真宗徽宗所製贊文命有司悉取從祀諸贊皆錄以進帝遂作先聖及七十二子贊冠以序文親灑翰墨以方載之五月丙辰登之絳殿備儀衛作樂命監學之臣自行宮北門迎置學宮揭之大成殿上及二廡序曰朕自睦鄰息兵首開學校教養多士以遂忠

良繼幸太學延見諸生濟濟在庭意甚嘉之因作文
宣王贊機政餘閒歷取顏回而下七十二人亦爲製
贊用廣列聖崇儒右文之聲復知師弟子間纓弁森
森覃精繹思之訓其於世道人心庶幾焉二十六年十
二月言者謂陛下崇儒重道製爲贊辭刻宸翰于琬
琰光昭往古寰宇儒紳孰不顧瞻雲漢之章諸奉石
刻于國子監以碑本徧賜郡學從之淳熙四年孝宗
幸太學如紹興之儀命禮部侍郎李燾執經祭酒林
光朝講太學尋幸武學如太學之儀帝肅揖武成王不拜嘉泰
三年正月寧宗幸太學如淳熙之儀淳祐元年正月

理宗幸太學宗武兩學宮屬生員并赴太學陪位候
車駕至學詣先聖文宣王位三上香執爵三祭酒俛
伏興再拜在位官皆再拜皇帝至崇化堂宰臣使相
執政并起居執經官由東階講官由西階并升堂於
御前分東西相向立次引國子監三學學官學生一
班北面再拜贊各就坐賜茶俟講書畢起立班再拜
禮成執經官講書官國子監三學官生員各推恩轉
官有差咸淳三年正月戊辰度宗幸太學祇謁禮部
尚書陳宗禮執經國子祭酒雷宜中講中庸餘並如
儀

賜貢士宴名曰聞喜。宴政和新儀，押宴官以下及釋褐貢士班首初入門，正安之樂作。至庭中，望闕位立。樂止，預宴官就位，再拜。訖，押宴官西向立。中使宣曰：「有敕在位者皆再拜。」訖，中使宣曰：「賜卿等聞喜。」宴在位者皆再拜。搢笏舞蹈，又再拜。次引押宴官稍前謝坐，再拜在位者皆再拜。若賜敕書，卽引貢士班首稍前。中使宣曰：「有敕貢士再拜。」中使宣曰：「賜卿等敕書。」班首稍前，搢笏跪。中使授敕書，訖少退。班首以敕書加笏上，俛伏興歸位，再拜在位者皆再拜。凡預宴官分東西升階就坐。貢士以齒酒初行，賓興賢能之樂。

作飲訖，食畢樂止。酒再行於樂，辟廡之樂作。酒三行，樂育人材之樂作。酒四行，樂且有儀之樂作。酒五行，正安之樂作。再坐酒行，樂作節次如上。儀皆飲訖，食畢樂止。押宴官以下俱興就次，賜花有差少，頃戴花畢，次引押宴官以下并釋褐貢士詣庭中，望闕位立。謝花再拜，復升就坐。酒行樂作，飲訖食畢樂止。酒四行訖，退。次日預宴官及釋褐貢士入謝，如常儀。寧宗慶元五年五月，賜新及第進士曾從龍以下聞喜宴于禮部貢院，上賜七言四韻詩，祕書監楊王休以下繼和以進。自後每舉並如之。

幸祕書省紹興十四年七月新建祕書省成祕書少
監游操等援宣和故事請車駕臨幸詔從之二十七
日幸祕書省至右文殿降輦放手詔曰蓋聞周建外
史掌三皇五帝之書漢選諸儒定九流七畧之奏文
德之盛後世推焉仰惟祖宗建開冊府凡累朝名世
之士由是以興而一代致治之原蓋出於此朕嘉與
學士大夫共宏斯道迺一新史觀新御榜題肆從望
幸之忱以示右文之意嗚呼士習爲空言而不爲有
用之學久矣爾其勉脩術業益勵猷爲一德一心以
共赴亨嘉之會用丕承我祖宗之大訓顧不善與遂

陳累朝御書御製晉唐書畫三代古器次宣皇太子
宰臣以下觀訖退遂賜宴于右文殿酒五行羣臣再
拜退車駕還內賜少監游操三品服御書扇餘官筆
墨館閣官各轉一官淳熙五年九月十三日孝宗幸
祕書省如紹興十四年之儀帝賦詩羣臣皆屬和
進書儀紹興二十年五月八日進呈中興聖統太常
博士丁屢明言乞比附進呈玉牒行禮二十四年進
呈徽宗御集禮部言昨紹興十年徽宗御製擬以敷
文名閣今乞權安奉於天章閣續俟崇建二十六年
十月進呈太后回鑾事實二十七年三月宰臣沈該

言玉牒所官陳康伯等先次編脩太祖皇帝玉牒自
誕聖至卽位自建隆元年至開寶九年通脩一十七
年開基玉牒舊制以梅紅羅面簽金字今欲題曰皇
宋太祖皇帝玉牒又編脩今上皇帝玉牒自誕聖之
後聖德祥瑞建大元帥府事蹟至卽帝位二十餘年
又自卽位後編脩至紹興二年通脩二十六年中興
玉牒今欲題曰皇宋今上皇帝玉牒宣祖太祖太宗
魏玉下各宗仙源類譜五世昭穆今已脩寫進本乞
擇日進呈詔從其請前期儀鸞司臨安府於玉牒殿
向南上設權安奉玉牒類譜並中興聖統幄次又於

玉牒所向外設騎從官及文武百官等待班幕次又
於景靈宮內外設騎從官幕次進呈前一日後朝退
玉牒所提領官都大提舉諸司官承受官玉牒所官
等赴本所幕次宿衛俟儀仗樂人等排立御史臺閣
門太常寺分引玉牒所官詣玉牒殿下北向立禮直
官引提領官詣玉牒殿下北向立禮直官揖躬拜提
領官拜在位官皆再拜訖次引提領官詣香案前摺
笏三上香執笏退復位皆再拜訖班退歸幕次宿衛
儀仗樂人作樂晝夜更互排立其日五更御史臺閣
門太常寺分引提領官宰執使相侍從臺諫兩省官

知閣禮官南班宗室詣玉牒殿北向立禮直官揖躬
拜提領官拜在位官皆再拜訖次引提領官詣玉牒
類譜香案前搢笏三上香執笏退復位禮直官引提
領官詣幄前西向立次騎從官分左右乘馬俟玉牒
所率輦官奉擎玉牒類譜腰輿進行樂人作樂儀衛
儀仗迎引次引提領官宰執使相侍從臺諫兩省官
知閣禮官南班宗室騎從至和寧門下馬執笏步從
玉牒類譜至垂拱殿門外幄次步從官權歸幕次樂
止儀衛樂人等並於幄次前排立俟進呈玉牒類譜
並如閣門儀訖俟玉牒類譜出殿門御史臺閣門太

常寺分引提領官宰執使相侍從臺諫兩省官知閣
禮官南班宗室分左右執笏步從儀衛樂人前引迎
奉出皇城北宮門步從等官上馬騎從至和寧門外
前引將至玉牒所御史臺閣門太常寺分引文武百
官於玉牒所門內殿門外立班內文臣釐務通直郎
以上及承務郎見任寺監主簿執事官以上武臣修
武郎以上迎拜訖如值雨地下沾濕迎拜官吏不迎
拜騎從官至玉牒所並下馬執笏步從詣玉牒殿下
分東西相向立禮直官引提領官詣玉牒類譜幄前
西向立定俟玉牒所率輦官奉擎玉牒類譜入幄儀

仗儀衛輦官樂人更互排立提領官宰執使相待從
臺諫兩省官知閣禮官南班宗室及玉牒所官分官
赴景靈宮迎奉皇帝中興聖統赴玉牒殿同時安奉
俟安奉時將至設香案畢次御史臺閣門太常寺分
引文武百官詣玉牒殿下並北向立班定禮直官引
提領官詣幄前西立俟日官報時及次玉牒所安奉
玉牒類譜訖次引提領官復位北向立定禮直官揖
躬拜提領官拜在位官皆再拜訖禮直官引提領官
詣香案前搢笏三上香執笏退復位立定在位皆再
拜訖退儀衛樂人等以次退自是凡進書並倣此惟

進太上皇聖政則有詣德壽宮之儀淳祐五年二月
十二日進孝宗光宗兩朝御集寧宗實錄及理宗玉
牒日曆其日皇帝御垂拱殿提舉官禮儀使宗室使
相宰執以下赴實錄院右文殿玉牒所經武閣並行
燒香禮畢奉迎諸書至和寧門步導至垂拱殿以俟
班齊各隨腰輿入殿下東西向立皇帝服鞞袍出宮
殿下鳴鞭禁衛諸班直親從等并入內省執骨朶使
臣國史實錄院日曆所編脩經武要畧所玉牒所點
檢文字以下并腰輿下人並迎駕自贊常起居內鞞
腰輿
人不拜皇帝卽御坐先知閣門官以下各班起居如
止應喏

常儀次日內官下殿各取合進呈書匣升殿於殿上
 東壁各置案上以南為上知閣門官二員自御坐前
 導皇帝起詣三朝諸書香案前褥位東向立閣門提
 點奏請上香三上香訖又奏請皇帝再拜訖知閣門
 官前導皇帝復歸御坐知閣門官歸東朵殿上侍立儀鑿司徹香案拜褥降東朵殿
 次舍人請國史實錄院以下提舉官禮儀使宰執
 并進讀官升殿於御坐東面西立國史實錄院國史日曆所編脩經武
要畧所土牒所俟入內官進御案孝宗御集提舉官
 并進讀御集官稍前立分進讀御集官於御前過西
 壁面東立御集提舉諸司官於孝宗御集匣前搢笏

啓封開鑰訖出笏歸侍立位御集承受官搢笏於御

集匣內取冊轉授提舉官搢笏接訖承受出笏提舉

官奉冊置御案上出笏皇帝起前立提舉諸司官承

受官分東西相向立並搢笏揭冊訖各出笏進讀御

集官搢笏稍前取篋子指讀逐版揭冊指讀並如上儀俟進讀畢

皇帝復坐進讀御集官置篋子於御案上出笏却於

御前東壁面西立以俟提舉官搢笏收冊復授承受

官搢笏接訖提舉官出笏稍後立承受官奉冊入匣訖出笏提舉諸司

官搢笏鎖匣訖次讀光宗御集寧宗實錄光宗經武

要略並同上儀次王牒提舉官并進讀玉牒官稍前

立分進讀玉牒官於御前過西壁面東立玉牒提舉
諸司官於玉牒匣前擗笏啓封鑰訖出笏歸侍立位
玉牒承受官擗笏取冊授提舉官置御案上進讀亦
如前儀讀畢領匣出笏歸侍立位次日曆提舉官并
進讀日曆官啓封鑰進讀亦同俱畢入內官徹案承受
官奉冊入匣訖出笏提舉諸司官擗笏鑰匣奉書匣
訖出笏歸侍立位儀鸞司徹卓子降東朶殿
下殿各置腰輿上國史實錄院日曆所編修經武要
略所玉牒所提舉官禮儀使宰執並降東階下殿東
壁面西立舍人引各官及禮儀使一班當殿面北立
定引各直身出班歛身稱謝訖歸位立揖躬身贊拜

兩拜訖贊各祗候直身立宣答御藥下殿宣答提舉
官禮儀使並歛身聽宣答訖御藥升殿揖躬身贊拜兩拜
訖贊各祗候直身立舍人引起東壁面西立次引國
史實錄院日曆所編修經武要略所玉牒所官一班
首直身出班歛身稱謝訖歸位立揖躬身贊拜兩拜
訖贊各祗候直身立如傳旨謝恩知閣門官承旨訖
於折檻東面西立傳與舍人承旨訖再揖躬身贊謝
恩拜兩拜訖贊各祗候直身立不該賜茶官先退次引國史
實錄院日曆所編修經武要略所玉牒所提舉諸司
官并承受官以下一班當殿面北立定揖躬身贊謝

恩拜兩拜訖贊各祗候直身立各歸位立次引國史
實錄院日曆所編修經武要略所玉牒所點檢文字
以下一班當殿面北立定揖躬身贊謝恩拜兩拜訖
贊各祗候直身立各歸位立傳旨宣坐賜茶訖舍人
奏閣門無公事皇帝起還宮百官導送奏安兩朝御
集實錄於天章閣經武要略於經武閣玉牒於玉牒所
日曆於秘閣如儀

大射之禮廢於五季太宗始命有司草定儀注其禮
臣朝謁如元會酒三行有司言請賜王公以下射侍
中稱制可皇帝改服武弁布七埒於殿下主公以次

射開樂縣東西廂設熊虎等候陳賞物於東階以登
能者設豐爵於西階以罰否者并圖其冠冕儀式表
著埒埒之位以進帝覽而嘉之謂宰臣曰侯弭兵當
與卿等行之凡游幸池苑或命宗室武臣射每帝射
中的從官再拜奉觴貢馬爲賀預射官中者帝爲之
解賜襲衣金帶散馬不解則不賜苑中皆有射棚畫
暈的射則用招箭班三十人服緋紫繡衣帕首分立
左右以唱中否節序賜宴則宗室禁軍大校牧伯諸
司使副皆令習射遂爲定制外國使入朝亦令帥臣
伴賜射於園苑政和宴射儀皇帝御射殿侍宴官公

梳與梳
未詳

服繫鞵射官窄衣奏聖躬萬福再拜升殿酒三行引射官降皆執弓矢謝恩再拜三公以下在右射官在左不射者依坐次分立皇帝初射中舍人贊拜凡左右祗應臣僚除內侍外並階上下再拜行門禁衛諸班親從諸司祗應人並自贊再拜招箭班殿上躬奏訖跪進梳射官先傳弓箭與殿侍側立內侍接梳訖就拜起降階再拜有司進御茶牀天武引進奉馬列射梁前員僚奏聖躬萬福東上閣門官詣御前躬奏班首姓名以下進酒班首以下橫行立贊再拜班首奉酒進樂作飲畢殿上臣僚再拜舍人贊各賜酒

官俱再拜贊各就坐羣官皆立席後引進司官臨階宣進奉出天武奉馬出樂合復贊就坐飲訖揖興諸司收坐物等射官左側臨階取弓箭侍立皇帝再射中的或雙中如上儀

進酒臨時取旨得旨進酒更不進奉中編梳及解中更不賀不

進臣僚射中引降階再拜訖殿下側立御箭解中招箭班進梳如上儀舍人再引射中官當殿揖躬宣有敕賜窄衣金帶跪受箱過再拜過殿側服所賜訖再

引當殿再拜更不射

如宣再射或更賜箭令射如未退即就位再拜如再射中御箭

再解中賜鞍轡馬如上儀臣僚射中御箭不解引降階再拜立招箭班殿上躬奏訖下殿舍人宣有敕賜銀梳跪受執

欵并箭就拜起再拜如合賜散馬卽同宣賜宣有敕
賜銀欵兼賜散馬若干匹射訖進御茶床諸司復陳
坐物等羣官各立席後贊就坐羣官俱坐酒五行宣
示醖宣勸如儀皆作樂宴畢內侍舉御茶床三公以
下降階再拜退乾道二年二月四日車駕幸玉津園
皇帝射訖次命皇太子次慶王次恭王次管軍臣僚
等射如是者三每射四發帝前後四中的淳熙元年
九月車駕幸玉津園命從駕文武官行宴射之禮皇
太子宰執以下酒三行樂作皇帝臨軒有司進弓矢
皇帝中的皇太子進酒宰執以下再拜稱賀宣皇

太子射射中賜宣預射臣僚射使相鄭藻起居舍人
王卿月環衛官蕭奪里懶射中各賜襲衣金帶

鄉飲之禮有三周禮鄉大夫三年大比與賢者能者
鄉老及鄉大夫帥其吏與其衆寡以禮賓之一也黨
正國索鬼神而祭祀則禮屬民而飲酒于序以正齒
位二也州長春秋習射于序先行鄉飲禮三也後世
臘蜡百神春秋習射序賓飲酒之儀不行於郡國唯
貢士日設鹿鳴宴猶古者賓興賢能行鄉飲之遺禮
也然古禮有賓主僕介與今之禮不同器以尊俎與
今之器不同賓坐於西北介坐於西南主人坐東南

撰坐東北與今之位不同主人獻賓賓酢主人主人
酬賓次主人獻介介酢主人次主人獻衆賓與今之
儀不同今制州軍貢士之月以禮飲酒且以知州軍
事爲主人學事司所在以提舉學事爲主人其次本
州官八行上舍生當貢者與州之群老爲衆賓亦古
者序賓養老之意也是月也會凡學之士及武士習
射亦古者習射于序之意也唐貞觀所放禮惟明州
獨存淳化中會例行之政和禮局定飲酒祭降之節
與舉酒作樂器用之屬並參用辟癰宴貢士儀其有
古樂處令用古樂旣又以河北轉運判官張孝純之

言周官以六藝教士必射而後行古者諸侯貢士天
子試諸射宮請詔諸路州郡每歲宴貢士於學因講
射禮於是禮官參定射儀鄉飲酒前一日本州於射
亭東西序量地之宜設提舉學事諸監司知州通判
州學教授應赴鄉飲酒官貢士幕次本州兵馬教諭
備弓矢應用物設樂其日初筵提舉學事知州軍通
判帥應赴鄉飲酒官貢士詣射亭執弓矢揖人射乘
矢若中則守帖者舉獲唱獲執筭者以筭投壺畢多
筭勝少筭射畢贊者贊揖酬酢如儀畢揖退飲如鄉
飲酒紹興七年郡守仇念置田以供費十三年比部

郎中林保乞脩定鄉飲儀制遍下郡國於是國子祭酒高閎草具其儀上之僕介之位皆與古制不合諸儒莫解其指意慶元中朱熹以儀禮改定知學者皆專用之主賓僕介之位始有定說其主則州以守縣以令位于東南賓以里居年高及致仕者位于西北僕則州以倅縣以丞或簿位東北介以次長位西南三賓以賓之次者司正以衆所推服者相及贊以士之熟於禮儀者其日質明主人率賓以下先釋菜于先聖先師退各就次以俟肅賓介與衆賓既入主人序賓祭酒再拜詣罍洗洗觶至酒尊所酌實觶授執事

者至賓席前跪以獻賓賓酬主人主人酬介介酬衆賓賓主以下各就席坐訖酒再行次沃洗贊者請司正楊觶致辭司正復位主人以下復坐主人興復至阼階楹下僕從賓介復至西階下立三賓至西階立亞南向主人拜賓介以下再拜賓介與衆賓先自西趨出主人少立自東出賓以下立于庠門外之右東鄉主人立于門外之左西鄉僕從主人再拜賓介以下皆再拜退

志卷第六十八

宋史一百十五

開府儀同三司程國錄軍國軍事前書右丞相修國史領經筵都總裁脫脫等奉

勅

禮十八 嘉禮六

皇太子冠禮 皇子附

公子下降儀 宗室附

品官婚禮

士庶人婚禮

公主笄禮

親王納妃

皇太子冠儀嘗行於大中祥符之八年徽宗親製冠

禮沿革十一卷命儀禮局倣以編次其儀前期奏告

天地宗廟社稷諸陵宮觀殿中監帥尚舍張設垂拱

文德殿門之內設香案殿下螭陛間又為房於東朶

殿大晟展宮架樂於橫街南太常設太子冠席東階
 上東宮官位於後設褥位陳服於席南東領北上遠
 遊冠簪導衮冕簪導同箱在服南設壘洗阼階東壘
 在洗東篚在洗西實巾一加勺冪光祿設醴席西階
 上南面實側尊在席南又設饌于席加冪執事者並
 公服立壘洗酒饌之所九旒冕遠遊冠折上巾各一
 匱奉禮郎三人執以待於東階之東西北上設典儀
 位於宮架東北贊者二人在南西向禮直官通事舍
 人太常博士引太子詣榮殿東房皇帝乘輦駐垂拱
 殿百官起居如月朔視朝儀左輔版奏中嚴內外符

匱殿上贊
 漆米箕也

寶郎奉寶先出左輔奏外辦皇帝服通天冠絳紗袍
 詣文德殿簾捲大樂正令撞黃鐘之鐘右五鐘皆應
 殿上鳴鞭皇帝出西閣乘輦協律郎俛伏跪舉麾興
 工鼓祝奏乾安之樂殿上扇合禮直官太常博士引
 禮儀使導皇帝出降輦即坐簾捲扇開鞭鳴樂止爐
 煙升符寶郎奉寶陳於御坐左右禮直官通事舍人
 太常博士引掌冠贊冠者入門肅安之樂作至位樂
 止典儀曰再拜在位者皆再拜左輔詣御坐前承制
 降東階詣掌冠者前西向稱有制典儀贊在位官再
 拜訖宣制曰皇太子冠命卿等行禮掌冠贊冠者再

拜訖文臣侍從官宗室武臣節度使以上升殿東西立應行禮官詣東階下立東宮官入詣太子東房次禮直官等引太子內侍二人夾侍東宮官後從欽安之樂作卽席西向坐樂止引掌冠贊冠者以次詣壘洗樂作搯笏盥悅訖出笏升樂止執折上巾者升掌冠者降一等受之右執項左執前進皇太子席前北向立祝曰咨爾元子肇冠於阼筮日擇賓德成禮具於萬斯年承天之祐乃跪冠順安之樂作掌冠者興席南北面贊冠者進席前北面跪正冠興立於掌冠者之後太子興內侍跪進服服訖樂止掌冠者揖太

子復坐禮直官等引掌冠者降詣壘洗如上儀贊冠者進席前北向跪脫折上巾置于墜興內侍跪受興置于席執遠遊冠者升掌冠者降二等受之右執項左執前進太子席前北向立祝曰爰即令辰申加元服崇學以讓三善皆得副予一人受天百福乃跪冠懿安之樂作掌冠者興贊冠者進跪簪結紘興太子興內侍跪進服服訖樂止掌冠者揖太子復坐掌冠者降詣壘洗及贊冠者跪脫遠遊冠並如上儀執衮冕者升堂上者降三等受之右執項左執前進太子席前北向立祝曰三加彌尊國本以正無疆惟休有

室大競。懋昭厥德。保茲永命。乃跪冠成。安之樂作。掌冠者興贊冠者如上儀。跪簪結紘。內侍進服。服訖。樂止。贊冠者跪取爵。內侍注酒。掌冠者受爵。跪進太子席前。北向立。祝曰。旨酒嘉薦。有飴其香。拜受祭之。以定爾祥。令德壽豈。自進無疆。太子搢圭。跪受爵。正安之樂。作飲訖。奠爵。執圭。大官令設饌。席前太子搢圭。食訖。樂止。執圭。興。大官令徹饌。爵禮。直官等引自西階。詣東房。易朝服。降立橫街。南北向。東官官復位。西向。太子初行樂止禮。直官等引掌冠贊冠者詣前。西

向。掌冠者少進字之曰始生。而名為實之實。既冠而字。以益厥文。永受保之。承天之慶。奉敕字。某太常博士請再拜太子再拜訖。搢笏舞蹈。再拜奏。聖躬萬福。又再拜。左輔承旨降自東階。詣太子前。西向宣曰。有敕。太子再拜。宣敕曰。事親以孝。接下以仁。遠佞近義。祿賢使能。古訓是式。大猷是經。宣訖。太子再拜訖。禮直官等引太子前。俛伏。跪奏稱。臣雖不敏。敢不祇奉。奏訖。興復位。再拜。訖。引出殿門。樂作出。門樂止。待立。官並降復位。典儀曰。拜贊者承傳在位者皆再拜。禮儀使奏禮畢。鳴鞭。大樂正令撞蕤賓之鐘。左五

鐘皆應乾安之樂作皇帝降坐左輔奏解嚴放仗在位官皆再拜退太子入內朝見皇后如宮中儀迺擇日謁太廟別廟宿齋於本宮質明服遠遊冠朱明衣乘金輅至廟改服衮冕執圭行禮群臣稱賀皇帝賜酒三行

皇子冠前期擇日奏告景靈宮太常設皇子冠席文德殿東階上稍北東向設褥席陳服于席南東領北上九旒冕服七梁進賢冠服折上巾公服七梁冠簪道九旒冕簪導同箱在服南設盥洗酒饌旒冕冠巾及執事者並如皇太子儀其日質明皇帝通天冠絳

紗袍御文德殿皇子自東房出內侍二人夾侍王府官從恭安之樂作即席南向坐樂止掌冠者進折上巾北向跪冠脩安之樂作贊冠者進北面跪正冠皇子興內侍跪進服訖樂止掌冠者揖皇子復坐以爵跪進祝曰酒醴和旨邇豆靜嘉授爾元服兄弟具來永言保之降福孔皆皇子摺笏跪受爵翼安之樂作飲訖太官令進饌訖再加七梁冠進安之樂作掌冠者進爵祝曰賓贊既成肴核惟旅申加厥服禮儀有序允觀爾成承天之祐皇子跪受爵輔安之樂作太官奉饌三加九旒冕廣安之樂作掌冠者進爵祝曰

旨酒嘉栗。甘薦令芳。三加爾服。眉壽無疆。永承天休。俾熾而昌。皇子跪受爵賢。安之樂作。太官奉饌。饌徹皇子降易朝服。立橫階。南北向位。掌冠者字之曰歲。日云吉。威儀孔時。昭告厥字。君子攸宜。順爾成德。永受保之。奉敕字某。皇子再拜舞蹈。又再拜奏。聖躬萬福。又再拜。左輔宣敕戒曰。好禮樂善。服儒講藝。蕃我王室。友于兄弟。不溢不驕。惟以守之。皇子再拜進前。俛伏跪稱。臣雖不敏。敢不祇奉。俛伏興復位。再拜出殿。上侍立。官並降復位。再拜。放仗。明日百僚詣東上閣門賀。

公主笄禮年十五。雖未議下嫁。亦笄。笄之日。設香案於殿庭。設冠席於東房外。坐東向西。設醴席於西階上。坐西向東。設席位於冠席南。西向其裙背。大袖長裙。褕翟之衣。各設於櫺陳于庭。冠笄冠朶九翬四鳳冠。各置于槃。蒙以帕。首飾隨之。陳于服櫺之南。執事者三人。掌之櫺。總置于東房內。執事官嬪盛服旁立。俟樂作。奏請皇帝升御坐。樂止。提舉官奏曰。公主行笄禮。樂作。贊者引公主入東房。次行尊者爲之總髻。畢出。卽席西向坐。次引掌冠者東房西向立。執事奉冠笄以進。掌冠者進前一步受之。進公主席前北向。

立樂止祝曰令月吉日始加元服棄爾幼志順爾成德壽考綿鴻以介景福祝畢樂作東向冠之冠畢席南北向立贊冠者爲之正冠施首飾畢揖公主適房樂止執事者奉裙背入服畢樂作公主就醴席掌冠者揖公主坐贊冠者執酒器執事者酌酒授於掌冠者執酒北向立樂止祝曰酒醴和旨邊豆靜嘉受爾元服兄弟具來與國同休降福孔皆祝畢樂作進酒公主飲畢贊冠者受酒器執事者奉饌食訖徹饌復引公主至冠席坐樂止贊冠者至席前贊冠者脫冠置于槃執事者徹去樂作執事者奉冠以進掌冠者

進前二步受之進公主席前北向立樂止祝曰吉月令辰乃申爾服飾以威儀淑謹爾德眉壽永年享受遐福祝畢樂作東向冠之冠畢席南北向立贊冠者爲之正冠施首飾畢揖公主適房樂止執事奉大袖長裙入服畢樂作公主至醴席掌冠者揖公主坐贊冠者執酒器執事者酌酒授于掌冠者執酒北向立樂止祝曰賓贊既戒殺核惟旅申加爾服禮儀有序允觀爾成永天之祐祝畢樂作進酒公主飲畢贊冠者受酒器執事者奉饌食訖徹饌復引公主至冠席坐樂作贊冠者至席前贊冠者脫冠置于槃執事者

徹去樂作執事奉九翬四鳳冠以進掌冠者進前三步受之進公主席前向北而立樂止祝曰以歲之吉以月之令三加爾服保茲永命以終厥德受天之慶祝畢樂作東向冠之冠畢席南北向立贊冠者為之正冠施首飾畢揖公主適房樂止執事者奉綸翟之衣入服畢樂作公主至醴席掌冠者揖公主坐贊冠者執酒器執事者酌酒授于掌冠者執酒北向立樂止祝曰旨酒嘉薦有飮其香咸加爾服眉壽無疆永承天休俾熾而昌祝畢樂作進酒公主飲畢贊冠者受酒器執事者奉饌食訖徹饌復引公主至席位立

樂止掌冠者請前相對致辭曰歲日具吉威儀孔時昭告厥字令德攸宜表爾淑美永保受之可字曰某辭訖樂作掌冠者退引公主至君父之前樂止再拜起居謝恩再拜少俟提舉進御坐前承旨訖公主再拜提舉乃宣訓辭曰事親以孝接下以慈和柔正順恭儉謙儀不溢不驕毋詖毋欺古訓是式爾其守之宣訖公主再拜前奏曰兒雖不敏敢不祗承歸位再拜見后母之禮如之禮畢公主復坐皇后稱賀次妃嬪稱賀次掌冠贊冠者謝恩次提舉衆內臣稱賀其餘班次稱賀並依常式禮畢樂作駕興樂止

公主下降初被選尚者即拜駙馬都尉賜玉帶龍衣銀鞍勒馬采羅百匹謂之繫親又賜辦財銀萬兩進財之數倍於親王聘禮出降賜甲第餘如諸王夫人之制掌扇加四引障花燭籠各加十皆行舅姑之禮諸親遞加賜資其縣主繫親以金帶賜辦財銀五千兩納財賜資太率三分減其二宗室女特封郡君者又差降焉嘉祐初禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納采今選尚一出朝廷不待納采公主封爵也

誕止不待問名若納成則既有進財請期則有司擇日當稍依五禮之名存其物數詳如婚姻之事重而六禮之際嚴如此亦不忘三禮之義也時高國公主下嫁李瑋詔賜出降日令夫家三婦者具合用應幣三馬等物陳於內東門外以授四謂者進入內侍掌事者受唯馬不入神宗即位詔以昔侍先帝蒙國德音以舊制士大夫之子有尚帝女者輒皆不行以避舅姑之身豈可以富貴之故使人論其功之屬宜詔有司章之以厲風俗於是著為令仍命禮部長公主

送行禮自此始舊例表公主凡有表章不稱妾禮院
議請男子婦人凡於兩尊稱臣若妾表章相對今宗
室伯叔近臣悉皆稱臣即公主還宮稱妾亦家人之
禮難施於朝廷請自大長公主而下凡上儀表各若
國封爵妾從主師約之請也康國公主下降太常寺
言接令公主出降中書省請皇后帥宮闈掌事人
送至第外命婦從令請如令詔出降日燒儀帥宮闈
掌事者送至第外命婦免從徽宗改公主為妃下詔
曰在熙寧初有詔釐改公主郡主縣主名稱當時群
臣不克奉承近命有司稽考前世周禮王姬見於詩

雅姬雖周姓考古立制宜莫如周可改公主為帝姬
主為宗姬縣主為族姬其稱大長者為大長帝姬仍
以美名二字易其國號內兩國者以四字其出降日
璿家具五禮修表如上儀太史局擇日告廟親迎前
一日所司於內東門外量地之宜西向設壻次其壻
父醮子如上儀乃命之曰往迎肅雍以昭惠宗祐子
再拜曰祇率嚴命又再拜降出乘馬至東華門內下
馬禮直官引就次有司陳帝姬鹵簿儀仗於內東門
外候將升厭翟車引壻出次於內東門外躬身西向
掌事者執鴈內謁者奉鴈以進俟帝姬升車壻再拜

先還第同牢其日初昏掌事者設巾洗各一於東階東南一於室北水在洗東尊於室中實四爵兩盃於篚壻至本第下馬以俟帝姬至降車贊者引壻揖之以入及寢門又揖道之升階入室盥洗掌事者布對位又揖帝姬皆即坐受醖三飲俱興再拜贊者徹酒見舅姑夙興帝姬著花釵服綸翟以俟見贊者設舅姑位於堂上舅位於東姑位於西各服其服就位女相者引帝姬升自西階詣舅位前再拜贊者以棗栗授帝姬奉置舅位前舅即坐贊者進徹以東帝姬退復位又再拜女相者引諸姑位前再拜贊者以股脍

授帝姬奉置姑位前姑即位贊者亦徹以東帝姬退復位又再拜次醴婦盥饋饗婦如儀

諸王納妃宋朝之制諸王聘禮賜女家白金萬兩敵門

續音需

納古之用羊二十口酒二十壺綵四十匹定禮羊酒綵各加十茗百斤頭巾段綾絹三十匹黃金釵釧四雙條脫一副真珠琥珀瓔珞真珠翠毛玉釵朶各二副銷金生色衣各一襲金塗銀合二錦繡綾羅三百匹果繫花粉花纂眠羊卧鹿花餅銀勝小色金銀錢等物納財用金器百兩綵千匹錢五十萬錦綺綾羅絹各三百匹銷金繡畫衣十襲真珠翠毛玉釵

孕各三副函書一架纏束帛押馬函馬二十匹羊五十口酒五十壺繫羊酒紅絹百匹花粉花菓果盤銀勝羅勝等物親迎用塗金銀裝肩輿一行障坐障各一方團掌扇四引障花十樹生色燭籠十高髻釵插并童子八人騎分左右導扇與其宗室子聘禮賜女家白金五千兩其敵門定禮納財親迎禮皆減半遠屬族卑者又減之政和三年四月議禮局上皇子納夫人儀采擇使者曰奉制某王之儷屬子懿淑謹之重之使其行采擇之禮價者入告主人曰臣某之子顯愚不足以備采擇恭承制命臣某不敢辭問名使

者曰某王之儷采擇既諧將加官占奉制問名價者入告主人曰制以臣某之子可以奉侍某王臣某不敢辭告吉使者曰官占既吉奉制以告價者入告主人曰臣某之子愚亦克堪占既之吉臣與有幸臣某謹奉典制告成使者曰官占云吉嘉偶既定制使某以儀物告成價者入告主人曰奉制賜臣以重禮臣某謹奉典制告期使者曰消辰之良某月某日吉制便某告期價者入告主人曰臣某謹奉典制前期太史局擇日奏告景靈宮賜告前一日主人設使者次如常儀

所向設香案於寢展其日大時使者公服至主人出
迎於大門外北向再拜使者不答拜謁者引使者入
門而左主人入門而右舉告箱者同入立立香案
左使者右舉告箱者以告置于香案女相者引夫
人出而闕立使者稱有制女相者贊再拜使者曰賜
某國夫人告又贊再拜退使者出皇帝醮戒於所御
之殿皇子乘象輅親迎同牢夫人朝見豐饋皇帝皇
后饗夫人如儀其諸王以下納采賓曰某官以伉儷
之重施於某王某官謂主人某王率猶彛典以某將
爭敢請納采某王謂賓頃者入告主人曰某之子弗

聞於姆訓維是服脩東臬之饋未知所以告虔也某
聽命于廟敢不拜嘉問名賓曰合二姓之好必稽諸
龜筮敢請問名賓者入告主人曰某王恭謹重正昏
禮將以加諸卜某敢不以告納吉賓曰某王承嘉命
稽諸卜筮龜筮協從使某以告賓者入告主人曰某
王不忘寒素欲施德於某未幾之如而卜以言告其
曷敢辭納成賓曰某官以伉儷之重施於某王某王
謂賓下率猶彛典有不腆之幣以某將事敢請納
成賓者入告主人曰某王順彛典申之以備物某敢
不重拜嘉請期賓曰某王謹重嘉禮將卜諸近日使

某請期。賓者入告主人。再辭。賓者出告。賓曰。某既不獲受命。於某官。某王得吉。卜曰。某日。敢不以告。賓者入告主人曰。謹奉命。以從。親迎。前一日。主人設賓次。賓謂如常儀。其日。天所。婿之父。服其服。告於禰廟。廳者。設神位於廟。東。子將行。父醮之於廳。事。贊者設父位。中間南向。設子位。父位之西。近南。東向。父即生子。公服升。自西階。進立位前。贊者注酒於醴。西向。授子。子再拜。跪受。贊者又設饌。父位前。子舉酒。興。即坐。飲食訖。降。再拜。進立於父位前。命之曰。躬迎嘉偶。釐爾。內治。子再拜曰。敢不奉命。又再拜。降出。詣女家。主人

服其服。告于禰廟。如請期之儀。賓將至。主人設神位於寢戶外之西。設醴。女位於戶內南向。具酒。備賓至。贊者引就次。女盛服於房中。就位南向。立姆位於右。從者陪其後。父公服升。自東階。立於寢戶外之東西。向內。贊者設酒饌。女就位坐。飲食訖。降。再拜。內贊者徹酒饌。主人降。立東階。東南西南。西面。贊者引賓出。次立於門西。東面。賓者進受命。出請事。賓曰。某受命於父。以茲嘉禮。躬聽成命。賓者入告主人曰。某固願從命。賓者出告。訖。入引主人迎賓。大門外之東西。西面。揖賓。賓報揖。主人入門而右。賓入門而左。執鴈者從。入陳

鴈於庭三分庭一在南北向主人升立于東階上西
面賓升西階進當寢戶前北面再拜降出主人不降
送賓初入門母出立於寢門外之西南面賓拜訖姆
引女出於母左父命之曰往之汝家以順爲正無忘
肅恭母戒之曰必恭必戒無違舅姑之命庶毋申之
曰爾誠聽於訓言母作父母羞女出門壻先還第其
同牢廟見見舅姑諸禮皆如儀凡宗室婚姻治平中
宗正司言宗室女舅姑夫族未立儀制皆當辦法詔
壻家有二世食祿卽許娶宗室女未仕者與判司簿
尉已任者隨資序推恩卽壻別祖女別房舊爲婚姻

而於今卑尊不順者皆許壻之三代鄉貫生月人材
書劄止令婚主問驗以告宗正寺大宗正司寺司詳
視如條保明所進財皆賜壻家令止於本官納財媒
灼使令之人非理求勾許告宗室女事舅姑及見夫
之族親皆如臣庶之家其後又令宗室女再嫁者祖
父右一代任殿直若州縣官已上卽許爲婚姻庶寧
十年又詔應袒免以上親不得與雜類之家婚嫁謂
舅嘗爲僕姑嘗爲娼者若父母係化外及見居沿邊
兩屬之人其子孫亦不許爲婚總麻以上親不得與
諸司胥吏出職納粟得官及進納伎術工商雜類惡

述

之家子孫通婚後又禁刑徒人子孫為婚應婚嫁者委主婚宗

室擇三代有任州縣官或殿直以上者列姓名家世

州里歲數奏上宗正司驗實召保付內侍省宣繫聽

期而行嫁女則令其壻召保其冒妄成婚者以違制

論主婚宗室與媒保同坐不以赦降自首者減罪告

者有賞非袒免親者依庶姓法宗室離婚委宗正司

審察若如律有可出之實或不相安方聽若無故据

拾者劾奏如許聽離追元賜予物給還嫁資再娶者

不給賜非袒免以上親與夫聽離再嫁者委宗正司

審核其恩澤已追奪而乞與後夫者降一等尋詔宗

女母得與嘗娶人結婚再適者不用此法

品官婚禮納采問名納吉納成請期親迎同牢廟見

見舅姑姑醴婦盥饋饗婦送者並如諸王以下婚四

品以下不用盥饋饗婦禮

士庶人婚禮并問名於納采并請期於納成其無鴈

奠者二舍生聽用羊庶人聽以雉及鷄鶩代其辭稱

吾子親迎質明掌事者設欄位廳事東間南向壻之

父服其服北面再拜祝曰某子某年若干禮宜有室

聘某氏第幾女以其日親迎敢告子將行父坐廳事

南向子服其服三舍生及官子孫假九品服餘並皂衫立父位西

少南東向贊者注酒於醎授于子再拜跪受贊者又以饌設位前于舉酒與即坐飲食訖降再拜進立父位前命之曰釐爾內治往來爾匹于再拜曰敢不奉命又再拜降出初婚掌事者設酒饌室中置二醎於槃壻服其服如前服至女家贊者引就次掌事者設禰位主人受禮如請期之儀主人謂女父女盛服立房中父升階立房外之東西向非南向者各隨其所向父立於門外之左餘放此贊者注酒於醎授女女再拜受醎贊者又以饌設於位前女即坐飲食訖降再拜父降立東階下賓出次賓謂主人迎于門揖賓入賓報揖從入主人升東階

西面賓升西階進當房戶前北面掌事者陳鴈于階賓曰某受命於父以茲嘉禮躬聽成命主人曰某固願從命賓再拜降出主人不降送初女出父戒之曰往之汝家無忘肅恭毋戒之曰夙夜以思無有違命諸母申之曰無違爾父母之訓女出壻先還俟于門外婦至贊者引就北面立壻南面揖以入至於室掌事者設對位室中壻婦皆即坐贊者注酒於醎授壻及婦壻及婦受醎飲訖迎設饌再飲三飲並如上儀壻及婦皆起再拜贊者徹酒饌見祖禰見舅姑禮婦饗送者如儀

